



國立臺灣大學圖書館典藏
由國家圖書館數位化

71921

醫4.12.2

皇后紀卷第十上

集解錢大昕曰晉書稱華嶠作後漢書九十七卷有帝紀十二卷皇后紀二卷先是東觀漢紀

依班固之例作外戚傳嶠以為皇后配天作合前史作外戚傳以繼末篇非其義也故易為皇后紀以次帝紀其後王隱撰晉書亦從華嶠之例范書因之何焯以為東京皇后臨朝者六范氏作皇后紀合史家之變為得其實此臆說也後漢書十上

宋

宣

城

太

守范

曄

撰

唐

章

懷

太

子

賢

注

王先謙集解

夏殷呂上后妃之制其文略矣周禮王者立后

鄭玄注禮記曰后之言後言在夫之

後也三夫人九嬪二十七世婦八十一女御呂備內職焉后正位宮

闈同體天王夫人坐論婦禮

鄭玄注周禮云夫人之於后猶三公之於王坐而論婦禮也

九嬪

掌教四德

九嬪比九卿周禮曰九嬪掌婦學之法以教九御也四德謂婦德婦言婦容婦功也

世婦主喪祭

賓客

婦服也明其能服事於人也比二十七大夫周禮世婦掌祭祀賓客喪紀之事祭之日涖陳女宮之具凡內羞之物掌帛

臨于卿大夫之喪集解惠棟曰王昭禹曰執箕帚以事人者謂之婦記曰納女於天子備洒掃婦之事人有廣嗣之義故謂之世婦

女御序于王之燕寢

御謂進御于王也。比八十一元士。周禮曰：頌女御，敘于王之燕寢，以歲時獻功事也。

官分務各有典司女史彤管記功書過

周禮云：女史掌王后之禮，書內令凡后之事，以禮從。

也。鄭玄注云：亦如太史之於王也。彤管，赤管筆也。詩云：詒我彤管，注云：古者后夫人必有女史彤管之法也。

居有保阿

之訓動有環珮之響

列女傳曰：齊孝公孟姬，華氏之女，從孝公遊，車奔，姬墮車碎。孝公使駟馬立車，載姬，姬泣。

日妾聞妃下堂，必從，傅母保阿進退，則鳴玉珮環，今立車無輶，非敢受命。

進賢才曰輔佐君子衷窈窕

而不淫其色

詩序云：關雎，樂得淑女，以配君子，憂在進賢，不淫其色。衷，窈窕，思賢才而無傷善之心。毛萇注云：窈窕，幽

間也。集解先謙曰：官本正文及注，並作哀窈窕，是也。哀與思同義。孔子所謂哀而不傷也。衷字鄭君所改，非。

所曰能述

宣陰化修成內則

周禮內宰職曰：以陰禮教六宮，以婦職之法教九御。

閨房肅雍險謁不行

也。肅，敬也。雍，和也。謁，請也。言能輔佐君子，和順恭敬，不行私謁。詩序曰：雖則王姬，猶執婦道，以成肅雍之德。又曰：而無險謁私謁

之故康王晚朝關雎作諷

前書音義曰：后夫人雞鳴，佩玉去君所，周康王后不然，故詩人歎而傷之。見魯

詩宣后晏起姜氏請愆

列女傳曰：周宣姜后齊侯之女也。宣王常夜臥，晏起，后夫人不出房，姜后既出，迺脫

簪珥，待罪於永巷，使傅母通言於王曰：妾不才，淫心見矣。至使君王失禮而晏起，以見君王樂色忘德，敢請罪。惟君王之命，王曰：寡

人之過夫人何辜遂勤
政事成中興之名焉
及周室東遷禮序凋缺
幽王時西夷犬戎共攻殺幽王于驪

山之下太子宜臼立是為平王
諸侯僭縱軌制無章齊桓有如夫
東遷洛邑以避犬戎政遂微弱

人者六人
左傳曰桓公多內寵有如夫人者六人長衛姬少衛姬鄭姬葛嬴密姬宋華子也
晉獻升戎女

為元妃
元妃嫡夫人也史記曰晉獻公伐驪戎得驪姬愛幸立以為妃
終於五子作亂
桓公六夫人生六子

桓公卒立公子昭於是公子無虧公子元公子潘公子
商人公子雍等五公子皆求立公子昭奔宋是作亂也
豕嗣邁屯

豕大也邁遇也屯難也晉獻公受
爰逮戰國風憲逾薄適情任欲
驪姬之譖殺太子申生故曰遇屯

顛倒衣裳
上曰衣下曰裳詩曰綠兮衣兮綠衣黃裳鄭玄曰綠衣黑今反以黃為裏非其禮制諭妾上僭也
曰至

破國亡身不可勝數斯固輕禮弛防先色後德者也秦并天下多

自驕大宮備七國
史記曰始皇破六國寫放其宮室作之咸陽北坂上南臨渭水殿屋複道周閣相屬所得諸侯

美人以充入之
爵列八品
前書曰漢興因秦之稱號正嫡稱皇后妾皆稱夫人又有美人良人入子七子

長使少
漢興因循其號而婦制莫釐
高祖帷薄不修
大戴禮曰

穢男女無別者不曰污穢曰帷薄不修
孝文衽席無辨
鄭玄注禮記曰衽臥

席也孝文幸慎夫人每與皇后同坐是無辨也然而選納尚簡飾翫少華自武元之後世

增淫費至乃掖庭三千增級十四

婕妤一媵娥二容華三充衣四已上武帝置昭儀五元帝置美

人六良人七七子八八子九長使十少使十一五官十二順常十三舞涓共和嫫靈保林良娣使夜者十四此六官品秩同爲一等

也妖幸毀政之符

集解先謙曰官本幸作倖是

外姻亂邦之迹前史載之詳矣

及光武中興斲彫爲朴

彫爲刻鏤也史記曰漢興破觚而爲圓斲彫而爲朴

六宮稱號唯皇

后貴人

鄭玄注周禮曰皇后正寢一燕寢五是爲六宮也夫人已下分居焉

貴人金印紫綬奉不過

粟數十斛又置美人宮人采女三等

集解惠棟曰風俗通采女案采者擇也

並無爵

秩歲時賞賜充給而已漢法常因八月算人

漢儀注曰八月初遣爲算賦故曰算人

中大夫與掖庭丞及相工於洛陽鄉中閱視良家童女年十三

上二十曰下姿色端麗合法相者載還後宮擇視可否迺用登御

所旨明慎聘納詳求淑哲明帝聿遵先旨宮教頗修登建嬪后必

先令德內無出閫之言

閫門限也禮記曰外言不出於閫也

權無私溺之授

可謂矯其敝矣向使因設外戚之禁編著甲令前書音義曰甲令者前帝第一令也

有甲令乙令丙令改正后妃之制貽厥方來豈不休哉雖御已有度而防

閑未篤故孝章曰下漸用色授恩隆好合遂忘淄蠹淄黑也蠹食木蟲以諭傾

敗也集解惠棟曰淄文選作濟自古雖主幼時艱王家多釁必委成冢宰簡求忠

賢未有專任婦人斷割重器唯秦苻太后始攝政事苻音亡爾反故穰

侯權重於昭王家富於嬴國太后昭王母也號宣太后史記曰昭王立年少宣太后自知事以同母弟

魏冉為將軍任政封為穰侯太后攝政始於此也漢仍其謬知患莫改東京皇統屢絕權

歸女主外立者四帝謂安質桓靈臨朝者六后章帝竇太后和熹鄧太后安思閻太后順烈梁

太后桓思竇太后靈莫不定策帷帟委事父兄貪孩童曰久其政集

惠棟曰周章傳鄧太后以皇子勝痼不可抑明賢曰專其威周禮

奉承宗廟貪殤帝孩抱養為己子故言之抑明賢曰專其威幕人

掌幃帟幄幕之事鄭玄注曰帟幄中坐上承塵也殤帝崩鄧太后與兄鷹等迎立安帝年十三冲帝崩梁太后與兄冀迎立質帝年八歲質帝崩太后與兄冀迎立桓帝年十五桓帝崩竇太后與兄武迎立靈帝年十二集解惠棟曰明賢謂清河王蒜也任重

道悠利深禍速身犯霧露於雲臺之上

霧露謂疾病也不可指言死故假霧露以畜之靈帝

時中常侍曹節矯詔遷太后於雲臺謝弼上封事曰伏惟皇太后

援立明聖幽居空宮如有霧露之疾陛下當何面目以見天下

解先謙曰官本畜作言是家嬰縲絏於囹圄犴之下

也鄉索也純繫也囹圄周獄名

謂外戚等誼曰前車覆後車誠而赴蹈不息

被誅也 湮滅連踵傾軛繼路

焦爛爲期終於陵夷大運淪亡神寶

陵夷猶頹替神寶帝位也 詩書所歎略同

一揆故考列行跡曰爲皇后本紀雖成敗事異而同居正號者並

列于篇其曰私恩追尊非當時所奉者則隨它事附出

謂安帝祖母左姬及祖

母宋貴人之類並見清河孝王傳集解惠棟曰劉良文選注追尊

謂生非經奉承宗廟祭祀而死後追尊者他事謂不隨王后之事

也親屬別事各依列傳其餘無所見則係之此紀

謂賈貴人虞美人之類是也集

解錢大昕曰此言后妃親屬如陰馬鄧竇之倫事迹昭著別爲列

傳其無事可見者附入此紀不更立外戚傳若郭況閻顯鄧康之

類是也注似未達其旨 曰續西京外戚云爾

謂繼前漢外戚傳也 光武郭皇后諱聖通真定橐人也

橐縣名故城在今恒州橐城縣西集解沈壽曰前志真定縣有

橐城此與鈹期傳但曰橐則前書疑衍城字淺人據後代地名增之耳後漢並無此縣隋志云趙郡橐城後齊廢下曲陽入焉改爲橐城縣夫曰改爲則齊前無城字可知而魏地形志云鉅鹿郡橐城前漢屬眞定後漢屬鄆疇晉罷太和十二年復城字當亦據後世地名增之此縣晉時始罷今後志無之當有奪文先謙曰前志作橐城見地理五行二志不應緣此與鈹期傳無城字而以前志有城字爲淺人所增設此疑難也餘見郡國志今正定府橐城縣西南邱頭社爲郡著姓父昌讓田宅財產數百萬與異母弟國人義之仕郡功曹娶眞定恭王女號郭主

恭王名普景帝七代孫

生后及子況昌早卒郭主雖王家女而好禮節儉有

母儀之德更始二年春光武擊王郎至眞定因納后有寵及卽位

呂爲貴人建武元年生皇子彊帝善況小心謹慎年始十六拜黃

門侍郎二年貴人立爲皇后彊爲皇太子封況繇蠻侯

集解陳景雲曰綿蠻

當是綿曼之誤眞定屬縣也郡國志無之蓋後已省李贍芸曰春秋戎蠻子公羊作曼蠻曼二字古通借先謙曰今正定府獲鹿縣

北

呂后弟貴重賓客輻湊況恭謙下士頗得聲譽

集解惠棟曰拾遺記云况雖居

富勢閉門優游未曾干世事爲一時之智也

十四年遷城門校尉其後后呂寵稍衰數

懷怨懟十七年遂廢爲中山王太后進后中子右胡公輔爲中山

王曰常山郡益中山國徙封況大國爲陽安侯

陽安縣屬汝南郡故城在今豫州朗

山縣故道國城是也集解先謙曰在今汝寧府確山縣東北

后從兄竟曰騎都尉從征伐有功

封爲新鄴侯官至東海相

新鄴縣屬汝南郡故城在今潁州汝陰縣西北鄴丘城是也音七私反集解

先謙曰在今潁州府太和縣北舊志七十里訛爲宋王城

竟弟匡爲發干侯

發干縣屬東郡故城在今博州堂邑

縣西南集解先謙曰在今東昌府堂邑縣西南

官至太中大夫

集解錢大昕曰新鄴侯竟發干侯匡歷官具詳於後

此文依史通點煩之例可省二十字

后叔父梁早終無子其壻南陽陳茂曰恩澤封

南緣侯

緣音力全反集解先謙曰注見光武紀

二十年中山王輔復徙封沛王后爲

沛太后況遷大鴻臚帝數幸其第會公卿諸侯親家飲燕賞賜金

錢縑帛豐盛莫比京師號況家爲金穴

集解惠棟曰拾遺記況累金數億家僮四百餘人以

黃金爲器閣下有藏金窟列武士以衛之錯雜寶以飾臺榭其寵者皆以玉器盛食故東京謂郭家爲瓊廚金穴

二十六

年后母郭主薨帝親臨喪送葬百官大會遣使者迎昌喪柩與主

合葬追贈昌陽安侯印綬諡曰思侯二十八年薨葬於北芒集解

汪文臺曰御覽百三十七引續漢書作葬北陵帝憐郭氏詔況子璜尚清陽公主除璜為

郎顯宗即位況與帝舅陰識陰就並為特進數授賞賜集解劉攽曰案文授

當作受恩寵俱渥禮待陰郭每事必均永平二年況卒贈賜甚厚帝

親自臨喪諡曰節侯子璜嗣元和三年肅宗北巡狩過真定會諸

郭朝見上壽引入倡飲甚歡說文曰倡樂也聲類曰俳呂太牢具上郭主豕賜

粟萬斛錢五十萬永元初璜為長樂少府長樂少府掌皇太后宮秩二千石居長信宮曰

長信少府長樂宮曰長樂少府子舉為侍中兼射聲校尉及大將軍竇憲被誅舉

曰憲汝婿謀逆故父子俱下獄死家屬徙合浦郡名今廉州縣集解先謙曰今廉州

府合浦縣東北七十五里宗族為郎吏者悉免官新鄴侯竟初為騎將前書曰車戶騎

將屬光祿秩比千石從征伐有功拜東海相永平中卒子嵩嗣嵩卒追坐染

楚王英事國廢建初二年章帝紹封嵩子勤為伊亭侯勤無子國

除發千侯匡官至太中大夫建武三十年卒子勳嗣勳卒子駿嗣
永平十三年亦坐楚王英事失國建初三年復封駿爲觀都侯卒
無子國除郭氏侯者凡三人皆絕國

論曰物之興衰情之起伏理有固然矣而崇替去來之甚者必唯

寵惑乎當其接牀第承恩色雖險情贅行莫不德焉

說文曰贅肱也老子曰餘

食贅行河上公注曰行之無當爲贅莊子曰附贅懸肱言醜惡也及至移意愛析嬖私雖惠心妍

狀愈獻醜焉愛升則天下不足容其高歡隊故九服無所逃其命

斯誠志士之所沈溺君人之所抑揚未或違之者也郭后曰哀離

見貶悲怨成尤而猶恩加別館增寵黨戚至乎東海逡巡去就曰

禮使後世不見隆薄進退之隙不亦光於古乎

光烈陰皇后諱麗華

諡法曰執德遵業曰烈東觀記有陰子公者生子方方生幼公公生君孟名陸卽后之父

也今世本睦作陸集解惠棟曰孫恂案風俗通曰管修自齊適楚爲陰大夫其後氏焉子方宣帝時人見陰興傳南陽新

野人初光武適新野聞后美心悅之後至長安見執金吾車騎甚

盛因歎曰仕宦當作執金吾娶妻當得陰麗華更始元年六月遂

納后於宛當成里集解惠棟曰御覽引郡國志鄧州皇后城即迎陰后處時年十九及光武

為司隸校尉方西之洛陽令后歸新野及鄧奉起兵后兄識為之

將后隨家屬徙涇陽止於奉舍光武即位令侍中傅俊迎后集解先謙

曰水經注魯陽關水逕皇后城西建武元年世祖遣侍中傅俊持節迎光烈皇后於涇陽俊發兵三百餘人宿衛皇后道歸京師蓋

稅舍所在故與胡陽寧平主諸宮人俱到洛陽后為貴人寧平縣屬

淮陽故城在今亳州谷陽縣西南帝后雅性寬仁欲崇后尊位

后固辭曰郭氏有子終不肯當故遂立郭皇后建武四年從征彭

寵生顯宗於元氏九年有盜劫殺后母鄧氏及弟音欣帝甚傷之

迺詔大司空曰吾微賤之時娶於陰氏因將兵征伐遂各別離幸

得安全俱脫虎口莊子曰孔子見盜跖謂柳下惠曰幾不免於虎口曰貴人有母儀之美

宜立爲后而固辭弗敢當列於媵妾

爾雅曰媵送也孫炎曰送女曰媵

朕嘉其義

讓許封諸弟未及爵土而遭患逢禍母子同命愍傷于懷小雅曰

將恐將懼惟予與汝將安將樂汝轉弃予

谷風之詩

風人之戒可不慎

乎其追爵謚貴人父陸爲宣恩哀侯弟訢爲宣義恭侯曰弟就嗣

哀侯後及尸柩在堂使太中大夫拜授印綬如在國列侯禮魂而

有靈嘉其寵榮十七年廢皇后郭氏而立貴人制詔三公曰皇后

懷執怨懟數違教令不能撫循它子訓長異室宮闈之內若見鷹

鷂

爾雅曰宮中

既無關雎之德而有呂霍之風

集解蘇輿曰后以寵衰怨懟別無他

罪著見喻以呂霍未免深文光武黜呂廟祀而進薄禮元仲亦因於此

豈可託曰幼孤恭承明祀今

遣大司徒涉

戴涉

宗正吉持節

集解惠棟曰劉吉也韋昭國語注漢宗正用諸劉是也

其上

皇后璽綬陰貴人鄉里良家歸自微賤

公羊傳曰婦人謂嫁曰歸

自我不見于

今三年

詩幽風東山之詞也

宜奉宗廟爲天下母主者詳案舊典時尙尊號

異常之事非國休福不得上壽稱慶后在位恭儉少嗜玩不喜笑
謹性仁孝多矜慈七歲失父雖已數十年言及未嘗不流涕帝見
常歎息顯宗卽位尊后爲皇太后永平三年冬帝從太后幸章陵
置酒舊宅會陰鄧故人諸家子孫並受賞賜七年崩在位二十四
年年六十合葬原陵明帝性孝愛追慕無已

集解惠棟曰東觀記上長思遠慕至踰年

迺率諸侯王公主外戚郡國計吏上陵如會殿前禮

十七年正月當謁原陵夜夢先帝太后

如平生歡旣寤悲不能寐卽案曆明旦日吉遂率百官及故客上
陵其日降甘露於陵樹帝令百官采取呂薦會畢帝從席前伏御

牀視太后鏡奩中物

奩鏡匣也音廉

感動悲涕令易脂澤裝具

集解胡三省曰沈約

云漢因秦上陵皆有寢廟故稱寢殿起居衣服象生人之具古寢之意也

左右皆泣莫能仰視焉

明德馬皇后諱某

諡法曰忠和純淑曰德諱某者史失其名下皆類此

伏波將軍援之小女

也少喪父母兄客卿敏惠早天母藺夫人

集解惠棟曰清河王傳夫人母爲宋揚姑

悲

傷發疾恍惚后時年十歲幹理家事勅制僮御幹正也廣雅曰僮御皆使者也集解

汪文臺曰御覽百三十七引續漢書云出入計校嚴誰一以貫之內外諮稟事同成人初諸家莫

知者後聞之咸歎異焉后嘗久疾大夫人令筮之集解惠棟曰東觀記至卜者家

為卦問咎崇所在卜者卦定釋著仰天歎問之卜者乃曰此女雖年少後必將貴遂為帝妃不可言也筮者曰此女

雖有患而當大貴兆不可言也後又呼相者使占諸女見后大驚

曰我必為此女稱臣然貴而少子若養它子者得力迺當踰於所

生初援征五溪蠻卒於師虎賁中郎將梁松黃門侍郎竇固等因

譖之由是家益失執又數為權貴所侵侮后從兄嚴不勝憂憤白

太夫人絕竇氏婚求進女掖庭乃上書曰臣叔父援孤恩不報孤負

也而妻子特獲恩全戴仰陛下為天為父人情既不得死便欲求

福竊聞太子諸王妃匹未備援有三女大者十五次者十四小者

十三儀狀髮膚上中以上東觀記曰明帝馬皇后美髮為四起大髻但以髮成尚有餘繞髻三匝眉不施

黛獨左眉角小缺補之如粟嘗稱疾而終身得意皆孝順小心婉靜有禮婉願下相工簡

其可否如有萬一援不朽於黃泉矣又援姑姑姊妹並爲成帝婕妤

葬於延陵臣嚴幸得蒙恩更生冀因緣先姑當充後宮由是選后

入太子宮集解惠棟曰續漢書建武二十八年也時年十三奉承陰后傍接同列禮

則修備上下安之遂見寵異常居後堂顯宗卽位吕后爲貴人時

后前母姊女賈氏亦吕選入生肅宗帝吕后無子命令養之謂曰

人未必當自生子但患愛養不至耳后於是盡心撫育勞悴過於

所生肅宗亦孝性惇篤恩性天至母子慈愛始終無纖介之間纖介

猶微細也后常吕皇嗣未廣每懷憂歎薦達左右若恐不及後宮

有進見者每加慰納若數所寵引輒增隆遇永平三年春有司奏

立長秋宮皇后所居宮也長者久也秋者萬物成熟之初也故以名焉請立皇后不敢指言故以宮稱之集解惠棟曰續

漢書云有司奏立長秋宮以率入妾入妾者劉向洪範五行傳曰御廩夫人入妾所春米之藏以奉宗廟者也師古注一娶九女正

嬌一餘者妾也故云八妾帝未有所言皇太后曰馬貴人德冠後宮即其人也

遂立為皇后先是數日夢有小飛蟲無數赴著身又入皮膚中而

後飛出既正位宮閣愈自謙肅身長七尺二寸方口美髮能誦易

好讀春秋楚辭尤善周官董仲舒書周官周禮也仲舒書玉杯蕃露清明竹林之屬也蕃音繁

集解惠棟曰續漢書云誦易經習詩論春秋略記大義讀楚辭尤善賦頌疾其浮華聽論輒摘其要讀光武紀至有獻千里馬寶劍

者上以馬駕鼓車劍賜騎士常衣大練裙不加緣大練大帛也杜預注左傳曰大

手不持珠玉后未嘗不歎息帛厚繒也太后兄廖上書曰今陛下躬服厚繒是也集解注

文臺曰御覽三十七引續漢書云身衣大帛御者禿裙不緣朔望

諸姬主朝請漢律春日朝秋日請望見后袍衣疏麤反曰為綺縠就視迺笑

后辭曰此繒特宜染色故用之耳六宮莫不歎息帝常幸苑囿離

宮后輒曰風邪露霧為戒辭意款備多見詳擇帝幸濯龍中續漢志曰

濯龍園名也近北宮並召諸才人下邳王已下皆在側請呼皇后帝笑曰是

家志不好樂集解惠棟曰是家猶云是人也王常傳此家率下江諸將與此同雖來無歡是曰遊

娛之事希嘗從焉

集解惠棟曰東觀記后不喜出入遊觀希嘗臨御窗望續漢書作窗牖

十五年帝

按地圖將封皇子悉半諸國后見而言曰諸子食數縣於制不已

儉乎帝曰我子豈宜與先帝子等乎歲給二十萬足矣時楚獄連

年不斷囚相證引坐繫者甚眾后慮其多濫乘間言及惻然帝感

悟之夜起彷徨爲思所納

思后所納之言集解汪文臺曰續漢書云下有非臣下所得間句

卒多

有所降宥時諸將奏事及公卿較議難平者

廣雅曰較明也集解通鑑胡注平決也難

平難決者也王幼學云平音病平其不平曰平

帝數曰試后后輒分解趣理各得其情每

於侍執之際輒言及政事多所毗補而未嘗言家私干故寵敬曰

隆

集解惠棟曰故舊本作欲李氏改作故續漢書云后志在克己奉上不以私家干朝廷也

始終無衰及帝崩

肅宗卽位尊后曰皇太后

集解汪文臺曰續漢書云太后下詔告三輔二千石無得令馬氏婚親因權屬

託奸亂吏治犯者正法以聞

諸貴人當徙居南宮太后感析別之懷各賜王赤

綬加安車駟馬白越三千端

白越越布

雜布二千匹黃金十斤自撰顯

宗起居注

集解惠棟曰抱朴子前漢時有禁中起居注荀悅申鑒最凡二十一首其十九曰復內注記則漢起居應在宮

中為女史之任也

削去兄防參醫藥事

集解汪文臺曰續漢書云明帝體不安召黃門防本參醫藥夙夜勤

勞

帝請曰黃門舅旦夕供養且一年既無褒異又不錄勤勞無迺

過乎太后曰吾不欲令後世聞先帝數親后宮之家故不著也建

初元年欲封爵諸舅太后不聽明年夏大旱言事者曰為不封外

戚之故有司因此上奏宜依舊典

漢制外戚以恩澤封侯故曰舊典也

太后詔曰凡

言事者皆欲媚朕曰要福耳昔王氏五侯同日俱封

成帝封太后弟王譚王商

王立王根王逢時等同時為關內侯

其時黃霧四塞不聞澍雨之應又田蚡竇嬰寵

貴橫恣傾覆之禍為世所傳

田蚡景帝王皇后同母弟武安侯也為丞相貪驕與淮南王霸上私語後

薨武帝曰使武安侯在者族矣竇嬰文帝竇皇后兄子魏其侯也為丞相坐與灌夫朋黨弃市也

故先帝防慎舅

氏不令在樞機之位

樞機近要之官也春秋運斗樞曰北斗第一天樞第二旋第三機也

諸子之封

裁令半楚淮陽諸國常謂我子不當與先帝子等今有司奈何欲

曰馬氏比陰氏乎吾爲天下母而身服大練食不求甘左右但著

帛布無香薰之飾者欲身率下也曰爲外親見之當傷心自勅但

笑言太后素好儉前過濯龍門上見外家問起居者車如流水馬

如游龍倉頭衣綠繡領袖正白繡臂衣今之臂繡以縛左右手於事便也集解惠棟曰胡三省云臂

繡之繡旁從革此所謂綠繡綠單衣也下文言領袖正白則爲單衣之繡而非臂繡之繡明矣顧視御者不及遠

矣故不加譴怒但絕歲用而已冀曰默愧其心而猶懈怠無憂國

忘家之慮知臣莫若君況親屬乎吾豈可上負先帝之旨下虧先

人之德重襲西京敗亡之禍哉固不許西京外戚呂祿呂產竇嬰上官桀安父子霍禹等皆

被誅帝省詔悲歎復重請曰漢興舅氏之封侯猶皇子之爲王也太

后誠存謙虛奈何令臣獨不加恩三舅乎且衛尉年尊兩校尉有

大病衛尉太后兄廖兩校尉兄防兄光也如令不諱使臣長抱刻骨之恨宜及吉時

不可稽留太后報曰吾反覆念之思令兩善集解通鑑胡注兩善謂國家無濫恩而外

戚亦以安全也

豈徒欲獲謙謙之名

集解惠棟曰通鑑作謙讓

而使帝受不外施之嫌

哉以恩澤封爵外家爲外施也

昔竇太后欲封王皇后之兄

竇太后文帝后也王皇后景帝后也

兄卽王信後封爲蓋侯

丞相條侯言受高祖約無軍功非劉氏不侯

條侯周亞夫也

前書曰高祖與功臣約非劉氏不王非有功不侯不如約天下共擊之

今馬氏無功於國

集解惠棟曰東觀記

太后曰吾自念親屬皆無柱石之功俗語曰時無赭燒黃土

豈得與陰郭中興之后等邪常觀

富貴之家祿位重疊猶再實之木其根必傷

文子曰再實之木根必傷掘臧之家後必

殃且人所曰願封侯者欲上奉祭祀下求溫飽耳今祭祀則受四

方之珍衣食則蒙御府餘資

集解通鑑胡注自西都以來皇后家祀其父母太官供具御府令掌中衣

服及補澣之屬飲食則太官主之此言衣食皆資於御府概言之也

斯豈不足而必當得一縣乎吾

計之孰矣勿有疑也夫至孝之行安親爲上

集解通鑑胡注楊子曰孝莫大於甯親甯

親莫大於得四表之驩心惠棟曰李善云論語摘輔像曾子未嘗不問安親之道也

今數遭變異穀價數倍

憂惶晝夜不安坐臥而欲先營外封違慈母之拳拳乎

拳拳猶勤勤也音權

吾素剛急有匈中氣

集解惠棟曰玉篇胸膺也亦作匈

不可不順也若陰陽調和

邊境清靜然後行子之志吾但當含飴弄孫

方言曰飴餈也陳楚宋衛之間通語

不

能復關政矣時新平主家御者失火延及北閣後殿太后曰爲己

過起居不歡時當謁原陵自引守備不慎慙見陵園遂不行

集解惠棟

曰東觀記后素謹慎小感輒自責如平生事舅姑時

初太夫人葬起墳微高

集解惠棟曰漢律列侯墳高四丈

關內侯以下至庶人各有差

太后曰爲言兄廖等卽時減削其外親有謙素義

行者輒假借温言賞曰財位

集解何焯曰位字疑

如有纖介則先見嚴恪之

色然後加譴其美車服不軌法度者便絕屬籍遣歸田里廣平鉅

鹿樂成王車騎朴素無金銀之飾帝曰白太后太后卽賜錢各五

百萬於是內外從化被服如一

集解惠棟曰東觀記明德后詔書流布咸稱正德王主諸室莫敢犯

禁時廣平樂成王在邸入問起居帝望見車騎鞍勒皆純黑無金銀綵飾馬不踰六尺於是以白太后卽賜錢各五百萬於是施親

戚被服自此始

諸家惶恐倍於永平時迺置織室蠶於濯龍中

前書有東織西織屬

少府平帝改名織室數往觀視曰爲娛樂常與帝旦夕言道政事及教授諸

小王論語經書述敘平生雍和終日四年天下豐稔方垂無事帝

遂封三舅廖防光爲列侯並辭讓願就關內侯太后聞之曰聖人

設教各有其方知人情性莫能齊也禮記王制曰凡居人材必因天地寒暖燥濕廣谷大川異

制人居其間異俗修其教不易其俗齊其政不易其宜中國戎夷五方之人皆有性也不可推移吾少壯時但慕

竹帛志不顧命言少慕古人書名竹帛不顧命之長短今雖已老而復戒之在得論語

孔子曰少之時戒之在色及其老也戒之在得得貪嗇也言彌復吝惜封爵不欲濫封親戚也故日夜惕厲思自

降損惕懼也厲危也居不求安食不念飽冀乘此道不負先帝所曰化導

兄弟共同斯志欲令瞑目之日無所復恨何意老志復不從哉萬

年之日長恨矣廖等不得已受封爵而退位歸第焉太后其年寢

疾不信巫祝小醫數勅絕禱祀至六月崩在位二十三年年四十

餘集解惠棟曰建武二十八年崩年十三入太子宮至建初四年崩年止四十也合葬顯節陵

賈貴人南陽人建武末選入太子宮中元二年生肅宗而顯宗曰

爲貴人帝既爲太后所養專曰馬氏爲外家故貴人不登極位賈

氏親族無受寵榮者及太后崩迺策書加貴人王赤綬續漢書曰

綬也集解惠棟曰建初四年八月甲午詔曰賈貴人者奉侍先帝

劬勞帷幄建初之後以至親供養長樂宮昏定晨省夙夜匪懈今

賜貴人赤綬安車一駟永巷宮人二百御府雜帛二萬匹大司農

黃金千斤錢二萬詔既早離皇太后幸復承子道中心依依昊天

罔極安車一駟永巷宮人二百永巷宮中署名也後改爲御府雜帛

二萬匹大司農黃金千斤錢二千萬集解惠棟曰帝王世紀章帝

冢蔡邕集中水侯弟伏波將軍女在淑媛作合孝明誕生孝章蓋當時臣子不敢斥言章帝爲賈貴人所生以未受尊號故也

章德竇皇后諱某扶風平陵人集解錢大昕曰馬皇后援之少女

帝陰皇后光烈后兄識之曾孫獻帝曹皇后操之中女援竇禹識

皆有傳操之大父騰亦見宦者傳故史不言某郡縣人竇皇后融

之曾孫女而又書扶風平陵人伏皇后湛之八世孫而又書琅邪

東武人是自亂其例也班超彪之少子而又書扶風平陵人黃瓊

香之子而又書江夏安陸人荀彧淑之曾孫而又書潁川潁陰人

鄭太眾之曾孫而又書河南開封人周舉防之子而又書汝南汝

陽人皇甫嵩規之兄子而又書安定朝那人伏恭湛之兄子而又書琅邪東武人袁紹湯之孫袁術逢之子而又書汝南汝陽人李固邠之子而又書漢中南鄭人法真雄之子而又書扶風郿人周燮燕之後而又書汝南安城人皆縣復可省大司徒融

之曾孫也祖穆父勳坐事死事在竇融傳勳尙東海恭王彊女泚

陽公主

集解先謙曰泚當作泚下同餘見光武紀

后其長女也家既廢壞數呼相工問

息耗

薛氏韓詩章句曰耗惡也息耗猶言善惡也集解惠棟曰倉頡篇耗消也董仲舒對策云察天下之息耗師古注息生也

耗虛也韓非子適觀息耗萬不失一淮南子息耗減益通於不訾義並同

見后者皆言當大尊貴非臣

妾容貌年六歲能書親家皆奇之建初二年后與女弟俱召選例

入見長樂宮進止有序風容甚盛肅宗先聞后有才色數召訊諸

姬傳

訊問也傳謂傳母

及見雅曰爲美馬太后亦異焉因入掖庭見於北

宮章德殿后性敏給傾心承接稱譽日聞明年遂立爲皇后妹爲

貴人七年追爵謚后父勳爲安成思侯

安成縣屬汝南郡故城在今豫州吳房縣東南后

寵幸殊特專固後宮初宋貴人生皇太子慶梁貴人生和帝后既

無子並疾忌之數間於帝漸致疎嫌因誣宋貴人挾邪媚道遂自

殺廢慶爲清河王語在慶傳梁貴人者梁竦之女也少失母爲伯

母舞陰長公主所養

長公主光武女梁松尚焉

年十六建初二年亦與中姊俱

選入掖庭爲貴人四年生和帝后養爲己子欲專名外家而忌梁

氏八年迺作飛書曰陷竦

飛書若今匿名書也

竦坐誅貴人姊妹曰憂卒自

是宮房慄息

慄懼也音牒周書曰臨捕以威而氣慄懼也

后愛日隆及帝崩和帝卽位

尊后爲皇太后皇太后臨朝尊母泚陽公主爲長公主益湯沐邑

三千戶兄憲弟篤景並顯貴擅威權後遂密謀不軌永元四年發

覺被誅九年太后崩未及葬而梁貴人姊嬃

音一計反集解惠上棟曰嬃袁紀作憑

上

書陳貴人枉歿之狀太尉張酺司徒劉方司空張奮上奏依光武

黜呂太后故事

中元元年黜呂后不宜配食高廟

貶太后尊號不宜合葬先帝百

官亦多上言者帝手詔曰竇氏雖不遵法度而太后常自減損朕

奉事十年深惟大義禮臣子無貶尊上之文恩不忍離義不忍虧

案前世上官太后亦無降黜

上官太后昭帝后也父安與燕王謀反誅太后以年少又霍光外孫故不

也廢其勿復議於是合葬敬陵在位十八年帝曰貴人酷歿殮葬禮

闕迺改殯於承光宮上尊諡曰恭懷皇后

諡法曰敬事尊上曰懷恭慈仁哲行曰懷追

服喪制百官縞素與姊大貴人俱葬西陵

集解通鑑胡注西陵蓋以其地在敬陵之西故

稱西陵猶薄太后在霸陵南因謂之南陵也

儀比敬園

敬園安帝祖母宋貴人之園也集解錢大昕曰注說非也章帝

葬敬陵以竇皇后合葬而梁太后別葬西陵史稱儀比敬園者謂置令丞守衛如敬陵之制百官志每園陵令各一人掌守園陵案行掃除故稱敬陵曰敬園猶西京之高園文園也若清河王慶之母宋貴人別葬樊濯聚和帝時慶欲求作祠堂恐有自同恭懷梁后之嫌遂不敢言安得有敬園之稱乎其後安帝嗣立追尊祖母為敬隱皇后距恭懷改葬二十餘年矣祭祀志安帝建光元年追尊祖母陵曰敬北陵亦就陵寢祭太常領如西陵此則敬北陵之儀比西陵耳章懷何不攷其年代而妄為之說乎

和帝陰皇后諱某光烈皇后兄執金吾識之曾孫也

集解惠棟曰袁宏紀后祖

父永明帝時為侍中親幸左右父綱為屯騎校尉

后少聰慧善書藝永元四年選入掖庭

呂先后近屬故得爲貴人有殊寵八年遂立爲皇后自和熹鄧后

入宮

熹音許其反

愛寵稍衰數有恚恨后外祖母鄧朱出入宮掖十四

年夏有言后與朱共挾巫蠱道

巫師爲蠱故曰巫蠱左傳注曰蠱惑也

事發覺帝遂

使中常侍張慎與尚書陳褒於掖庭獄雜考案之朱及二子奉毅

與后弟軼輔敞辭語相連及呂爲祠祭祀詛大逆無道奉毅輔考

死獄中帝使司徒魯恭持節賜后策上璽綬遷於桐宮呂憂死立

七年葬臨平亭部

葬于亭部內之地也集解惠棟曰說文墳徒隸所居一曰女牢一曰亭部靈帝紀熹平五年使

侍御史行詔獄亭部理冤枉原輕繫休囚徒是則輕罪居亭部也

父特進綱自殺軼敞及朱家屬

徙日南比景縣

集解先謙曰下卷閔后傳注當移此

宗親內外昆弟皆免官還田里

永初四年鄧太后詔赦陰氏徙者歸故郡還其資財五百餘萬

和熹鄧皇后諱綏

蔡邕曰諡法有功安人曰熹

太傅禹之孫也父訓護羌校尉

集解惠棟曰續漢書訓有五男三女長騰次京懼宏閔女燕次綏綏卽后也次容燕早卒有子女娥甫在襁褓時后年十二傷娥早

孤養視撫育
慈恩深至

母陰氏光烈皇后從弟女也后年五歲太傅夫人愛

之自爲剪髮夫人年高目冥誤傷后額

集解惠棟曰東觀記雖痛忍不言一額盡傷

忍

痛不言左右見者怪而問之后曰非不痛也太夫人哀隣爲斷髮

難傷老人意故忍之耳六歲能史書

史書周宣王太史籀所作大篆十五篇也前書曰敎學童

之書也集解惠棟曰東觀記后六歲諸兄持后髮后曰身體髮膚受之父母不敢毀傷孝之始也奈何弄人髮乎

十二通

詩論語諸兄每讀經傳輒下意難問

下意猶出氣也

志在典籍不問居家

之事母常非之曰汝不習女工已供衣服乃更務學寧當舉博士

邪后重違母言晝修婦業暮誦經典家人號曰諸生父訓異之事

無大小輒與詳議

集解惠棟曰袁宏紀云訓閨庭甚嚴諸子進見未嘗賜席至於后事無大小每輒咨之弟邠曰

平生不與諸男語今豈年衰耶訓曰我不衰是女雖小諸兒無及者必益於我家是以奇之

永元四年當已選

入會訓卒后晝夜號泣終三年不食鹽菜憔悴毀容親人不識之

后嘗夢捫天也

捫摸

蕩蕩正青若有鍾乳狀

集解惠棟曰東觀記迺滑如磬磬有若鍾乳

仰嗽飲之曰訊諸占夢言堯夢攀天而上湯夢及天而喏之

喏音是集

解惠棟曰周宣夢書昔聖帝明皇之時神氣昭然先見故堯夢乘龍上天湯夢布令天下後皆有天下喏東觀記作舐荀卿子曰伏而喏天注喏與舐同斯皆聖王之前占吉不可言又相者見后驚

曰此成湯之法也

續漢書曰相者待詔相工蘇文曰此成湯之骨法集解注文臺曰御覽百三十七引續漢書云

相者待詔相工蘇太

家人竊喜而不敢宣后叔父陔言常聞活千人者子孫

有封兄訓爲謁者使修石曰河

集解何焯曰使修當作罷修惠棟曰修本治字罷治石曰河爲不辭

矣袁紀治石曰河甚有方法活數千人蓋訓先治之後知其難成而復罷之也

歲活數千人天道可信家

必蒙福初太傅禹歎曰吾將百萬之眾未嘗妄殺一人其後世必

有興者

集解先謙曰其字當衍

七年后復與諸家子俱選入宮后長七尺二

寸姿顏姝麗

姝美色也詩曰彼姝者子

絕異於眾左右皆驚八年冬入掖庭爲

貴人時年十六恭肅小心動有法度承事陰后夙夜戰兢接撫同

列常克己曰下之

集解惠棟曰馬融論語注克己約身也

雖宮人隸役皆加恩借

集解

通鑑胡注既有以恩之及假借以辭色

帝深嘉焉及后有疾特令后母兄弟入親醫

藥不限日數后言於帝曰宮禁至重而使外舍久在內省

外舍外家

上令陛下有幸私之譏

集解惠棟曰幸私通鑑作私幸

下使賤妾獲不知足之謗

上下交損誠不願也帝曰人皆曰數入爲榮貴人反曰爲憂深自

抑損誠難及也每有讌會諸姬貴人競自修整簪珥光采袿裳鮮

明

說文簪笄也珥瑱也以玉充耳釋名曰婦人上服曰袿

而后獨著素裝服無飾

集解汪文臺曰初學

記十引續漢書云衣不擇采裝不務飾

其衣有與陰后同色者卽時解易若並時進

見則不敢正坐離立行則僂身自卑

離並也禮記曰離坐離立無往參焉

帝每有所

問常逡巡後對不敢先陰后言帝知后勞心曲體歎曰修德之勞

迺如是乎後陰后漸疎每當御見輒辭曰疾時帝數失皇子后憂

繼嗣不廣數選進才人

集解通鑑胡注西漢宮中爵號無才人蓋東都所置也

曰博帝意陰

后見后德稱曰盛不知所爲遂造祝詛欲曰爲害帝嘗寢病危甚

陰后密言我得意不令鄧氏復有遺類后聞迺對左右流涕言曰

我竭誠盡心已事皇后竟不爲所祐而當獲罪於天婦人雖無從

死之義然周公身請武王之命

武王有疾周公爲之請命於太王季文王曰若爾三王有不子之

責于天以旦

越姬心誓必死之分

越姬楚昭王之姬越王句踐女也昭王讎遊越姬從謂姬曰樂

乎對曰樂則樂矣而不可久也王曰願與子生死若此姬曰君王樂遊要妾以死不敢聞命後王病有赤雲夾日如飛鳥王問周太史

史曰是害王身請移於將相王曰將相於孤猶股肱也不聽姬曰大哉君王之德妾請從王死矣昔日遊樂是以不敢聽命今君王

復禮國人爲君王死何況妾乎妾願先驅狐狸於地下昔日口雖不言心許之矣妾聞信者不負其心遂自殺故曰心誓事見列女

傳也上曰報帝之恩中曰解宗族之禍下不令陰氏有人豕之譏

愛幸戚夫人帝崩呂太后斷夫人手足去服薰耳使居鞠室中名曰人彘也

即欲飲藥宮人趙王者固

禁之因詐言屬有使來

集解通鑑胡注屬之欲反會也

上疾已愈后信已爲然迺

止明日帝果瘳十四年夏陰后已巫蠱事廢后請救不能得帝便

屬意焉后愈稱篤疾深自閉絕會有司奏建長秋宮帝曰皇后之

尊與朕同體承宗廟母天下豈易哉唯鄧貴人德冠後庭迺可當
之至冬立爲皇后辭讓者三然後卽位手書表謝深陳德薄不足
呂充小君之選是時方國貢獻競求珍麗之物自后卽位悉令禁
絕歲時但供紙墨而已帝每欲官爵鄧氏后輒哀請謙讓故兄隲
終帝世不過虎賁中郎元興元年帝崩長子平原王有疾而諸皇
子夭歿前後十數後生者輒隱祕養於人間殤帝生始百日后迺
迎立之尊后爲皇太后

集解黃山曰殤帝生始百日何能躬上皇

閻梁諸太后沿爲典制矣

太后臨朝和帝葬後宮人並歸園太后賜周馥貴人

策曰朕與貴人託配後庭共歡等列十有餘年不獲福祐先帝早
弃天下孤心煢煢

煢煢孤持之貌也詩曰煢煢在疚

靡所瞻仰夙夜永懷感愴發

中今當呂舊典分歸外園慘結增歎燕燕之詩曷能喻焉

詩鄘鄘序曰衛

莊姜送歸妾也其詩曰燕燕于飛差池其羽之子于歸遠送于野瞻望不及泣涕如雨

其賜貴人王青蓋車

采飾輅驂馬各一馴黃金三十斤雜帛三千匹白越四千端又賜

馮貴人王赤綬以未有頭上步搖環珮加賜各一具

周禮王后首服爲副所以

副首爲飾若今步搖也釋名曰皇后首副其上有垂珠步則搖也

是時新遭大憂法禁未設宮中

亡大珠一篋太后念欲考問必有不辜

集解通鑑胡注考問則下之獄辭所連及必有無辜

而被逮者

乃親閱宮人觀察顏色卽時首服又和帝幸人吉成御者共

枉吉成呂巫蠱事

集解惠棟曰漢律敢蠱人及敎令者棄市王制執左道鄭氏曰若今巫蠱袁宏紀成御者志恨

成乃爲桐人書太后姓字埋之

遂下掖庭考訊辭證明白太后呂先帝左右待之

有恩平日尙無惡言今反若此不合人情更自呼見實覈果御者

所爲莫不歎服呂爲聖明常呂鬼神難徵淫祀無福乃詔有司罷

諸祠官不合典禮者又詔除建武呂來諸犯妖惡及馬竇家屬所

被禁錮者皆復之爲平人減太官導官尙方內者服御珍膳靡麗

難成之物

漢官儀曰太官主膳羞也前書音義曰導官主導擇米以供祭祀尙方掌工作刀劔諸物及刻玉爲器漢官儀

曰內者主帷帳並署名也集解惠棟曰方言東齊言布帛之細者曰綾秦晉曰靡郭璞曰靡細好也薛君韓詩章句曰靡好也自

非供陵廟稻粱米不得導擇集解先謙曰導當作導前書百官表少府屬有導官朝夕一肉

飯而已舊太官湯官經用歲且二萬萬經常也太后勅止曰殺省珍

費集解惠棟曰曰字誤當作日自是裁數千萬及郡國所貢皆減其過半悉斥

賣上林鷹犬其蜀漢卸器九帶佩刀並不復調蜀蜀郡也漢廣漢郡也二郡主作供

進之器元帝時貢禹上書蜀廣漢主金銀器各用五百萬是也卸音口以金銀緣器也止畫工三十九種又

御府尙方織室錦繡冰紈綺縠金銀珠玉犀象瑁彫鏤翫弄之

物皆絕不作離宮別館儲峙米櫛薪炭悉令省之儲峙猶蓄積也櫛乾飯也又

詔諸園貴人其宮人有宗室同族若羸老不任使者令園監實覈

上名自御北宮增喜觀閱問之恣其去留即日免遣者五六百人

及殤帝崩太后定策立安帝猶臨朝政呂連遭大憂百姓苦役憂大

謂和帝殤帝崩殤帝康陵方中祕藏方中陵中也豕藏之中故言祕也及諸工作事事減

約十分居一詔告司隸校尉河南尹南陽太守曰每覽前代外戚

賓客假借威權輕薄諛詞

言忽遽也諛音七洞反調音洞

至有濁亂奉公

集解通鑑胡注

言其挾勢恣橫奉公之吏爲所濁亂也高誘云濁亂也

爲人患苦咎在執法怠懈不輒行其

罰故也今車騎將軍騰等雖懷敬順之志而宗門廣大姻戚不少

賓客姦猾多干禁憲

干犯也

其明加檢勅勿相容護自是親屬犯罪

無所假貸

集解惠棟曰續漢書后性謙慎兄弟中外皆先帝所寵自攝政之後內檢左右外抑宗族

太后愍陰

氏之罪廢赦其徙者歸鄉勅還資財五百餘萬永平元年

集解惠棟曰依

安帝紀乃永初元年事平當作初

爵號太夫人爲新野君萬戶供湯沐邑

湯沐者取其賦

稅以供湯沐之具也

二年夏京師旱親幸洛陽寺錄冤獄有囚實不殺人而

被考自誣羸困輿見

集解惠棟曰東觀記便輿見便當作篋郭璞注三倉曰篋輿土器說文篋竹輿也

畏

吏不敢言將去舉頭若欲自訴太后察視覺之卽呼還問狀具得

枉實

集解通鑑胡注得其見枉之實也

卽時收洛陽令下獄抵罪行未還宮澍雨

大降

集解惠棟曰東觀記太后稱制永初二年三月京師旱至五月朔太后幸洛陽省獄舉冤囚杜冷不殺人自誣被掠羸困便輿見畏吏不敢自理吏將去微疾舉頸若欲有言太后察覺之即呼還問狀遂信即時收令下獄抵罪尹左遷行未還宮對雨大降

三年秋太后體不安左右憂惶禱請祝辭願得代命太后聞之

即譴怒竊掖庭令旨下但使謝過祈福不得妄生不祥之言

集解

惠棟曰東觀記左右咸流涕歎太后臨大病不自顧而念兆民後病瘳豈非天地之應與

舊事歲終當饗遣衛

士舊事衛士得代歸者上親饗焉前書蓋寬饒傳曰歲盡當代上臨饗罷衛卒是也

大儺逐疫

禮記月令有大儺旁

磔土牛以送寒氣鄭玄注云儺陰氣也此月之中日歷虛危有墳墓四星之氣爲厲鬼隨彊陰出以害人故儺卻之也

太后

曰陰陽不和軍旅數興詔饗會勿設戲作樂減逐疫侂子之半

子侂

逐疫之人也音振薛綜注西京賦云侂之言善也善童幼子也續漢書曰大儺選中黃門子弟年十歲以上十二以下百二十人爲

侂子皆赤幘

阜製執大靴悉罷象橐駝之屬豐年復故太后自入宮掖從曹大

家受經書

集解惠棟曰續漢書后自入宮遂博覽五經傳記圖讖內事風角占候老子孟子禮記法言不觀浮華申韓之

書兼天文算數書省王政夜則誦讀而患其謬誤懼乖典章迺博

選諸儒劉珍等及博士議郎四府掾史五十餘人詣東觀讐校傳

記讐對也集解惠棟曰劉向別錄云讐校者一人持本一人讀對若怨家故曰讐校事畢奏御賜葛布各

有差又詔中官近臣於東觀受讀經傳已教授宮人左右習誦朝

夕濟濟及新野君薨太后自侍疾病至乎終盡憂哀毀損事加於

常集解惠棟曰東觀記羸瘦骨立不能自勝贈曰長公主赤綬集解惠棟曰案獨斷異姓婦女以恩澤封者儀

比長公東園祕器玉衣繡衾東園署名屬少府主又賜布三萬匹

錢三十萬鶩等遂固讓錢布不受使司空持節護喪事儀比東海

恭王諡曰敬君太后諒闇既終諒闇居喪之廬也或為諒陰諒信也陰默也言居喪信默不言集解

先謙曰官本此下正文有久旱太后比三日幸洛陽錄囚徒理出死罪三十六人耐罪八十人其餘減罪死右趾以下至司寇三十

入字七年正月初入太廟齋七日至公卿百僚各有差庚戌謁宗

廟率命婦羣妾相禮儀相助也儀禮曰命夫者男子之為大夫也命婦者大夫之妻也與皇帝交

獻親薦成禮而還周禮宗廟祭之日且王服衮冕而入立於阼后服副禕從王而入王以圭瓚酌鬱鬯以獻尸次

后以璋瓚酌鬱鬯以獻尸此謂交獻也卒事凡九獻焉集解惠棟曰袁宏紀五年冬謁者劉珍上言曰竊見永平初虎賁中郎將梁松言皇太后宜入廟與陛下交獻以彰至孝之心孝明皇帝務遵經典使公卿博士議時太傅鄧禹奏宜如松言光烈皇后於是入廟皇太后宜入宗廟如光烈皇后故事事下公卿僉曰宜如珍言棟案母子交獻古無是禮故孝明皇帝使公卿博士議也因下詔曰凡

供薦新味多非其節或鬱養強孰

集解通鑑胡注鬱養強孰者言物非其時未及成熟爲土室蓄

火其下使土氣蒸暖鬱而養之

或穿掘萌芽味無所至而夭折生

長豈所宜順時育物乎傳曰非其時不食

論語曰不時不食言非其時物則不食之前書

邵信臣曰不時之物有傷於人不宜以奉供養

自今當奉祠陵廟及給御者皆須時迺上

凡所省二十三種自太后臨朝水旱十載四夷外侵盜賊內起每

聞人飢或達旦不寐而躬自減徹呂救災阨故天下復平歲還豐

穰元初五年平望侯劉毅

平望縣屬北海郡今青州北海縣西北平望臺是也一名望海臺也集解先謙

曰在今青州府壽光縣東郡國志無蓋省

太后多德政欲令早有注記上書安帝曰

臣聞易載義農而皇德著

易繫辭曰古者庖羲氏之王天下仰觀象於天俯觀法於地於是始畫八卦以

通神明之德以類萬物之情庖羲氏沒神農氏作斲木爲耜揉木爲耒耒耜之利以教天下伏羲神農爲三皇故言皇德也

述唐虞而帝道崇故雖聖明必書功於竹帛流音於管弦

竹謂簡冊帛謂

繅素黃帝以下六代樂皆所以章顯功德是流音於管弦

伏惟皇太后膺大聖之姿體乾坤之

德

易曰聖人與天地合其德

齊蹤虞妃比跡任姒

虞妃卽舜妻娥皇女英也任文王母姒武王母也

孝悌慈仁允恭節約杜絕奢盈之源防抑逸欲之兆正位內朝流化

四海

易家人卦曰女正位乎內正家而天下定矣禮記曰東夷西戎南蠻北狄謂之四海

及元興延平之際

國無儲副仰觀乾象參之人譽援立陛下爲天下主永安漢室綏

靜四海又遭水潦東州飢荒

延平元年安帝初卽位六州大水永初元年稟司隸兗豫徐冀并六州貧

人垂恩元元冠蓋交路菲薄衣食躬率羣下損膳解驂曰瞻黎苗

也

廣雅云苗眾也

惻隱之恩猶視赤子

隱痛也尙書曰若保赤子惟人其康乂也

克己引愆顯揚

仄陋崇晏晏之政

尙書考靈耀曰文塞晏晏

敷在寬之教

敷布也尙書曰五教在寬

興滅國

繼絕世錄功臣復宗室追還徙人蠲除禁錮政非惠和不圖於心

制非舊典不訪於朝弘德洋溢充塞宇宙

洋溢言多

洪澤豐沛漫衍八

方華夏樂化戎狄混并丕功著於大漢碩惠加於生人巍巍之業

可聞而不可及蕩蕩之勳可誦而不可名古之帝王左右置史

禮記

玉藻曰動則左史書之言則右史書之

漢之舊典世有注記

集解惠棟曰藝文志漢著記百九十卷五行志

凡漢著記十二世二百一十二年谷永言災異有八世著記久不塞除之語荀悅有復內外注記之說云先帝故事有起居日用動靜之節必書焉宜復其式內史掌之以紀內事夫道有夷崇治有進退若善政不述細異

輒書是爲堯湯負洪水大旱之責而無咸熙假天之美

咸皆也熙廣也尚書

曰庶績咸熙言堯之朝政眾功皆廣假音格至也尚書曰祐我烈祖格于皇天言伊尹佐湯功至於天也堯洪水九載湯大旱七年

高宗成王有雉雒迅風之變而無中興康寧之功也

高宗殷王也小乙之子名

武丁當祭成湯有飛雉升鼎耳而雒高宗修德殷道中興成王疑周公乃有雷電大風之變成王改過幾刑措也

上考詩

書有虞二妃周室三母

尚書曰釐降二女于媯汭嬪于虞三母謂后稷母姜嫄文王母太任武王母太姒也

詩大雅曰厥初生民時維姜嫄又曰太任有身生此文王又曰太姒嗣徽音則百斯男也

修行佐德

詩云既有烈考亦有

文母是佐德也彙解劉攽曰注案今詩皆作右字右有音耳不當作有也

思不踰闕

闕門限也左傳曰婦人送迎不出門見兄

弟不踰闕

未有內遭家難外遇災害覽總大麓經營天物

麓錄也言大錄萬機之政

書曰納于大麓又曰暴殄天物也

功德巍巍若茲者也宜令史官著長樂宮注聖

德頌曰敷宣景耀勒勳金石縣之日月

易曰縣象著明莫大於日月

攄之罔極

曰崇陛下烝烝之孝帝從之

廣雅曰攄舒也孔安國注尚書曰烝烝猶進進也

六年太后

詔徵和帝弟濟北河間王子男女年五歲以上四十餘人又鄧氏

近親子孫三十餘人並爲開邸第

蒼頡篇曰邸舍也

教學經書躬自監試

尚幼者使置師保朝夕入宮撫循詔導恩愛甚渥

詔告也

迺詔從兄

河南尹豹越騎校尉康等曰吾所引納羣子置之學官者實曰

方今承百王之敝時俗淺薄巧僞滋生五經衰缺不有化導將遂

陵遲故欲褒崇聖道曰匡失俗傳不云乎飽食終日無所用心難

矣哉

論語孔子言也言人終日飽食不措心于道義難矣哉言終無遠大也

今末世貴戚食祿之家

温衣美飯乘堅驅良

堅謂好車良謂善馬也墨子曰聖王爲衣服之法堅車良馬不知貴也

而面牆

術學不識臧否

尙書曰弗學面牆也

斯故禍敗所從來也永平中四姓小侯

皆令入學

小侯解見明紀

所曰矯俗厲薄反之忠孝先公旣曰武功書之

竹帛兼曰文德教化子孫

先公謂鄧禹禹有子十三人各使守一藝故曰文德也

故能束修

不觸羅網

言能自約束修整也

誠令兒曹上述祖考休烈下念詔書本意則

足矣其勉之哉康曰太后久臨朝政心懷畏懼託病不朝太后使

內人問之時宮婢出入多能有所毀譽其者宿者皆稱中大人所

使者乃康家先婢亦自通中大人康聞詬之曰汝我家出爾敢爾

邪婢怒還說康詐疾而言不遜太后遂免康官遣歸國絕屬籍永

寧二年二月寢病漸篤乃乘輦於前殿見侍中尙書因北至太子

新所繕宮還大赦天下賜諸園貴人王主羣僚錢布各有差詔曰

朕曰無德託母天下而薄祐不天早離大憂延平之際海內無主

元元扈運危於累卵

說苑曰晉靈公驕奢造九層之臺國困人貧恥功不成令曰左右諫者斬也苟息求見公

曰諫邪息曰不敢臣能累十二博棊加九雞子其上公曰危哉息曰復有危於此者公爲九層之臺男女不得耕織社稷一滅君何所望君曰寡人之過乃壞臺焉

勤勤苦心不敢曰萬乘爲樂上欲不欺天愧先帝

下不違人負宿心誠在濟度百姓曰安劉氏自謂感徹天地當蒙

福祚而喪禍內外傷痛不絕

內外謂新野君薨及和殤二帝崩也

頃曰廢病沈滯久

不侍祠自力上原陵加欵逆唾血遂至不解存亡大分無可奈何

公卿百官其勉盡忠恪曰輔朝廷三月崩在位二十年年四十一

集解汪文臺曰御覽百三十七引續漢書作丙午日合葬順陵

論曰鄧后稱制終身號令自出術謝前政之良身闕明辟之義

前政

謂周公也辟君也尙書曰朕復子明辟言周公攝位復還成王今太后不還故曰闕也

至使嗣主側目斂衽

於虛器

器謂神器諭帝位也直生懷懣懸書於象魏

象魏闕也直生杜根等上書請太后還政借

之儀者殆其惑哉

借猶假也殆近也言太后不還政於安帝近可惑也

然而建光之後王柄

有歸

太后建光之中崩歸政安帝集解何焯曰后崩在未改元之前注云中者誤建光紀年亦不及經歲也

遂乃名

賢戮辱便孽黨進

帝寵用乳母王聖及其女伯榮出入宮掖通傳姦賂太尉楊震及鄧騭等皆被中官譖誅也

衰數之來茲焉有徵

數敗也安帝臨政衰敗逾甚故曰有徵也

故知持權引謗所幸者

非己焦心卹患自強者唯國

言執持朝權以招眾謗者所幸不爲己身唯憂國也

是曰班母

一說闔門辭事

太后兄大將軍騭以母憂上書乞身太后不許以問班昭乃許之語見昭傳也

愛姪微愆

髡剔謝罪

太后兄騭子鳳受遺事洩騭遂髡妻及鳳以謝天下語見騭傳

將杜根逢誅未值其誠

乎

誠信也言未爲太后所信

但蹊田之牛奪之己甚

左傳申叔時曰牽牛以蹊人之田而奪之牛牽牛以

蹊者信有罪矣而奪之牛罰己重矣此喻杜根上書雖曰有罪太后殺之爲過甚也

後漢書集解卷十上校補

皇后紀上宮備七國

周壽昌曰宮監本作官據注寫放其宮室云云則作宮為是案官本亦作官

爵列

八品

案八原作九據文選正錢大昭曰九文選作八又前書外戚傳考證齊召南曰後書云秦爵列九品是錢齊所據本

皆原作九也官本作八與選合

增級十四注此六官品秩同為一等也

官本六官作六宮注未無也字

抑明賢曰專其威注迎立靈帝年十二

十二官本作十三誤

光武郭皇后紀真定豪人也集解先謙曰前志作豪城見地理五

行二志

至

餘見郡國志

錢大昭曰郭后居豪縣之漆里別見劉楨傳今案地理志真定國武帝元鼎四

年置本治豪城郡國志常山國高帝置建武十三年省真定國以其縣屬則豪城已併入常山國之真定縣故續志無此縣名又前志豪城莽曰豪實去實言豪蓋中興初之改名也郭后立於建武二年時真定國未省史據以書耳

帝善况小心謹慎

錢大昭曰善閩本作美

帝親臨喪送葬

官本脫親字

永平二年况卒贈賜甚厚

况卒二字官本或誤爲二年

復封駿爲觀都侯卒無子國除

案桓帝建和二年賜四姓及梁鄧小侯帛是郭氏國雖絕封未絕也

光烈陰皇后紀與胡陽寧平主諸宮人俱到洛陽注寧平縣屬淮

陽故城在今亳州谷陽縣西南

案寧平縣前漢屬淮陽後漢屬陳國今歸德府鹿邑縣西南五

十里集解先謙曰胡當爲湖見宋弘傳

錢大昭曰湖陽公主光武姊寧平公主光武妹今案

湖陽前志南陽縣續志南陽邑然據前書高紀還攻胡陽遇番君別將梅銷是湖陽之湖本一作胡也故城今南陽府唐縣南

八十里

俱脫虎口注幾不免於虎口

官本注末有也字

時尚尊號

官本尙作上

卽案歷明旦日吉

周壽昌曰古者以卜筮日占其吉凶至漢以來麻書具載不煩占筮也禮儀志每月朔旦太史

上其月麻漢樂府焦仲卿妻古詩有日視麻復開書便利此月內六合正相應良吉三十日今已二十七卿可去成婚卽此案

麻是已觀反支歸忌等具本書各傳注載最明今案日麻之麻古通作歷

明德馬皇后紀白太夫人絕竇氏婚求進女掖庭

周壽昌曰絕婚而求進女事似

相連而及豈三女中有一約婚於竇至是始絕之耶馬氏各傳不言與竇氏別有婚姻也今案馬嚴絕竇氏婚自因竇固與梁松相比譜陷馬氏之故惟絕婚與離婚停婚異左傳杞宣公來朝請絕叔姬而無絕婚是特謂絕不與為婚非已約婚而停之之謂蓋竇氏當日或有怙勢求婚狎侮馬氏之事嚴憤絕之而因上書進女掖庭耳

歲給二千萬

周壽昌曰攷證云此句下一本有諸史並闕後事故不知所終十一字宋本無案贅十一字於本句二千

萬下足矣之上殊不可通當在後賈貴人傳未錢二千萬句下蓋以同為二千萬致誤也惟有此十一字之本今既未見不知是原本之誤刊抑攷證之誤指耳

故寵敬日隆

侯康曰東觀記后嘗有不安時在敬法殿東箱上令太夫人及兄弟得入見

倉頭衣綠構領袖正白集解惠棟曰胡三省云

至明矣案惠引胡三省說與

今通鑑本注有異

時新平主家御者失火

案新平主不見於后紀末新平縣名亦未嘗為國疑東平琅邪諸女封縣公主者也

周壽昌謂若王家主太后不至引為已過然觀下文太后自引守備不慎止重不及備外火耳

賞以財位集解何焯曰位字疑

周壽昌曰位自是官位如馬廖馬防之加特進馬嚴之拜將軍長史

皆在太后時無疑也案諸馬進位雖在太后時然官位惟天子主之太后不稱制無由輒賞外親以官况賢如明德方力拒肅宗之封三舅豈肯輒以官位授所親此何氏之所以不能無疑於位字非謂無以解位字也竊謂位字直物字轉寫之譌耳

於是內外從化被服如一集解惠棟曰東觀記明德后詔書流布

至於是施親戚被服自此始

案今聚珍本東觀記外戚傳云廣平鉅鹿樂成王在邸入朝問起居

上望見車騎鞍勒皆純黑無金銀飾馬不踰六尺于是白太后即賜錢各五百萬太后詔書流布咸稱至德莫敢犯禁與惠氏所引前後文倒易無王主諸室四字有鉅鹿二字正德作至德文字亦異至於是施親戚被服自此始十字尤聚珍本所無語亦不可曉當由補注文更有脫誤

賈貴人南陽人

侯康曰御覽一百三十七引續漢書云明德馬后之姨女

章德竇皇后紀數呼相工問息耗注息耗猶言善惡也集解惠棟

曰至

義並同周壽昌曰大戴記易本命云息土之人美耗土之人醜息生也耗損也即盛衰意注訓善惡微隔今

案周說猶惠說也竊謂前書天文志言候息耗者入國邑視封疆田疇之整治城郭室屋門戶之潤澤次至車服畜產精華寶

息者吉虛耗者凶準此則相工之於相人亦視息耗以審吉凶耳

例入見長樂宮進止有序風容甚盛

侯康曰御覽一百三十七引續漢書云奉事長樂宮下至

侍御貢獻遺皆得其忻心

和熹鄧皇后紀諸兄每讀經傳輒下意難問注下意猶出氣也

周壽

昌曰注意隔下意猶禮下氣怡色之謂難問辯難詰問也案前書崩通傳未嘗卑節下意以求仕周說下意義與彼合惟輒相難問方事辯詰抑豈下氣怡色之時仍非確詰耳竊謂章懷注氣字卽意字之誤下意猶出意者謂別出己意與諸兄論難戰國策秦策下兵三川高注下兵出兵也此下得訓出之證桓榮傳帝輒引榮及弟子升堂執經自爲下說注下說謂下語而講說之也下意難問與下語講說之下同

若有鍾乳狀集解東觀記滑如磬磬

案今聚珍本東觀記無如磬磬三字磬蓋礮之俗體

入親醫藥

官本親作視

歲時但供紙墨而已

通鑑胡注毛晃云楮藉不知所始後漢蔡倫以魚網木皮爲紙俗以爲紙始於倫非也前

書外戚傳已有赫躡紙矣墨膠煤爲之案蔡倫傳自古書契多編以竹簡其用縑帛者謂之爲紙縑貴而簡重並不便於人倫

乃造意用樹膚麻頭及敝布魚網以爲紙元興元年奏上之是
倫奏上所造紙后卽位已閱四年矣其在卽位之初所供紙仍
縑帛也周壽昌乃謂倫造紙在永元年間其未奏上時已流用
於宮掖然倫傳載倫永元九年監作祕劍及諸器械亦未嘗言
已造紙尙方用品未經
奏上宮掖尤不得先用

以未有頭上步搖環珮加賜各一具

官本無頭上二字

輕薄諛詞注言忽遽也諛音七洞反詞音洞

侯康曰一切經音義八引通俗文曰言過

謂之諛詞又引纂文曰諛詞急也

羸困輿見集解惠棟曰東觀記便輿見便當作箠

史記張耳陳餘列傳上使泄公

持節問之箠輿前箠徐廣音鞭索隱引服虔音編編竹木如今峻可以糞除也何休注公羊筍音峻筍者竹箠一名編

卽時收洛陽令下獄抵罪集解太后察覺之卽呼還問狀遂信卽

時收令下獄抵罪

案聚珍本東觀記太后察覺之作太后察視覺之多一視字與紀文合遂信軻作遂得伸

理

平望侯劉毅

錢大昭曰毅北海敬王子建初二年封永元中坐事失侯此當云故平望侯案毅事具文苑傳

流音於管弦注黃帝以下六代樂皆所以章顯功德

官本皆作音

崇晏晏之政注尚書考靈耀曰文塞晏晏

周壽昌曰考靈耀文塞晏晏第五倫陳寵傳注

俱引之又郅壽傳傷寒晏之化注引鄭注道德純備謂之寒寬容覆載謂之晏此注寒作塞古今字異也究以作寒爲是監本作基誤今案說文寒塞本各爲一字寒下云實也虞書曰剛而寒今書已通作塞又禮中庸不變塞馬鄭注云塞猶實又前書敘傳下塞淵其德顏注亦云塞實也是經史之通寒於塞相承已久周所據本文寒及寒晏兩處文注皆作塞自用本字第汲古本紀傳文注則皆作塞官本此注塞作基係承監本之譌餘亦皆作塞無作寒者

弘德洋溢充塞宇宙注洋溢言多

官本四字注在弘德洋溢句下

漢之舊典世有注記

官本記作紀

縣之日月注易曰縣象著明莫大於日月

官本於作乎

而薄祐不天

周壽昌曰祐當作祐史避安帝諱改

但蹊田之牛奪之已甚注此喻杜根上書雖曰有罪太后殺之爲

過甚也

洪亮吉日玩上語意當爲安帝雖昏庸然太后據政不歸爲奪之已甚不指杜根也注似誤

顧基也

辨察吉日辰土請意皆無妄帝則習氣然大具

且列田之半意之曰甚其也御林賦土嘗雖曰有罪太司錄之為

而義兼不天

胡史錄文帝始也
周禮昌曰補當卦

無之目且若景曰縹兼替則莫大飲日月

卦平
官本依

刻之曾典世許許

卦疏
官本依

以動羊益疾寒宇宙主羊益言冬

臣斷羊益句不
官本四字皆本

其辭承臨本之編織衣者卦寒厥卦寒否
古本殊辭文五用者卦寒官本與卦寒否

出入國刑辭本文悲又悲憂雨致文卦皆卦寒自用本字象近
於辭不寒為其悲讓也亦云其實也最錄史文最字伏寒卦天

若基則今案臨文應塞本各為一字塞下云實也與書曰潤而
若基則今案臨文應塞本各為一字塞下云實也與書曰潤而

容置臨臨之是此卦寒卦寒古今字異出矣以卦寒欲是臨本
與何文又與臨臨臨寒是之少若也與直後臨臨臨臨臨臨

深是優之如卦尚書洪靈獸曰文塞曼曼

是曼業正倫刺窮則主
風書昌曰洪靈獸文

而音氣管筮卦黃帝以不六外樂皆視以章臨也

卦音

皇后紀卷第十下

後漢書十下

宋

宣

大城

太

守范

曄撰

唐

章

懷

太

子

賢注

王先謙集解

安思閻皇后諱姬

諡法曰謀慮不愆曰思

河南滎陽人也祖父章永平中爲

尙書呂二妹爲貴人章精力曉舊典久次當遷呂重職顯宗爲後

宮親屬竟不用出爲步兵校尉

漢官儀曰比二千石掌宿衛兵屬北軍中候也

章生暢暢

生后后有才色初元元年呂選入掖庭甚見寵愛爲貴人二年立

爲皇后后專房妬忌帝幸宮人李氏生皇子保遂鳩殺李氏

鳩毒鳥也

食蝮以其羽畫酒中飲之立死

三年呂后父侍中暢爲長水校尉封北宜春侯

北宜春

春縣屬汝南郡以豫章有宜春故此加北故城在今豫州汝陽縣西南也集解先謙曰在今汝寧府汝陽縣西南

食邑五

千戶四年暢卒諡曰文侯子顯嗣建光元年鄧太后崩帝始親政

事顯及弟景燿晏並爲卿校典禁兵延光元年更封顯長社縣侯

長社縣屬潁川郡前書音義曰其社中樹暴長故名長社今許州縣集解先謙曰縣字衍注見靈紀食邑萬三千五

百戶追尊后母宗爲滎陽君續漢志曰婦人封君儀比公主油犍

色黃金辟邪加其首爲帶顯景諸子年皆童亂大戴禮曰男入歲而亂女七歲而亂亂毀齒也音初刃反並

爲黃門侍郎后寵旣盛而兄弟頗與朝權后遂與大長秋江京中

常侍樊豐等共譖皇太子保廢爲濟陰王四年春后從帝幸章陵

帝道疾崩於葉縣后顯兄弟及江京樊豐等謀曰今晏駕道次晏

也臣下不敢斥言帝崩猶言晚駕而出集解胡三省曰道次猶言路次也濟陰王在內邂逅公卿立之

還爲大害乃僞云帝疾甚徙御臥車行四日驅馳還宮集解胡三省曰自葉

至雒陽六百餘里明日詐遣司徒劉喜詣郊廟社稷告天請命其夕乃發

喪尊后曰皇太后皇太后臨朝蔡邕獨斷曰少帝卽位太后卽代攝政臨前殿朝羣臣太后東面少

帝西面羣臣奏事上書皆爲兩通一詣后一詣少帝呂顯爲車騎將軍儀同三司太后欲久

專國政貪立幼年與顯等定策禁中迎濟北惠王子北鄉侯懿

惠王

名壽章帝子也

立爲皇帝顯忌大將軍耿寶

耿弇之弟舒之孫

位尊權重威行前

朝乃風有司奏寶及其黨與中常侍樊豐虎賁中郎將謝暉暉弟

侍中篤篤弟大將軍長史宓

善文曰暉字伯周宓字仲周篤字季周集解陳景雲曰善文書名陶靖節

聖賢羣輔錄亦引之但作者姓名無攷耳隋經籍志不載此書錢大昕曰案唐藝文志總集類有杜預善文四十九卷陳氏偶未檢

及又秦辯士遺秦將章邯書在善文中見裴駟注史記李斯傳

侍中周廣阿母野王君王聖聖女

永永堦黃門侍郎樊巖等更相阿黨互作威福探刺禁省更爲唱

和皆大不道豐暉廣皆下獄死家屬徙比景

比景縣名屬日南郡前書音義曰日居於

頭上日景在己下故名之集解先謙曰官本注無景上日字考證云景字上監本多一日字從如涪原注減

宓巖減死

髡鉗貶寶爲則亭侯遣就國自殺王聖母子徙鴈門於是景爲衛

尉耀城門校尉晏執金吾兄弟權要威福自由少帝立二百餘日

而疾篤

集解黃山曰少帝卽位至薨凡二百三十四日

顯兄弟及江京等皆在左右京引

顯屏語曰北鄉侯病不解

集解通鑑胡注解散也言病纏方身而不散也

國嗣宜時有定

前不用濟陰王今若立之後必當怨又何不早徵諸王子簡所置

乎

集解惠棟曰簡擇也置立也

顯曰爲然及少帝薨京白太后徵濟北河間王

子未至而中黃門孫程合謀殺江京等立濟陰王是爲順帝顯景

晏及黨與皆伏誅遷太后於離宮家屬徙比景明年太后崩

集解惠棟

曰周舉傳永建元年正月帝朝太后於東宮從李郤之請也

在位十二年合葬恭陵帝母李氏

瘞在洛陽城北帝初不知莫敢言及太后崩左右白之帝感悟

發哀親到瘞所更曰禮殯

集解通鑑胡注殯用皇后禮也

上尊諡曰恭愍皇后葬

恭北陵爲策書金匱藏于世祖廟

在恭陵之北因以爲名漢官儀曰置陵園令食監各一人秩皆

六百石金匱緘之以金

順烈梁皇后諱妣

諡法曰執德尊業曰烈聲類曰妣妣娶也音納

太將軍商之女恭懷皇

后弟之孫也后生有光景之祥

集解惠棟曰續漢書后有光景之祥及長聰敏仰承兄姊俯接弟妹

恩情周悉

少善女工好史書九歲能誦論語治韓詩

韓嬰所傳詩也

大義略舉

常曰列女圖畫置於左右曰自監戒

劉向撰列女傳八篇圖畫其象集解惠棟曰劉向七略別

錄曰臣向與黃門侍郎歆所校列女傳種類相從爲七篇以著禍福榮辱之效是非得失之分畫之於屏風四堵

父商深

異之竊謂諸弟曰我先人全濟河西所活者不可勝數

商曾祖統更始二年

補中郎將酒泉太守使安集涼州時西河擾亂眾議以統素有威信乃推統與竇融共完全五郡

雖大位不究而

積德必報若慶流子孫者儻興此女乎永建三年與姑俱選入掖

庭時年十三相工茅通見后驚再拜賀曰此所謂曰角偃月

集解惠棟

曰戰國策司馬喜云犀角偃月乃帝王之后也

相之極貴臣所未嘗見也太史卜兆得壽

房

集解惠棟曰藝文志龜書五十二卷沈氏云古之卜者有繇辭周禮三兆其頌皆千有二百東觀記作戴房沈壽曰下文云乃

於壽安殿立貴人爲皇后蓋應壽房之兆則作戴房者誤

又筮得坤之比

易坤卦六五爻變而之比九五象曰顯比

之吉位正中也九五居得其位下應於上故吉

遂曰爲貴人常特被引御從容辭於帝曰

夫陽曰博施爲德陰曰不專爲義螽斯則百福之所由興也

詩國風序

曰言后妃若螽斯不妬忌則子孫眾多願陛下思雲雨之均澤識也詩大雅曰太姒嗣徽音則百斯男也

貫魚之次序

易曰雲行雨施品物流形剝卦曰貫魚以宮人寵無不利剝坤下艮上五陰而一陽眾陰在下駢頭相次

似貫魚也

使小妾得免罪謗之累由是帝加敬焉陽嘉元年春有司奏

立長秋宮曰乘氏侯商先帝外戚

商祖姑章帝貴人生和帝也

春秋之義娶先

大國

公羊傳曰天子娶於紀紀本子爵也先襄爲侯言王者不娶於小國也

梁小貴人宜配天祚正

位坤極

正其內位居陰德之極也易曰女正位乎內也

帝從之乃於壽安殿立貴人爲皇

后

壽安是德陽宮內殿名集解惠棟曰東京賦壽安永寧薛綜注殿以休令爲名美時君之德在應門之內也東觀記曰是時自

冬至春不雨立后之日嘉澍沾屋

后既少聰惠深覽前世得失雖曰德進不敢有

驕專之心每日月見謫

謫責也禮記云陽事不得謫見於天月爲之食輒爲之食陰事不得謫見於天月爲之食

降服求愆建康元年帝崩后無子美人虞氏子炳立是爲冲帝尊

后爲皇太后太后臨朝冲帝尋崩復立質帝猶秉朝政時揚徐劇

賊寇擾州郡西羌鮮卑及日南蠻夷攻城暴掠賦斂煩數官民困

竭太后夙夜勤勞推心仗賢委任太尉李固等拔用忠良務崇節儉其貪叨罪慝多見誅廢

貪財曰叨 慝惡也

分兵討伐羣寇消夷故海內

肅然宗廟呂竇而兄大將軍冀鳩殺質帝專權暴濫忌害忠良數
呂邪說疑誤太后遂立桓帝而誅李固太后又溺於宦官多所封
寵呂此天下失望和平元年春歸政於帝太后寢疾遂篤乃御輦
幸宣德殿見宮省官屬及諸梁兄弟詔曰朕素有心下結氣從間
呂來加呂浮腫逆害飲食寢呂沈困

寢漸也

比使內外勞心請禱私

自忖度日夜虛劣不能復與羣公卿士共相終竟援立聖嗣恨不
久育養見其終始今呂皇帝將軍兄弟委付股肱其各自勉焉後
二日而崩在位十九年年四十五合葬憲陵

虞美人者呂良家子年十三選入掖庭

續漢志曰美人父詩爲郎中詩父衡屯騎校尉又

生女舞陽長公主自漢興母氏莫不尊寵順帝旣未加美人爵號

而冲帝早天大將軍梁冀秉政忌惡佗族故虞氏抑而不登但稱

大家而已陳夫人者家本魏郡少已聲伎入孝王宮得幸生質帝

亦曰梁氏故榮寵不及焉

集解惠棟曰續漢書梁冀欲專權令帝母不得至京都又帝短祚是以外家無

他寵熹平四年小黃門趙祐

續漢志曰小黃門六百石宦者無員掌侍左右受尚書事上在內宮關通中外

及中宮以下眾事諸公主及王大妃等疾苦則使問之集解惠棟曰祐北海人與于肅等五人不爭威權稱為清忠見宦者傳議

郎卑整上言

風俗通曰卑氏鄭大夫卑謹之後漢有卑躬為北平太守集解惠棟曰整雁門人案孫恂引胡太傅碑亦

作卑整蔡邕集及袁紀皆作畢整作畢字者誤也前書古今人表鄭卑湛師古曰卑音脾湛音謹今論語左傳皆從俗作諱蓋為何

晏杜預

春秋之義母曰子貴

公羊傳曰桓公幼而貴隱公長而卑桓何以貴母貴也母貴則子何以貴

子以母貴

母以子貴隆漢盛典尊崇母氏凡在外戚莫不加寵今冲帝母虞

大家質帝母陳夫人皆誕生聖皇而未有稱號夫臣子雖賤尙有

追贈之典況二母見在不蒙崇顯之次無曰述遵先世垂示後世

也帝感其言乃拜虞大家爲憲陵貴人陳夫人爲勃海孝王妃孝王

名鴻章帝子千乘貞王仇之使中常侍持節授印綬遣太常呂三

孫鴻生質帝帝立徒勃海焉

懷陵冲帝陵
靜陵質帝陵

牲告憲陵懷陵靜陵焉

懷音

為蠡吾侯翼媵妾

蠡吾侯翼河間王開子和帝孫

生桓帝

桓帝即位明年追尊翼為孝崇皇陵曰博陵曰后為博陵貴人和

平元年梁太后崩乃就博陵尊后為孝崇皇后

集解惠棟曰桓帝詔曰博園區貴人

覆高明之懿德容淑美之嘉會與天合靈篤生厥躬欲報之德詩所感歎今以貴人為孝崇皇后

遣司徒持節奉

策授璽綬齋乘輿器服備法物宮曰永樂

集解通鑑胡注續漢志德陽前殿西北入門內

有永置太僕少府曰下皆如長樂宮故事

漢官儀曰帝祖母稱長信宮帝母稱長樂宮故

有長信少府長樂少府及職吏皆宦者為之

又置虎賁羽林衛士起宮室分鉅鹿九縣

為后湯沐邑在位三年元嘉二年崩曰帝弟平原王石為喪主

石蠡

吾侯翼子桓帝兄

斂弓東園畫梓壽器玉匣飯含之具禮儀制度比恭懷

皇后

東園署名屬少府掌為棺器梓木為棺以漆畫之稱壽器者欲其久長也猶如壽堂壽宮壽陵之類也漢舊儀曰梓棺長

二丈廣四尺玉匣者腰已下爲柙至足亦縫以黃金爲縷飯含者以珠玉實口使司徒持節大長秋奉弔

祠賻錢四千萬公羊傳曰貨財曰賻布四萬匹中謁者僕射典護喪事侍御

史護大駕鹵簿漢官儀曰天子車駕次第謂之鹵簿有大駕法駕小駕大駕公卿奉引犬將軍參乘太僕御屬車八

十一乘備千乘萬騎侍御史在左駕馬詢問不法者今儀比車駕故以侍御史監護焉詔安平王豹河間王

建勃海王惺惺音恢長社益陽二長公主長社公主桓帝姊耿弇弟

桓帝妹侍中寇榮從兄子尚焉集解先謙曰官本注羈作霸授作援與諸國侯三百里內者及中二

千石二千石令長相皆會葬將作大匠復土繕廟合葬博陵

桓帝懿獻梁皇后諱女瑩諡法曰溫和聖善曰懿聰明獻智曰獻順烈皇后之女弟

也帝初爲蠡吾侯梁太后徵欲與后爲婚未及嘉禮嘉禮婚禮會質帝

崩因曰立帝明年有司奏太后曰春秋迎王后于紀在塗則稱后

公羊傳曰祭公來逆王后于紀傳曰祭公者何天子之三公其稱王后何王者無外其辭成矣今大將軍冀女弟

膺紹聖善膺當也紹嗣也聖善謂母也言娶妻當嗣親也詩云母氏聖善集解陳景雲曰膺紹聖善謂堪繼太后聖善之

德注 未了 結婚之際有命既集 謂太后先有命許結親也詩云天監下民有命既集也集解先謙曰官本下民

作在 宜備禮章時進徵幣 徵成也納幣以成婚 請下三公太常案禮儀 集解惠棟曰續漢

曰漢雜事 奏可於是悉依孝惠皇帝納后故事 集解惠棟曰續漢書如孝惠孝平故

云太常宏 聘黃金二萬斤納采鴈璧乘馬束帛一如舊典 漢書舊儀聘皇

后為惠帝娶魯元公主女故特優其禮也儀禮曰納采用鴈鄭玄注云納其采擇之禮用鴈取順陰陽往來也周禮王者穀圭以聘

女鄭玄注云士大夫以上乃以玄纁束帛天子加以穀圭諸侯加以大璋然禮稱以圭此云用璧形制雖異為玉同也乘馬四匹馬

也雜記曰納幣一束束五兩兩五尋然則每端二丈集解惠棟曰漢雜事云以黃金二萬斤馬十二匹元纁穀璧以章典禮姚士璘

云檢晉志云漢高后制聘二百斤馬十二匹注以為四匹非也 建和元年六月 集解惠棟曰漢雜事云六月庚子

始入掖庭八月立為皇后 集解惠棟曰漢雜事云八月乙未 時太后秉政而梁冀

專朝故后獨見寵幸自下莫得進見后藉姊兄廕執恣極奢靡宮

幄彫麗服御珍華巧飾制度兼倍前世及皇太后崩恩愛稍衰后

既無子潛懷怨忌每宮人孕育鮮得全者帝雖迫畏梁冀不敢譴

怒然見御轉稀至延熹二年后已憂恚崩在位十三年葬懿陵其
歲誅梁冀廢懿陵爲貴人冢焉

桓帝鄧皇后諱猛女和熹皇后從兄子鄧香之女也母宣初適香

生后改稼梁紀紀者大將軍梁冀妻孫壽之舅也后少孤隨母爲

居因冒姓梁氏冀妻見后貌美永興中進入掖庭爲采女絕幸

采擇

也以因采擇而立名明年封兄鄧演爲南頓侯位特進演卒子康嗣及懿獻

后崩梁冀誅立后爲皇后帝惡梁氏改姓爲薄封后母宣爲長安

君四年有司奏后本郎中鄧香之女不宜改易它姓於是復爲鄧

氏追封贈香車騎將軍安陽侯印綬更封宣康大縣宣爲昆陽君

康爲泚陽侯賞賜巨萬計

巨大也大萬謂萬萬也集解先謙曰泚亦當爲泚

宣卒贈贈葬

禮皆依后母舊儀已康弟統襲封昆陽侯位侍中統從兄會

集解惠棟

曰會天文志作魯襲安陽侯爲虎賁中郎將又封統弟秉爲涇陽侯宗族

皆列校郎將

集解通鑑胡注列校謂北軍五校郎將卽三署郎中郎將

帝多內幸博采宮女至

五六千人及驅役從使

集解通鑑胡注驅役者嬖幸挾勢驅掠良人以供掖庭私役者也從使者趨勢附力

樂從而爲之使也

復兼倍於此而后恃尊驕忌與帝所幸郭貴人更相譖

訴八年詔廢后送暴室呂憂死

漢官儀曰暴室在掖庭內丞一人主宮中婦人疾病者其皇后貴人

有罪亦就此室也

立七年葬在北邙從父河南尹萬世及會皆下獄死統

等亦繫暴室

集解惠棟曰天文志時又有越騎校尉鄧弼侍中免監羽林左騎鄧德右騎鄧壽議郎鄧秉皆繫暴室

官爵歸本郡財物沒入縣官

桓思竇皇后諱妙章德皇后從祖弟之孫女也父諱武

集解先謙曰官本無

三字考證云此句下監本有父諱武三字注王會汾云按下文有太后父大將軍武句此處不復須注且后父亦不當言諱也明是後人添入今從宋本刪 延熹八年鄧皇后廢后呂選入掖庭爲貴人其冬立

爲皇后而御見甚稀帝所寵唯采女田聖等永康元年冬帝寢疾

遂呂聖等九女皆爲貴人及崩無嗣后爲皇太后太后臨朝定策

立解犢侯宏

集解先謙曰犢當爲續下脫亭字官本有

是爲靈帝太后素忌忍積怒出

聖等桓帝梓官尙在前殿遂殺田聖又欲盡誅諸貴人中常侍管

霸蘇康苦諫乃止時太后父大將軍武謀誅宦官而中常侍曹節

等矯詔殺武遷太后於南宮雲臺家屬徙比景竇氏雖誅帝猶曰

太后有援立之功建寧四年十月朔率羣臣朝于南宮親饋上壽

黃門令董萌

漢官儀曰黃門令秩六百石

因此數爲太后訴怨帝深納之供養

資奉有加於前中常侍曹節王甫疾萌扶助太后誣曰謗訕永樂

宮

靈帝母所居也訕謗毀也

萌坐下獄死熹平元年太后母卒於比景后感疾

而崩立七年合葬宣陵

孝仁董皇后諱某河間人爲解犢侯萇夫人

萇河間孝王開孫淑之子也集解先謙曰

侯上脫亭字官本有

生靈帝建寧元年帝卽位追尊萇爲孝仁皇陵曰愼陵

曰后爲愼園貴人及竇氏誅明年帝使中常侍迎貴人并徵貴人

兄寵到京師上尊號曰孝仁皇后居南宮嘉德殿嘉德殿在九龍門內宮稱

永樂拜寵執金吾後坐矯稱永樂后屬請下獄死及竇太后崩始

與朝政使帝賣官求貨自納金錢盈滿堂室中平五年呂后兄子

衛尉脩侯重脩今德州縣故城在縣南脩今作禧音條集鮒先謙曰在今河間府景州南州志十三里南條城為

驃騎將軍領兵千餘人初后自養皇子協數勸帝立為太子而何

皇后恨之議未及定而帝崩何太后臨朝重與太后兄大將軍進

權執相害后每欲參干政事太后輒相禁塞后忿恚詈言曰汝今

斬張怙汝兄耶斬張猶疆梁也集解惠棟曰尚書無逸篇譎張為幻陸德明云譎竹求反馬融本作斬爾雅及詩作

侑同侑張誑也揚雄國三老箴云負乘覆餗姦寇侑張李善注斬

與侑古字通張由切丁度云李頤說狂屈侑張似人而非也續漢

書后憤恚嗔罵曰汝欲怪大將軍耶當勅驃騎斷何進頭來何太

後聞呂告進進與三公及弟車騎將軍苗等奏孝仁皇后使故中

常侍夏惲永樂太僕封諳等交通州郡漢官儀曰永樂太僕用中人為之辜較在

所珍寶貨賂悉入西省

幸較解見靈紀西省
卽謂永樂宮之司

蕃后故事不得留京

師

蕃后謂平帝母衛姬時王莽攝政恐其
專權后不得留在京師故云故事也

輿服有章膳羞有品請

永樂后遷宮本國奏可何進遂舉兵圍驃騎府收重重免官自殺

集解先謙曰疑當作免重
官重自殺而傳寫倒脫也

后憂怖疾病暴崩

集解通鑑考異云案
九州春秋太后憂懼

自殺在位二十三年民間歸咎何氏喪還河間合葬慎陵

靈帝宋皇后諱某扶風平陵人也肅宗宋貴人之從曾孫也

集解
劉攽

曰案宋貴人安得有從曾孫姓宋者當是漏一父字
汪文臺曰御覽百三十七引續漢書貴人之從孫

建寧三年選

入掖庭爲貴人明年立爲皇后父酆執金吾封不其鄉侯

不其縣
屬琅邪

郡故城在今萊州卽墨縣西南蓋其縣之鄉也其音基決錄注酆
字伯遇集解錢大昕曰案伏湛於建武六年封不其侯傳國八世

至獻帝時始絕而宋酆於靈帝之世得封不其鄉侯者伏氏食邑
三千六百戶除所食之外尚有它鄉也先謙曰在今萊州府卽墨

縣西南縣志二
十七里不其社

后無寵而居正位後宮幸姬眾其譖毀初中常侍

王甫枉誅勃海王惺及妃宋氏

熹平元年王甫譖惺與中常侍鄭
颯交通欲迎立惺惺自殺妃死獄

也妃卽后之姑也甫恐后怨之乃與太中大夫程阿共搆言皇后

挾左道祝詛

禮記曰執左道以亂眾殺無赦鄭玄注云左道若巫蠱也

帝信之光和元年遂策

收璽綬后自致暴室曰憂死在位八年父及兄弟並被誅諸常侍

小黃門在省闈者皆憐宋氏無辜共合錢物收葬廢后及酈父子

歸宋氏舊塋皋門亭

詩云迺立皋門注云王之郭門曰皋門漢官儀曰十二門皆有亭

帝後夢見

桓帝怒曰宋皇后有何罪過而聽用邪孽使絕其命勃海王惲既

已自貶又受誅斃今宋氏及惲自訴於天上帝震怒

上帝天也震動也書曰帝

乃震怒也

罪在難救夢殊明察帝既覺而恐以事問於羽林左監許承

續漢志曰羽林左監一人秩六百石主羽林左騎右亦如之承或

作詠集解惠棟曰謝承書承字游光靈帝時爲司隸校尉是時奄

寺在內並貴幸用勢於時承舉法無所迴避中官子弟爲令長官

者並棄官去威烈風行於是深見怨於幸官遂見誣譖當下廷尉

承謂友人曰承年七十庶幾以忠義致身未得殲姦人

之首而先賊受害何能復入奏對刀筆吏遂仰藥而死

曰此何祥其可禳乎

禳謂除也

承對曰宋皇后親與陛下共承宗廟母臨萬國歷

年已久海內蒙化過惡無聞而虛聽讒妬之說曰致無辜之罪身

嬰極誅禍及家族天下臣妾咸爲怨痛勃海王悝桓帝母弟也處

國奉藩未嘗有過

集解惠棟曰史弼傳弼遷北軍中候是時北海王悝素行險辟譖傲多不法弼懼其驕悖爲亂

乃上封事帝以至親不忍下其事後悝竟坐逆謀貶爲瘦陶王蔡

邕集亦云悝懷逆謀黜封瘦陶王洪适案趙相劉衡碑云渤海王

帝之冢弟不遵憲典君以特選爲郎中令如史所載則渤海王死

非其罪似作碑者附會時論辭有溢惡然威宗紀延熹八年書渤

海王悝謀反降爲瘦陶王後二年復舊則渤海王亦非身端行治

者孝靈之夢則齊諧家所志也棟案孝靈之夢載在干寶搜神范

氏撰方術傳多取材於干氏非實錄也

陛下曾不證審遂伏其辜昔晉侯失刑亦夢

大厲被髮屬地

左傳曰晉侯夢大厲被髮及地搏膺而踊曰殺余孫不義余得請于帝矣杜預注曰厲鬼趙氏之先

祖也晉侯先殺趙同趙括故怒也

天道明察鬼神難誣宜并改葬曰安冤魂反宋

氏之徙家復勃海之先封曰消厥咎帝弗能用尋亦崩焉

靈思何皇后諱某南陽宛人家本屠者曰選入掖庭

風俗通曰漢以入月算人

后家以金帛賂遺主者以求入也集解惠棟曰續漢書進父眞死以妹倚黃門得入掖庭案何進傳蹇碩與趙忠書曰中常侍郭勝

進同郡人也太后及進之貴幸勝有力焉然則幸由郭勝得入掖庭也長七尺一寸生皇子辯養於

史道人家號曰史侯道人謂道術之人也獻帝春秋曰靈帝數失子不敢正名養道人史子助家號曰史侯集

解先謙曰官本助作眇拜后為貴人甚有寵幸性彊忌後宮莫不震懾光和

三年立為皇后明年追號后父真為車騎將軍舞陽宣德侯因封

后母興為舞陽君時王美人任娠左傳曰邑姜方娠杜預注曰懷胎為娠音之刃反一音身畏

后乃服藥欲除之而胎安不動又數夢負日而行四年生皇子協

后遂鳩殺美人集解惠棟曰續漢書渴飲米粥遂暴薨帝大怒欲廢后諸宦官固請

得止董太后自養協號曰董侯

王美人趙國人也集解李良裘曰后紀序曰同居正號者並列於篇私恩追尊者隨事附出此紀例也卷內自賈

貴人以下皆應附各紀之末不應另傳此必非范氏之舊先謙曰元書不提行正應隨事附見之例下文紀序何后事其明證也此

自後人傳寫祖父苞集解惠棟曰袁宏紀苞治尚書父章襲苞之誤李說非業居貧有子二人男斌女曰榮榮即后也五

官中郎將美人豐姿色聰敏有才明能書會計會計謂總會其數而算呂良

家子應法相選入掖庭帝愍協早失母又思美人作追德賦令儀
頌中平六年帝崩皇子辯卽位尊后爲皇太后太后臨朝后兄大

將軍進欲誅宦官反爲所害舞陽君亦爲亂兵所殺并州牧董卓

被徵將兵入洛陽陵虐朝廷遂廢少帝爲弘農王

集解黃山曰或謂少帝當書皇子辯

非詳靈紀

而立協是爲獻帝扶弘農王下殿北面稱臣太后顰涕羣臣

含悲莫敢言董卓又議太后踰迫永樂宮至令憂死逆婦姑之禮

乃遷於永安宮因進酖弒而崩在位十年董卓令帝出奉常亭舉

哀

華延雋洛陽記曰城內有奉常亭

公卿皆白衣會不成喪也

有凶事素服而朝謂之白衣會左傳

曰不書葬不成喪

合葬文昭陵初太后新立當謁二祖廟欲齋輒有變故

如此者數竟不克時有識之士心獨怪之後遂因何氏傾沒漢祚

焉明年山東義兵大起討董卓之亂卓乃置弘農王於閣上使郎

中令李儒進酖曰服此藥可辟惡王曰我無疾是欲殺我耳不

肯飲強飲之不得已乃與妻唐姬及宮人飲讌別酒行王悲歌曰
天道易兮我何艱棄萬乘兮退守蕃逆臣見迫兮命不延逝將去

汝兮適幽玄因令唐姬起舞姬抗袖而歌

抗舉也

曰皇天崩兮后土

頹

史記周烈王崩周人爲齊威王曰天崩地拆也集解先謙曰官本爲作謂古字通

身爲帝兮命天摧死

生路異兮從此乖奈我甕獨兮心中哀因泣下嗚咽坐者皆歔歔

王謂姬曰卿王者妃執不復爲吏民妻自愛從此長辭遂飲藥而

死時年十八唐姬潁川人也王薨歸鄉里父會稽太守瑁欲嫁之

姬誓不許及李傕破長安遣兵鈔關東略得姬傕因欲妻之固不

聽而終不自名

不自名少帝之姬也袁宏紀曰爲傕所略不敢自言

尙書賈誦知之

魏志曰誦字文

和姑臧人少時漢陽閻忠見而異之曰誦有良平之才

曰狀白獻帝帝聞感愴乃下詔迎姬

置園中使侍中持節拜爲弘農王妃初平元年二月葬弘農王於

故中常侍趙忠成壙中

趙忠元有成壙因而葬焉

諡曰懷王帝求母王美人兄

斌斌將妻子詣長安賜第宅田業拜奉車都尉興平元年帝加元服有司奏立長秋宮詔曰朕稟受不弘遭值禍亂未能紹先日光

故典皇母前薨未卜宅兆禮章有闕中心如結

詩云心如結兮

三歲之感

蓋不言吉且須其後於是有司乃奏追尊王美人爲靈懷皇后改

葬文昭陵儀比敬恭二陵

敬章帝陵恭安帝陵集解陳景雲曰謂如恭懷梁后葬敬西陵恭愍李后葬恭

北陵之禮不言西北者省文耳注非

使光祿大夫持節行司空事奉璽綬斌與河南

尹駱業復土斌還遷執金吾封都亭侯

凡言都亭者並城內亭也漢法大縣侯位視三公小

縣侯位視上卿鄉亭侯視中二千石也

食邑五百戶病卒贈前將軍印綬謁者監護

喪事長子端襲爵

獻帝伏皇后諱壽琅邪東武人

東武今密州諸城縣集解先謙曰今青州府諸城縣治

大司

徒湛之八世孫也父完沈深有大度襲爵不其侯尙桓帝女陽安

公主

陽安縣屬汝南郡故城在今豫州朗山縣東北集解先謙曰注已見上卷此重出

爲侍中初平元年

從大駕西遷長安后時入掖庭爲貴人興平二年立爲皇后完遷

執金吾帝尋而東歸李傕郭汜等追敗乘輿於曹陽

集解先謙曰注見帝紀

帝乃潛夜度河走

度所在今陝州陝縣北水經曰銅翁仲所沒處是獻帝東遷潛度所

六宮皆步行

出營

周禮曰王后率六宮之人鄭玄注曰六宮之人夫人以下分居后之六宮者

后手持縑數匹董承

使符節令孫徽曰刃脇奪之殺傍侍者血濺后衣

濺音子見反

既至安

邑御服穿敝唯曰棗栗爲糧建安元年拜完輔國將軍儀比三司

完曰政在曹操自嫌尊戚乃上印綬拜中散大夫尋遷屯騎校尉

十四年卒子興嗣

集解先謙曰官本興作典

自帝都許守位而已宿衛兵侍莫

非曹氏黨舊姻戚議郎趙彥嘗爲帝陳言時策曹操惡而殺之其

餘內外多見誅戮操後曰事入見殿中帝不任其憤因曰君若能

相輔則厚不爾幸垂恩相捨操失色俛仰求出舊儀三公領兵朝

見令虎賁執刃挾之操出願左右汗流浹背

浹徹也音子協反

自後不敢

復朝請董承女爲貴人操誅承而求貴人殺之帝曰貴人有說

曰姪孕也累爲請不能得后自是懷懼乃與父完書言曹操殘逼

之狀令密圖之完不敢發至十九年事乃露泄操追大怒遂逼帝

廢后假爲策曰皇后壽得由卑賤登顯尊極自處椒房

漢官儀曰房取其蕃實之義也詩云椒聊之實蕃衍盈升二紀于茲既無任姒徽音之美

母太任文王王母徽美也詩云太姒嗣徽音又乏謹身養己之福

左傳曰人受天地之中以生者數以而陰懷妬害苞藏禍心弗可曰承天命奉祖宗今使御史

大夫郗慮持節策詔其上皇后璽綬

蔡邕獨斷曰皇后赤綬玉璽黃赤纁紺滄黃圭綬長二丈九尺九寸五

百首太皇太后皇太后其綬皆與乘輿同退避中宮遷于它館鳴

呼哀哉自壽取之未致于理爲幸多焉又以尙書令華歆爲郗慮

副魏志曰華歆字子魚平原高唐人代荀勒兵入宮收后閉戶藏

壁中集解劉攽曰案歆就牽后出集解惠棟曰曹瞞傳歆時帝在

外殿引慮於坐后被髮徒跣行泣過訣曰不能復相活邪帝曰我亦不知命在何時顧謂慮曰郗公天下寧有是邪遂將后下暴室
呂幽崩所生二皇子皆酖殺之后在位二十年兄弟及宗族死者百餘人母盈等十九人徙涿郡

獻穆曹皇后諱節

諡法曰布德執義曰穆

魏公曹操之中女也建安十八年

操進三女憲節華爲夫人聘呂束帛玄纁五萬匹小者待年於國
留住於國以待年長十九年並拜爲貴人及伏皇后被弑明年立節爲皇后

魏受禪遣使求璽綬后怒不與如此數輩后乃呼使者入親數讓

之呂璽抵軒下

抵擲也軒闌校也集解先謙曰官本璽下有綬字

因涕泣橫流曰天不祥

爾

集解惠棟曰續漢書作天不祥此璽

左右皆莫能仰視后在位七年魏氏旣立呂

后爲山陽公夫人自後四十一年魏景初元年薨合葬禪陵車服

禮儀皆依漢制

集解先謙曰續漢書云孝獻曹后丞相魏王操之女也名憲建安十八年上納操二女憲節於後宮

皆爲貴人明年憲爲皇后帝禪位於魏憲拜山陽夫人見御覽百
三十七又云獻穆曹皇后諱節操女也魏受禪遣使求璽綬后怒
以璽綬投軒下因涕泣橫流曰天不祚此璽見書鈔百三十一御
覽六百八十二俱見汪氏文臺所輯引先謙案憲無薨年節安得
爲后禪位之後仍是憲拜夫人
置節何地顯然謬誤所當駁正

論曰漢世皇后無諡皆因帝諡曰爲稱雖呂氏專政上官臨制亦

無殊號

上官昭
帝后也

中興明帝始建光烈之稱其後並曰德爲配至於

賢愚優劣混同一貫故馬竇二后俱稱德焉其餘皇帝之庶母

集解

先謙曰官本
皇作唯是

及蕃王承統曰追尊之重特爲其號恭懷孝崇之比

是也初平中蔡邕始追正和熹之諡

蔡邕集諡議曰漢世母氏無
諡至于明帝始建光烈之稱

是後轉因帝號加之以德上下優劣混而爲一違禮大行受大名
小行受小名之制諡法有功安人曰熹帝后一體禮亦宜同大行

皇太后諡
宜爲和熹

其安思順烈曰下皆依而加焉

贊曰坤惟厚載陰正乎內

易曰坤厚載物又曰女
正位乎內男正位乎外

詩美好逌

逌詩

云窈窕淑女君子好逌言后
妃有闕雎之德爲君子好匹

易稱歸妹

兌下震上歸妹卦也婦人
謂嫁曰歸妹爲少女之稱

兒爲少陰震爲長陽少陰而承長陽悅以動之歸妹之象也以六五與九二相應五爲王侯故易言帝乙歸妹

言觀貞淑祁祁眾多也嬈亦麗也觀示也言諸后皆示其貞淑配

曰漢郭甫碑曰先生有四男三女高賢姣嬈富貴顯榮其季女媚

文明潁川之夫人也戰國策鄒忌妻曰公姣且麗則嬈卽麗也

茲良哲承哉天祿集解先謙曰官本哉作我是班政蘭閨宣禮椒屋班固西都賦曰後宮

則掖庭椒房后妃之室蘭林蕙草披香發越蘭林殿名故言蘭閨椒屋卽椒房也既云德升亦曰幸進謂馬鄧等也幸進謂閭和之類也身當隆極族漸河潤公羊傳曰河海潤千里也視景爭暉方

山並峻乘剛多阻行地必順易屯卦象曰六二之難乘剛也又坤卦曰牝馬地類行地無疆王弼注云

地之所以得無疆者以卑順行之故也咎集驕滿福協貞信慶延自己禍成誰釁

漢制皇女皆封縣公主儀服同列侯漢法大縣侯視三公其尊崇者加號長

公主儀服同蕃王蔡邕曰帝女曰公主姊妹曰長公主建武十五年封武陽公主爲長公主卽是帝女尊崇亦爲

長非惟姊妹也輿服志曰長公主赤罽鞞車與諸侯同綬也諸王女皆封鄉亭公主儀服同鄉

亭侯鄉亭侯視中二千石肅宗唯特封東平憲王蒼琅邪孝王京女爲縣公

主東平王傳曰封蒼女五人爲其後安帝桓帝妹亦封長公主同

之皇女

案鄧禹玄孫少府襄尚舞陰長公主耿弇曾孫侍中良尚漢陽公主岑彭玄孫魏郡守熙尚涅陽長公主來歙玄孫

虎賁中郎將定尚平氏長公主並安帝妹也長社益陽公主桓帝妹也解見上集解錢大昭曰漢陽公主當從耿弇傳作濮陽長公

主惠棟曰長社公主桓帝姊注誤爲桓帝妹其皇女封公主者所生之子襲母封爲列

侯

馮定獲嘉公主子襲封獲嘉侯馮奮平陽公主子襲封平陽侯此其類也

皆傳國於後鄉亭之侯則

不傳襲其職僚品秩事在百官志

沈約謝儼傳曰范曄所撰十志一皆托儼搜撰垂畢遇曄敗悉

蠟以覆車宋文帝令丹陽尹徐湛之就儼尋求已不復得一代以爲恨其志今闕續漢志曰諸公主家令一人六百石丞一人三百

石其餘屬吏增減無常漢官儀曰長公主傳一人私府長一人食官一人丞巷長一人家令一人秩皆六百石各有員吏而鄉公主

傳一人秩六百石僕一人六百石家丞一人三百石也集解錢大昕曰按蔚志今已失傳其名目可攷者有五行天文志見蔡邕傳

有禮樂輿服志見東平王蒼傳有百官志見此紀

不足別載故附于后紀末

皇女義王建武十五年封舞陽長公主適延陵鄉侯太僕梁松

舞陽

縣屬潁川郡松梁統之子其傳云尚光武女舞陰公主又鄧訓傳舞陰公主子梁扈有罪訓與交通此云舞陽誤也集解錢大昕曰

舞陰與涅陽館陶二主同時以皇女封但當云公主耳其加長字當在明章之世史家省文併作一事書之也蔡邕獨斷云帝女曰公主姊妹曰長公主此漢家故事章懷据此文謂帝女尊崇亦爲長非唯姊妹失其旨矣松坐誹謗誅

皇女中禮十五年封涅陽公主適顯親侯大鴻臚竇固

涅陽屬南郡顯親縣

屬漢陽郡固竇融子集解先謙曰涅陽在今南陽府鎮平縣南顯親今秦州秦安縣西北

肅宗尊爲長公主

皇女紅夫十五年封館陶公主適駙馬都尉韓光光坐與淮陽王

延謀反誅

皇女禮劉十七年封清陽公主適陽安侯長樂少府郭璜

璜郭況子也

璜坐與竇憲謀反誅

皇女綬

綬一作緩

二十一年封酈邑公主適新陽侯世子陰豐豐害主

誅死

酈縣屬南陽郡音擲亦反新陽縣屬汝南郡豐陰就子集解先謙曰酈邑注見帝紀新陽今潁州府太和縣西北縣志六

十里信陽城

世祖五女

皇女姬永平二年封獲嘉長公主適楊邑侯將作大匠馮柱

獲嘉縣屬

河內郡楊邑縣屬太原郡柱馮魴子集解先謙曰獲嘉今衛輝府新鄉縣西南十二里柱子石襲封縣南十里又有馮石城石所築

楊邑本或作陽邑在今太原府太谷縣東南十五里

皇女奴三年封平陽公主

平陽縣屬河東郡

適犬鴻臚馮順

順勤子也集解先謙曰官

本考證云監本誤作馮魴子也從宋本改

皇女迎

迎或作延

三年封隆慮公主

隆慮縣屬河內郡集解先謙曰今彰德府林縣治

適牟平

侯耿襲

牟平縣屬東萊郡襲耿弇弟舒之子集解先謙曰今登州府城東南九十里

皇女次三年封平氏公主

平氏縣屬南陽郡既不言所適不顯始終蓋史闕之也它皆倣此集解先謙曰

平氏今南陽府桐柏縣西

皇女致三年封沁水公主

沁水縣屬河內郡集解先謙曰今懷慶府濟源縣東北

適高密侯

鄧乾

乾鄧震之子禹之孫

皇女小姬十二年封平皋公主

平皋縣屬河內郡集解先謙曰今懷慶府溫縣東

適昌安侯

侍中鄧蕃

昌安縣屬高密國蕃鄧襲子禹之孫也

皇女仲十七年封浚儀公主適軼侯

軼志作軼音伏師古曰又音徒系反

黃門侍郎

王度

軼縣屬江夏郡度王符子霸之孫集解惠棟曰江夏郡有軼侯國王霸傳亦作軼先謙曰今光州光山縣西北

皇女惠十七年封武安公主適征羌侯世子黃門侍郎來稜

征羌縣屬

汝南郡稜襄之子歆之孫集解先謙曰征羌今許州鄆城縣東南

安帝尊爲長公主

皇女臣建初元年封魯陽公主

魯陽縣屬南陽郡集解先謙曰魯陽今汝州魯山縣治

皇女小迎元年封樂平公主

樂平太清縣屬東郡章帝更名集解先謙曰今東昌府堂邑縣東南四十

里

皇女小民元年封成安公主

成安縣屬潁川郡集解先謙曰今汝州東南

顯宗十一女

皇女男建初四年封武德長公主

皇女王四年封平邑公主

平邑縣屬代郡今魏郡昌樂東北又有平邑城集解先謙曰今大同府陽高縣

西
南 適黃門侍郎馮由

皇女吉永元五年封陰安公主
陰安縣屬魏郡集解先謙曰今大名府清豐縣北

肅宗三女

皇女保延平元年封修武長公主
修武縣屬河內郡集解先謙曰注見帝紀

皇女成元年封共邑公主
共縣屬河內郡集解先謙曰今衛輝府輝縣治

皇女利元年封臨穎公主
縣屬潁川郡集解先謙曰今許州臨穎縣西北舊志十五里 適卽墨

侯侍中賈建
卽墨縣屬膠東國建賈參子復之曾孫集解先謙曰今萊州府平度州東南舊志俗名康王城

皇女興元年封聞喜公主
聞喜縣屬河東郡集解先謙曰今絳州聞喜縣西南

和帝四女

皇女生永和三年封舞陽長公主
集解先謙曰今南陽府舞陽縣西

皇女成男三年封冠軍長公主
冠軍縣屬南陽郡集解先謙曰今南陽府鄧州西北

皇女廣永和六年封汝陽長公主
汝陽縣屬汝南郡集解先謙曰今陳州府商水縣西北

順帝三女

皇女華延熹元年封陽安長公主適不其侯輔國將軍伏完

完伏
湛五

世孫集解何焯曰以伏后紀及
湛傳參校五世誤當作七世

皇女堅七年封潁陰長公主

潁陰縣屬潁川郡集
解先謙曰今許州治

皇女修九年封陽翟長公主

桓帝三女

皇女某光和三年封萬年公主

靈帝一女

皇帝一文

皇文某次味三平桂萬平公主

皇帝三文

皇文對次平桂則對皇公主

皇文望小平桂則對皇公主

皇文對曰今特出

皇文望小平桂則對皇公主

皇文望小平桂則對皇公主

皇后紀卷第十下 終

後漢書十下

後漢書集解卷十下技補

皇后紀下安思閻皇后紀追尊后母宗為滎陽君注婦人封君儀

比公主油犍駟車

公主之公原誤宮據續志正油犍駟車今續志作油畫駟車

詐遣司徒劉喜

錢大昭曰喜當作熹案本書安紀順紀皆作熹通鑑此亦作熹惟袁紀兩見皆作喜

其夕乃發喪尊后曰皇太后皇太后臨朝

案安帝崩太子保既廢所立未定而先尊后為

皇太后先事臨朝不知尊將誰屬然其後桓思竇后亦即援此為例矣悖理亂制又西京以來所未有也

孝崇區皇后紀乃就博陵尊后為孝崇皇后

周壽昌曰后始制於梁太后繼復為梁冀

所制冀未誅而后已崩雖尊為后未得一日供養京師也

詔安平王豹

錢大昭曰豹疑當作續

長社益陽二長公主注長社公主桓帝姊耿弇弟羈玄孫授尚焉

集解官本注羈作霸授作援

案據耿弇傳作霸作援援知羈授皆譌字

桓帝鄧皇后紀詔廢后送暴室曰憂死

周壽昌曰五行志鄧后坐醜上送暴室令自殺則非

但以憂立七年葬在北邙錢大昭曰在閩本作

桓思竇皇后紀父諱武集解先謙曰官本無三字考證云至今從

宋本刪案今各舊本父諱武三字皆作正文顧炎武云諱字衍

正文矣據官本考證則北監本三字乃為注文此又有別蓋如為正文官本即亦不得遽刪也

黃門令董萌注黃門令秩六百石注令原作之據正文改錢大昭

亦原作之也官本不誤

熹平元年太后母卒於比景后感疾而崩太后下原無母字據通鑑補王鳴盛曰太后之

下脫母字后之上脫太字是王所據本亦原與是本同官本依監本轉刊后上仍脫太字惟通鑑二字均不脫蓋即王說所本也

孝仁董皇后紀以后兄子衛尉脩侯重注脩今作脩音條官本文

作脩脩亦作修音條作音修案前志信都國脩莽曰脩治顏注脩音條功臣表周勃封國字亦作修外戚恩澤侯表序脩侯犯

色字仍作脩顏注皆音條周亞夫傳則徑作條續志改屬勃海郡字還作脩晉志則作脩然觀史記周勃世家注引徐廣云表

皆作菴似作菴亦不自晉始大抵脩菴條可通作而音則一以條爲正也至官本注之作菴音修殆沿監本之失

初后自養皇子協

侯康曰御覽一百三十七引續漢書暴室齋夫朱直擁養獨擇乳母歲餘永樂后自將護

靈帝宋皇后紀肅宗宋貴人之從曾孫也集解劉攽曰案宋貴人

安得有從曾孫姓宋者至貴人之從孫

周壽昌曰宋貴人但不得有曾孫姓宋者耳今

云從曾孫自是同父兄弟之曾孫不待於從下加父字案袁紀皇后宋氏宋隱之從孫也考肅宗宋貴人即清河王慶之母安帝追諡爲敬隱后宋隱之從孫乃宋隱后從孫之訛與續漢書說合作從曾孫仍脫父字

父艷執金吾封不其鄉侯集解錢大昕曰

至尚有它鄉也

案不其縣後漢

己省據袁紀艷作豐不其鄉侯作不期侯續志東萊郡有不期侯國故屬琅邪即不其縣地也

以事問於羽林左監許永集解惠棟曰謝承書永字游光靈帝時

爲司隸校尉

侯康曰姚氏補逸引謝書云永爲司隸校尉舉法無所迴避京師號曰許游光案馬融廣成頌捐罔

兩拂游光張平子東京賦殪野仲而殲游光注野仲游光惡鬼也然則許永不當取以爲字當是時人畏其舉法避之如鬼魅因舉以相目耳魏志夏侯太初傳注引魏略云李豐兄弟如游光亦以鬼目人也又續五行志一載太常許永與中常侍管霸

蘇康代作脣齒者疑非一人今案黨錮傳羊陟遷尚書令以前太尉劉寵司隸校尉許永等清亮在公薦舉升進帝嘉之拜陟河南尹會黨事起免官禁錮卒於家是許永為司隸校尉在羊陟未為河南尹之前錢大昭補表載陟為河南尹係光緒元年宋后即以是年十月廢則永是時已為司隸校尉不應後反降為羽林左監惠氏侯氏各引謝書亦皆無永為羽林左監事其為非對夢之許永可知矣惟五行志之許永官本作許詠與章懷注永或作詠正合觀宋后之以憂死諸常侍小黃門在省闈者既皆憐宋氏無辜合錢收葬詠夙與宦官比為后及勃海王懼乞恩亦正所以迎合宦官史特不以人廢言耳是許永雖非一而對夢之許永似即五行志之永或作詠者矣然管霸蘇康均於靈帝即位之初為竇武奏誅詠在前已官太常亦不應於靈帝末年反降為羽林左監意管蘇誅時詠亦坐廢武死乃因緣宦官復進也

靈思何皇后紀卓乃置弘農王於閣上

至王薨歸鄉里侯康曰御覽九十二

引英雄記云置王閣上薦之以棘召王太傅責之曰弘農王病困何故不白遂遣兵迫守太醫致藥即日王及妃唐氏皆薨今紀明載唐姬潁川人王薨歸鄉里則謂妃與王同日薨者誤也

葬弘農王於故中常侍趙忠成壙中

沈銘彝曰趙岐之壽藏侯覽之壽冢與此所云成壙皆即

後世生壙壽壙也案宦者傳趙忠因與張讓等共謀殺何進為袁紹所捕斬蓋其冢宅皆沒入官

食邑五百戶

戶官本作石誤

獻帝伏皇后紀父完沈深有大度襲爵不其侯

通典後漢獻帝皇后父伏完朝賀公

廷完拜如厥臣及皇后在離宮后拜如子禮三公入座議不決鄭玄議曰春秋桓九年祭公來遂逆王后於紀九年紀季姜歸於京師嫁於天子雖己女成言曰王后明當時之尊得加父母也紀季姜歸於京師更稱其字得行禮而戒之其尊安可加父母今不其亭侯在京師禮事出入宜從臣禮若后適離宮及歸寧父母從子禮案伏湛傳建武六年徙封湛為不其侯邑三千六百戶遣就國則本縣侯也續志功大者食縣小者食鄉亭今鄭議稱完為不其亭侯則後世固已降封矣不其縣後漢既改為不期國或其國內之一鄉一亭仍存不其之名宋鄆自為不其鄉侯伏完自為不其亭侯名同而爵固殊也

六宮皆步行出營注周禮曰王后率六宮之人鄭玄注曰六宮之

人夫人以下分居后之六宮者

率原譌為年以下原譌為天皆依錢按本正官本不誤

完曰政在曹操自嫌尊戚乃上印綬

至

十四年卒

案袁紀建安十九年冬十一月

丁卯皇后伏氏廢曹操使人收后后見殺之日后父完及宗族死者百有餘人曹瞞傳亦云將后殺之完及宗族死者數百人據此紀則后見殺時完前卒已六年矣又魏志建安十九年十一月漢皇后伏氏坐昔與父故屯騎校尉完書云帝以董承被

誅怨恨公辭甚醜惡發聞后廢黜死兄弟皆伏法言坐昔與完
書言故屯騎校尉亦爲完已前卒之辭言兄弟皆伏法而不及
父亦與范合子興嗣集解官本興作典案袁紀完生五男一女長男

無名興典者

操追大怒

錢大昭曰閩本無追字

獻穆曹皇后紀以后爲山陽公夫人自後四十一年魏景初元年

薨

周壽昌曰自後四十一年案魏志爲魏主奐景元元年志載其年六月己未故漢獻帝夫人節薨此作景初誤景初乃魏

明帝紀元也

合葬禪陵車服禮儀皆依漢制集解先謙曰至先謙案

憲無薨年節安得爲后禪位之後仍是憲拜夫人置節何地顯

然謬誤所當駁正

謹案魏志建安十八年秋七月天子娉公三女爲貴人少者待年於國二十年正月天子

立公中女爲皇后是操納於天子者本有三女通鑑胡注操三

華節後立

而立爲皇后者本中女節也故范氏據以入紀袁紀

乃云操以二女爲貴人大貴人立爲皇后自係本馬彪續書之

說然陳壽作志於晉初漢魏事多所親歷目睹自較詳確可據

論曰漢世皇后無諡至

中興明帝始建光烈之稱

洪亮吉曰此本蔡邕和熹諡議

然攷前書宣帝許后已諡其哀不得謂光烈始也今案蔡議言漢世后氏無諡就常例言耳若前漢衛思后許其哀乃因皆不壽終追爲之諡自屬變例故不之數非蔡竟忘前世事也

其餘皇帝之庶母集解先謙曰官本皇作唯是

錢大昭曰閩本南監本皇均作惟

恭懷孝崇之比是也

官本恭上有如字

初平中蔡邕始正和熹之諡注蔡

邕集諡議曰

至

諡法有功安人曰熹

熹原譌爲同據蔡邕集改官本不誤

帝后一體禮

亦宜同大行皇太后諡宜爲和熹

案因帝號加諡始自光烈至累行議諡蓋又自和熹始

漢制皇女皆封縣公主儀服同列侯其尊崇者加號長公主儀服

同蕃王注蔡邕曰帝女曰公主姊妹曰長公主

沈銘彝曰帝姑曰太主見前書

東方朔傳建武十五年封武陽公主爲長公主

武陽官本同案下文皇女義王注文及注

釋均作舞陽則諸王女皆封鄉亭公主儀服同鄉亭侯

沈銘彝曰前漢

此注作武陽誤王女曰王主言王自主婚也亦曰翁主翁父也言父自主婚也

見高成二紀及各注又王吉傳漢家列侯尚公主諸侯則國人承翁主晉灼曰娶天子女則曰尚公主國人娶諸侯女曰承翁主尚承皆卑下之名也今案綜上諸說前漢王女無并封公主

之制有之當惟和親外國以翁主爲公主耳若後漢雖封有縣與鄉亭之分而概曰公主故王主翁主之名不復見於史

其後安帝桓帝妹亦封長公主同之皇女注案鄧禹玄孫少府褒

尚舞陰長公主

至

並安帝妹也

班超傳超孫始尚清河孝王女陰城公主順帝之姑亦安帝之

妹也注漏未數

皇女義王建武十五年封舞陽長公主

舞陽原作武陽誤同前注據本注改官本不誤

梁松統之子其傳云尚光武女舞陰公主

案今梁統傳作尚舞陰長公主此省長字

皇女中禮十五年封涅陽公主適顯親侯大鴻臚竇固注固竇融

子

案固乃融弟友之子自有傳不知注何以亦誤說

皇女奴三年封平陽公主

洪亮吉日馮勤傳稱平陽長公主蓋肅宗時所加下平皋公主小姬浚儀公主

仲鄧禹王霸傳皆稱長公主與此同

注平陽縣屬河東郡

今平陽府臨汾縣西南

皇女致三年封沁水公主

錢大昭曰五行志作長公主

皇女仲十七年封浚儀公主適軼侯注軼志作軼音伏師古曰又

音徒糸反

案此章懷據前書地理志文注訂誤也軼乃軼之譌

音而世俗相承从犬今王霸傳仍作軼侯是其證也章懷本欲訂从犬之誤故引前志兼及孟顏二音以正其讀以爲音定則所从自定不虞後來寫官仍以从犬者爲正字反別增造一从央不經之軼字以當本字又因从犬而譌汰音爲伏音展轉承譌晚近字書亦遂據以加入官本但正軼字之不當从犬而於軼字疑以傳疑亦姑從蓋闕矣然前志具在不難覆案且从央之字何由得有伏音要亦易辨也

皇女小民元年封成安公主注成安縣屬潁川郡

案前志成安有二屬潁川郡者

爲侯國屬陳雷郡者乃爲縣後漢皆已省

皇女王四年封平邑公主適黃門侍郎馮由

由卽馮順之子勤之孫也平邑勤傳作平

安傳注引東觀記又作安平

皇女利元年封臨潁公主適卽墨侍中賈建注建賈參子復之曾

孫

據復傳建尙主在安帝元初元年主於安帝爲姊妹故傳稱長公主

靈帝一女

一原作三據錢校改官本不誤案後漢縣公主不附此紀者如光武姊妹湖陽新野寧平三長公主安帝諸妹舞陰濮陽

涅陽平氏陰城五長公主桓帝姊妹長社益陽二長公主均以
本非皇女不入質帝靈帝之由外藩入繼有同安桓史不言其
有姊妹當由無可考見他如竇穆之尚內黃公主伏晨之尚高
平公主傳記均不系何帝則其不入亦必本非皇女也惟獻帝
皇女有幾此紀乃全闕蓋自蔡邕被禍後東觀失記如靈帝女
萬年公主已不能詳其名况獻帝女耶故無所據以書也然魏
志述甄后言山陽公奉二女以嬪於魏又御覽三百八十九引
三輔決錄竇叔高名元爲上郡計吏朝會數百人儀狀絕眾天
子異之詔以公主妻之叔高時已自有妻不敢以聞方欲迎婦
與訣未發而詔召叔高就婚藝文類聚三十亦云後漢竇
元形貌絕異天子以公主妻之趙岐之成決錄在獻帝西遷之
後此條言稱天子與魏志述操事稱獻帝爲天子略同則竇元
所尚公主疑亦獻帝皇女之一但其封邑與名皆無
可考矣至歐陽詢之纂類聚則又轉載漢人記述耳

劉玄劉盆子列傳第一

後漢書十一

宋

宣

城

太

守范

曄撰

唐

章

懷

太

子

賢注

王先謙集解

劉玄字聖公光武族兄也

爾雅曰族父之子相謂為族昆弟帝王紀曰春陵戴侯熊渠生蒼梧太守利

生子張納平林何氏女生更始

弟為人所殺聖公結客欲報之客犯法

續漢書曰時聖公聚

客家有酒請游徼飲賓客醉歌言朝亭兩都尉游徼後來用調羹味游徼大怒縛捶數百

聖公避吏於平林吏

繫聖公父子張聖公詐死使人持喪歸春陵吏乃出子張聖公因

自逃匿王莽末南方飢饉人庶羣入野澤掘鳧苳而食之

爾雅曰苳鳧苳

郭璞曰生下田中苗似龍鬚而細根如指頭黑色可食苳音胡了反鳧苳續漢書作符訾集解先謙曰官本食之下有更相侵奪四

字此脫東

觀記亦有新市人王匡王鳳為平理諍訟

集解胡三省曰諍與爭同晉王沈釋時論闢茸

勇敢於鬻諍叶韻平聲惠棟曰諍爭字通見唐扶頌

遂推為渠帥

集解惠棟曰孔

眾數百人

於是諸亡命馬武王常成丹等往從之共攻離鄉聚藏於綠林中

離鄉聚謂諸鄉聚離散去城郭遠者大曰鄉小曰聚前書曰收合

離鄉置大城中卽其義也綠林山在今荊州當陽縣東北也集解

萬承蒼曰離鄉乃聚名若南陽之夕陽聚南郡之藍口聚丹陽聚皆

是也郡國志於南新市侯國下注案本傳有離鄉聚綠林山則離

鄉聚與綠林均爲地名可知章懷注非惠棟曰李吉甫云山在荊

門軍當陽縣東南百二十里歐陽忞云卽當陽長坂也曹操追劉

備而張飛數月間人七八千人集解先謙曰官本上人地皇二年

拒之於此王莽史闕荊州牧某名也發奔命二萬人攻之匡等相率迎擊於雲杜

雲杜縣名屬江夏郡故城在今復州沔陽縣大破牧軍殺數千人

西北集解先謙曰今漢陽府沔陽州西北盡獲輜重續漢書曰牧欲北歸隨武等復遮擊之鈞牧車屏泥刺

殺其驂乘然不敢殺牧也集解劉攽曰案馬謂之驂人

謂之參乘只合用參字惠棟曰春秋宣二遂攻拔竟陵縣名屬江

年傳使其驂乘謂之曰云云不必改作參夏郡故城

在今郢州長壽縣南集解先轉擊雲杜安陸安陸郡屬江夏郡今

謙曰今德安府天門縣西北日官本注上郡作縣是今德安府之安陸雲

夢應城漢陽府之孝感黃陂皆漢安陸地多略婦女還入綠林

中至有五萬餘口州郡不能制三年大疾疫死者且半乃各分散

引去王常成丹西入南郡號下江兵王匡王鳳馬武及其支黨朱

鮪張卬等

續漢書卬作卬集解通鑑考異云司馬彪續漢書卬作印袁宏後漢紀作斤皆誤宜從范史史炤釋文曰卬音

魚央反

北入南陽號新市兵皆自稱將軍七月匡等進攻隨未能下

隨縣屬南陽郡今隨州縣集

平林人陳牧廖湛

廖音力弔反集解先謙曰平林鄉在

今隨州東北八十里

復聚眾千餘人號平林兵呂應之聖公因往從牧等爲

其軍安集掾

欲其安集軍眾故權以爲官名

是時光武及兄伯升亦起春陵與諸

部合兵而進四年正月破王莽前隊大夫甄阜屬正梁丘賜斬之

號聖公爲更始將軍眾雖多而無所統一諸將遂共議立更始爲

天子二月辛巳設壇場於清水上沙中

集解惠棟曰水經注清水出宏農盧氏縣攻離山東

南過南陽西鄂縣西北又東過宛縣南諸將立聖公于斯水之上

陳兵大會更始卽帝位南面立

朝羣臣素懦弱羞愧流汗舉手不能言於是大赦天下建元曰更

始元年

集解惠棟曰東觀記聖公號更始將軍自破甄阜等眾庶來降十餘萬將立劉氏南陽英雄皆歸望於伯升漢兵

以新市平林爲本其將帥素習聖公因欲立之而朱鮪等立壇城南消水上詣伯升呂植通禮經爲謁者將立聖公爲天子議以示諸將馬武王匡以爲王莽未滅不如且稱王張卬拔劍擊地曰稱天公尙可稱天子何謂不可於是諸將起與聖公至於壇所奉通天冠進聖公於是聖公乃拜冠南面而立改元爲更始元年 悉拜置諸將呂族父良爲國三老

王匡爲定國上公王鳳成國上公朱鮪大司馬伯升大司徒陳牧

大司空餘皆九卿將軍

集解胡三省曰匡鳳皆位上公而加定國成國美號也九卿將軍職爲九卿各帶將

軍之號仍王莽之制也

五月伯升拔宛六月更始入都宛城盡封宗室及諸

將爲列侯者百餘人更始忌伯升威名遂誅之呂光祿勳劉賜爲

大司徒

集解胡三省曰賜與更始同祖蒼梧太守利

前鍾武侯劉望起兵略有汝南

集解

通鑑考異曰王莽傳作劉聖胡三省曰王子侯表鍾武侯節侯度長沙定王之孫成帝元延二年侯則紹封其後不見或者望乃則之子歟鍾武在義陽郡界水經注師水過義陽郡城東逕鍾武故城南鍾武縣名屬江夏郡零陵亦有鍾武非此時王莽納

言將軍嚴尤秩宗將軍陳茂旣敗於昆陽往歸之八月望遂自立

爲天子呂尤爲大司馬茂爲丞相王莽使太師王匡國將哀章等洛

陽風俗通曰哀姓魯哀公之後因謚曰爲姓集解惠棟曰前書云章廣漢梓潼人學問長安素無行好爲大言考異曰袁紀作襄

章誤更始遣定國上公王匡攻洛陽西屏大將軍申屠建丞相司直

李松攻武關集解胡三省曰李松通之從弟三輔震動是時海內豪傑翕然響應

皆殺其牧守自稱將軍用漢年號以待詔命旬月之間徧於天下

長安中起兵攻未央宮九月東海人公賓就斬王莽於漸臺風俗通曰

公賓姓也魯大夫公賓庚之後漸臺太液池中臺也爲水所漸潤故以爲名集解惠棟曰論衡云漢誅王莽兵頓昆陽死者萬數軍

至漸臺血流沒趾前書云商人杜吳殺莽校尉東海公賓就故大行治禮見吳問綬主所在曰室中西北隅間就識斬莽首持詣王

憲東觀記云杜虔殺莽於漸臺東海公賓就得其首傳詣宛封滑侯孫恂云公賓複姓左傳魯有公賓庚收璽綬傳首

口詣宛更始時在便坐黃堂取視之喜曰莽不如是當與霍光等

寵姬韓夫人笑曰若不如是帝焉得之乎更始悅乃懸莽首於宛

城市是月拔洛陽生縛王匡哀章至皆斬之十月使奮威大將軍

劉信集解胡三省曰信大司徒賜兄顯之子擊殺劉望於汝南并誅嚴尤陳茂更始

遂北都洛陽曰劉賜爲丞相申屠建李松自長安傳送乘輿服御

又遣中黃門從官奉迎遷都二年二月更始自洛陽而西

集解先謙曰東

觀記云關中咸想望天子更始遂西發維陽

初發李松奉引馬驚奔觸北宮鐵柱門三

馬皆死

續漢書曰馬禍也時更始失道將亡之徵

初王莽敗唯未央宮被焚而已其餘

宮館一無所毀宮女數千備列後庭自鍾鼓帷帳輿輦器服太倉

武庫官府市里不改於舊更始既至居長樂宮升前殿郎吏曰次

列庭中更始羞怍俛首刮席不敢視

怍顏色變也俛俯也集解惠棟曰王幼學云刮摩也正義

云言羞怍而俯首至於坐席劉子元云聖公身在微賤已能結客報仇避難綠林名曰豪傑安有貴爲人主而反至於斯者乎將作者曲筆阿時獨成光武之美諛言媚主用雪伯升之怨也且中興之史出於東觀或明帝所定或馬后所刊而炎祚靈長簡書莫改遂使他姓追撰空傳僞錄者矣諸將後至者更始問虜掠得幾何左右侍官皆宮

省久吏各驚相視

集解先謙曰東觀記云更始愧慙俯刮席與小常侍語郎吏怪之

李松與棘陽

人趙萌說更始宜悉王諸功臣朱鮪爭之曰爲高祖約非劉氏不

王更始乃先封宗室太常將軍劉祉爲定陶王劉賜爲宛王劉慶

爲燕王劉歛爲元氏王大將軍劉嘉爲漢中王劉信爲汝陰王集解

胡三省曰社春陵康侯傲之子太宗也慶傲之弟嘉傲之弟子歛更始之叔父後遂立王匡爲比陽王王

鳳爲宜城王朱鮪爲膠東王衛尉大將軍張卬爲淮陽王廷尉大

將軍王常爲鄧王執金吾大將軍廖湛爲穰王申屠建爲平氏王

尙書胡殷爲隨王柱天大將軍李通爲西平王西平縣屬汝南郡故城在今豫州鄧

城縣南也集解先謙曰今汝寧府西平縣西五威中郎將李軼爲舞陽王水衡大將軍

成丹爲襄邑王大司空陳牧爲陰平王陰平縣屬廣漢國集解先謙曰今階州文縣西北

驃騎大將軍宋佻爲潁陰王集解惠棟曰光武紀及通鑑皆作宗佻尹尊爲郾王唯

朱鮪辭曰臣非劉宗不敢干典遂讓不受乃徙鮪爲左大司馬劉

賜爲前大司馬使與李軼李通王常等鎮撫關東集解惠棟曰通鑑云朱鮪劉賜

與李軼等鎮撫關東又使李通鎮荊州王常行南陽太守事呂李松爲丞相趙萌爲右大司馬

其秉內任更始納趙萌女爲夫人有寵遂委政於萌日夜與婦人飲讌後庭羣臣欲言事輒醉不能見時不得已乃令侍中坐帷內

與語諸將識非更始聲出皆怨曰成敗未可知遽自縱放若此韓

夫人尤嗜酒每侍宴集解先謙曰官本宴作飲東觀記同見常侍奏事輒怒曰帝方

對我飲正用此時持事來乎起抵破書案抵擊也趙萌專權威福自

己郎吏有說萌放縱者更始怒拔劍擊之自是無復敢言萌私忿

侍中引下斬之更始救請不從集解惠棟曰東觀記趙萌以私事

大司馬縱之萌曰臣不受詔遂斬之摔才骨反時李軼朱鮪擅命山東王匡張卬橫暴三

輔其所授官爵者皆羣小賈豎或有膳夫庖人集解惠棟曰東觀記更始在長安官

爵多羣小里閭語曰使兒居市決作者不能得備之市空返問何

故曰今日騎都尉往會日也由是四方不復信向京師三輔舊事

云更始遣將軍李松攻王莽屠兒賣餅者皆從之屠兒杜虞手殺莽故其時所授官爵皆屠沽之輩也多著繡面衣

錦袴襜褕諸于罵詈道中

襜褕諸于見光武紀續漢志曰時智者見之以爲服之不中身之災也乃奔入

邊郡避之是服妖也其後爲赤眉所殺也長安爲之語曰竈下養中郎將爛羊胃騎都

尉爛羊頭關內侯公羊傳曰炊亨爲養集解惠棟曰張超謂青衣賦云或於馬廐厨門竈下何休公羊註曰炊烹

者曰養王幼學云養去聲前書倪寬爲弟子都養注云養造食軍帥將軍豫章李淑上書諫曰集解

劉攽曰案是時多置軍師鄧禹傳亦作軍師將軍此當作師方今賊寇始誅王化未行百官有

司宜慎其任夫三公上應台宿九卿下括河海春秋漢含孽曰三公在天爲三台九

卿爲北斗故三公象五嶽九卿下河海二十七大夫法山陵八十一元士法谷阜合爲帝佐以匡綱紀集解先謙曰官本注下作法

是初學記十二御覽二百二十八引謝承書台宿作垣宿故天工人其代之陛下定業雖因下

江平林之執斯蓋臨時濟用不可施之旣安宜釐改制度更延英

俊因才授爵呂匡王國今公卿大位莫非戎陳尙書顯官皆出庸

伍資亭長賊捕之用漢法十里一亭亭上一長捕賊掾專捕盜賊也集解劉攽曰注捕賊掾案前書合作賊捕

掾先謙曰官本注上作置是而當輔佐綱維之任唯名與器聖人所重今呂所

重加非其人望其毗益萬分興化致理譬猶緣木求魚升山採珠

求之非所不可得也孟子對梁惠王曰以若所爲求若所欲猶緣木求魚也集解周壽昌曰注梁惠當作齊宣海內望此

有呂闕度漢祚臣非有憎疾呂求進也但爲陛下惜此舉厝敗材

傷錦所宜至慮

孟子謂齊宣王曰爲巨室則必使工師求大木工師得大木則王喜以爲能勝其任也匠人斲而小

之則王怒以爲不勝其任矣左傳子產謂子皮曰子有美錦不使人學製焉大官大邑身之所庇而使學者製焉其爲美錦不亦重乎未嘗操刀而使惟割旣往謬妄之失思隆周文濟濟之美割絕也詩

大雅曰濟濟多士文王以寧

更始怒繫淑詔獄自是關中離心四方怨叛諸將

出征各自專置牧守州郡交錯不知所從十二月赤眉西入關三

年正月平陵人方望立前孺子劉嬰爲天子初望見更始政亂度

其必敗謂安陵人弓林等曰

集解胡三省曰姓譜云弓魯大夫叔弓之後又孔子弟子有仲弓又有駟

臂子前定安公嬰平帝之嗣雖王莽篡奪而嘗爲漢主今皆云劉

氏眞人當更受命欲其定大功何如林等然之乃於長安求得嬰

將至臨涇立之

今涇州縣也集解先謙曰今涇州鎮原縣西二里

聚黨數千人望爲丞相

林爲大司馬更始遣李松與討難將軍蘇茂等擊破皆斬之又使蘇茂拒赤眉於弘農茂軍敗死者千餘人三月遣李松會朱鮪與

赤眉戰於務鄉

務音莫老反字林云毒草也。因以爲地名。續漢志弘農有務鄉。東觀記曰徐宣樊崇等入至弘農。枯

縱山下與更始將軍蘇茂戰。崇北至務鄉。轉至湖湖。卽湖城縣也。以此而言其務蓋在今魏州湖城縣之間。集解王補曰其務通鑑

注作其地是

松等大敗棄軍走死者三萬餘人時王匡張卬守河東爲

鄧禹所破還奔長安卬與諸將議曰赤眉近在鄭華陰間旦暮且

至今獨有長安見滅不久不如勒兵掠城中卬自富轉攻所在東

歸南陽收宛王等兵

集解先謙曰謂劉賜時蓋在南陽

事若不集復入湖池中爲

盜耳申屠建廖湛等皆曰爲然其人說更始更始怒不應莫敢復

言及赤眉立劉盆子更始使王匡陳牧成丹趙萌屯新豐李松軍

撤卬拒之

撤音子侯反續漢志曰新豐有鴻門亭撤城卽此也

張卬廖湛胡殷申屠建等與

御史大夫隗囂合謀欲卬立秋日羆腹時共劫更始

前書音義曰羆獸以立秋

日祭獸王者亦此日出獵用祭宗廟冀州北郡以八月朝作飲食
爲臚其俗語曰臚臘社伏軀音丑于反臚音婁集解惠棟曰袁宏
紀申屠建等勸更始讓帝位更始不應建等謀劫之也先謙曰此
時赤眉未至光武初起亦不在張卬等意計中欲更始讓位何人
袁紀 俱成前計侍中劉能卿知其謀目告之更始託病不出召張
謬也

卬等卬等皆入將悉誅之惟隗囂不至更始狐疑使卬等四人且
待於外廬卬與湛殷疑有變遂突出獨申屠建在更始斬之卬與
湛殷遂勒兵掠東西市昏時燒門入戰於宮中更始大敗明日將
妻子車騎百餘東奔趙萌於新豐更始復疑王匡陳牧成丹與張
卬等同謀乃並召入牧丹先至卽斬之

集解錢大昕曰鄧禹傳言更始諸將王匡胡殷成丹

等皆詣宗廣降則丹未嘗斬也二傳必有一誤

王匡懼將兵入長安與張卬等合李松還

從更始與趙萌共攻匡卬於城內連戰月餘匡等敗走更始徙居

長信宮

三輔黃圖曰從洛門至周廟門有長信宮在其中

赤眉至高陵匡等迎降之遂共

連兵而進更始城守使李松出戰敗死者二千餘人赤眉生得松

時松弟汎爲城門校尉赤眉使使謂之曰開城門活汝兄汎卽開

門九月赤眉入城更始單騎走從厨城門出

三輔黃圖曰洛城門王莽改曰建子門其

內有長安厨官俗名之爲厨城門今長安故城北面之中門是也

諸婦女從後連呼曰陛下當下

謝城更始卽下拜復上馬去初侍中劉棻以赤眉立其弟盆子自

繫詔獄聞更始敗乃出步從至高陵止傳舍

集解惠棟曰謝承書云棻從獄中出參械

出街中逢京兆尹解暉呼解君載我我更始之忠臣也卽帝敗我弟又爲赤眉所立暉使後車載之前行見定陶王劉祉解其械言帝在渭中船上右輔都尉嚴本

本或作平或作丕集解惠棟曰前書有陽陵嚴本

恐失更

始爲赤眉所誅將兵在外號爲屯衛而實囚之

集解王補曰光武紀九月赤眉入長

安更始奔高陵辛未詔封更始爲淮陽王吏民有敢賊害者罪同大逆此東都一代君臣大義瞭然之本也范史旣著其事於紀中而此傳並不一及非略也紀傳體異此史法之所係也赤眉下書曰聖公降者封長沙王過

二十日勿受更始遣劉棻請降赤眉使其將謝祿往受之十月更

始遂隨祿肉袒詣長樂宮上璽綬於盆子赤眉坐更始置庭中將

殺之劉恭謝祿爲請不能得遂引更始出劉恭追呼曰臣誠力極請得先死拔劍欲自刎赤眉帥樊崇等遽共救止之乃赦更始封

爲畏威侯劉恭復爲固請竟得封長沙王更始常依謝祿居劉恭

亦擁護之三輔苦赤眉暴虐皆憐更始而張卬等曰爲慮

集解胡三省曰

卬等攻更始恐其得位而禍及己故深以爲慮也謂祿曰今諸營長多欲篡聖公者一旦

失之合兵攻公自滅之道也於是祿使從兵與更始共牧馬於郊

下因令縊殺之劉恭夜往收藏其屍光武聞而傷焉詔大司徒鄧

禹葬之於霸陵有三子求歆鯉明年夏求兄弟與母東詣洛陽帝

封求爲襄邑侯奉更始祀歆爲穀孰侯鯉爲壽光侯求後徙封咸

陽侯求卒子巡嗣復徙封灌澤侯

襄邑卽春秋襄牛地也今爲縣在宋州西穀孰縣屬梁國在宋

州東南壽光縣屬北海郡今青州縣也灌澤縣今澤州縣故曰徙

封集解錢大昕曰灌澤當爲灌澤先謙曰襄邑今歸德府睢州西

二里穀孰在歸德府商邱縣東南壽光今

青州府縣灌澤在今澤州府陽城縣西

巡卒子姚嗣

集解王補曰劉氏史

通編次篇云更始升壇改元寒暑三易世祖稱臣北面臣節不虧
既而兵敗長安祚歸高邑兄亡弟及歷數相承作者乃抑聖公於
傳內登文叔於紀首事等躋僖位先不畜夫東觀秉筆容或諂於
當時後來所修理當刊革者也又稱謂篇更始中興漢室光武所
臣雖得業不成而歷數終在班范二史皆以劉元爲目不刪其慢
乎補案劉氏所說與張衡胎合實爲通鑑綱目二書之先導故鄙
見亦以立
傳爲未安

論曰周武王觀兵孟津退而還師以爲紂未可伐斯時有未至者

也

史記曰武王卽位太公望爲師周公旦爲輔召公畢公之徒左
右王師東觀兵孟津時諸侯不期而會者八百皆曰紂可伐矣

武王曰未
可乃還師漢起驅輕黠烏合之眾

輕黠謂輕銳桀黠也烏
合如烏鳥之羣合也

不當天

下萬分之一而旌旃之所擄及

擄與
麾同

書文之所通被莫不折戈頓

顙爭受職命非唯漢人餘思固亦幾運之會也夫爲權首鮮或不

及

左傳曰無始禍前書曰
無爲權首將受其咎

陳項且猶未興況庸庸者乎

劉盆子者太山式人

式縣名中興縣廢集解先謙曰前志式泰山
縣續志分置濟北皆無式而有成或由形近

致譎成在今寧陽縣
北式究不知何在

城陽景王章之後也

章高帝孫
朱虛侯也

祖父憲元帝

時封爲式侯父萌嗣王莽篡位國除因爲式人焉天鳳元年琅邪

海曲有呂母者子爲縣吏犯小罪宰論殺之

海曲縣名故城在密州莒縣東續漢書曰

呂母子名育爲游徼犯罪也集解先謙曰海曲當作海西辨詳前志然此字誤久今沂州府日照縣西十里

呂母怨宰

密聚客規以報仇母家素豐貲產數百萬乃益釀醇酒買刀劍衣

服少年來酤者皆賒與之視其乏者輒假衣裳不問多少數年財

用稍盡少年欲相與償之呂母垂泣曰所以厚諸君者非欲求利

徒以縣宰不道枉殺吾子欲爲報怨耳諸君寧肯哀之乎少年壯

其意又素受恩皆許諾其中勇士自號猛虎遂相聚得數十百人

東觀記曰賓客徐次子等自號猛虎猛音於責反力可猛虎言其勇也今爲猛字猛與猛相類也

因與呂母入海

中招合亡命

集解惠棟曰李吉甫云今東海有呂母固卽舊集之所也樂史云呂母固在東海縣北三十七里巨平山

南嶺上高二里呂母還海中保此以爲固遂號呂母固先謙曰呂母固在今日照縣南

眾至數千呂母自稱

將軍引兵還攻破海曲執縣宰諸吏叩頭爲宰請母曰吾子犯小

罪不當死而爲宰所殺殺人當死又何請乎集解先謙曰官本何作可義並通遂

斬之以其首祭子冢復還海中後數歲琅邪人樊崇起兵於莒東觀

記曰樊崇字細君集解惠棟曰袁山松書及東觀記皆云天鳳五年事前書曰赤眉力子都樊崇等先謙曰今沂州府莒州治

百餘人轉入太山自號三老集解惠棟曰水經注云徂徠山亦曰尤峽山赤眉渠帥樊崇所保也故崇

自號尤時青徐大饑寇賊蜂起羣盜以崇勇猛皆附之一歲間至

萬餘人崇同郡人逢安東海人徐宣謝祿楊音東觀記曰逢音龐安字少子東莞人

也徐宣字驕穉謝祿字子奇皆東海臨沂人也集解劉攽曰案逢字從彖音龐字自從彖非借逢爲龐音此傳內皆誤先謙曰官本

作逢各起兵合數萬人復引從崇其還攻莒不能下轉掠至姑幕

不誤姑幕縣名故城在今密州莒縣東北古薄姑氏之國集解先謙曰今青州府諸城縣西南五十里因擊王莽探湯

侯田況大破之王莽改北海益縣曰探湯殺萬餘人遂北入青州所過虜掠還

至太山留屯南城南城縣屬東海郡有南城山因以爲名也集解先謙曰今沂州府費縣西南九十里初崇

等以困窮爲寇無攻城徇地之計眾既寢盛乃相與爲約殺人者

死傷人者償創以言辭爲約束無文書旌旗部曲號令其中最尊

者號三老次從事次卒吏汎相稱曰臣人

集解劉攽曰案三老從事卒史皆是漢小吏名

或鄉官也赤眉之起不知自名官府取耳目所熟者爲稱呼故有此號後人不曉誤以史爲吏字卒吏絕無義理當改爲卒史又案

前書言盜賊亶稱巨人今此爲臣人亦誤也當作巨

王莽遣平均公廉丹太師王匡擊之崇

等欲戰恐其眾與莽兵亂乃皆朱其眉呂相識別

集解惠棟曰集覽云識與誌同

記也別異也

由是號曰赤眉

集解王補曰通鑑此下有匡丹合將銳士十餘萬人所過放縱東方爲之說曰寧逢

赤眉不逢太師太師尙可更始殺我

赤眉遂大破丹匡軍殺萬餘人追至無鹽

無鹽縣名

故城在今鄆州須昌縣東集解先謙曰今泰安府東平州東二十里

廉丹戰死王匡走

集解惠棟曰前書赤眉別

校董憲等數萬人在梁郡王匡進擊之廉丹隨之合戰成昌兵敗匡走丹使吏持其印綬符節付匡曰小兒可走吾不可遂止戰死

崇又引其兵十餘萬復還圍莒數月或說崇曰莒父母之國奈何

攻之乃解去

集解汪文臺曰御覽八百十八引袁山松書云莒人出縑千匹以自贖乃散去

時呂母病死

其眾分入赤眉青犢銅馬中赤眉遂寇東海與王莽沂平大尹

王莽

改東海郡曰沂平以郡守爲大尹

戰敗死者數千人乃引去掠楚沛汝南潁川還

入陳留攻拔魯城轉至濮陽會更始都洛陽遣使降崇崇等聞漢

室復興卽留其兵自將渠帥二十餘人隨使者至洛陽降更始皆

封爲列侯崇等旣未有國邑而留眾稍有離叛乃遂亡歸其營將

兵入潁川分其眾爲二部崇與逢安爲一部徐宣謝祿楊音爲一

部崇安攻拔長社南擊宛斬縣令而宣祿等亦拔陽翟引之梁

州梁縣也集解先謙曰今汝州東汝水南

擊殺河南太守赤眉眾雖數戰勝而疲敝厭

兵

厭

皆日夜愁泣思欲東歸崇等計議慮眾東向必散不如西攻

長安更始二年冬崇安自武關宣等從陸渾關

武關在今商州上洛縣東河圖括地

象曰武關山爲地門上爲天齊星前書曰陸渾縣有關在今洛州伊闕縣西南集解先謙曰武關今商州東一百八十五里陸渾關

今河南府嵩縣北舊志七十里

兩道俱入三年正月俱至弘農與更始諸將連戰

剋勝眾遂大集乃分萬人爲一營凡三十營營置三老從事各一

人進至華陰軍中常有齊巫

集解胡三省曰齊巫齊國之巫

鼓舞祠城陽景王曰

求福助

以其定諸呂安社稷故郡國多爲立祠焉益子承其後故軍中祠之集解惠棟曰沈約云漢時城陽國人以劉章有

功於漢爲之立祠青州諸郡轉相放效濟南尤盛

巫狂言景王大怒曰當爲縣官何故爲

賊

縣官謂天子也

有笑巫者輒病軍中驚動時方望弟陽怨更始殺其兄

乃逆說崇等曰更始荒亂政令不行故使將軍得至於此今將軍

擁百萬之眾西向帝城而無稱號名爲羣賊不可已久不如立宗

室挾義誅伐曰此號令誰敢不服崇等曰爲然而巫言益甚前及鄭

今華州縣集解先謙曰今同州府華州北

乃相與議曰今迫近長安而鬼神如此當求

劉氏共尊立之六月遂立益子爲帝自號建世元年初赤眉過式

掠益子及二兄恭茂皆在軍中恭少習尙書略通大義及隨崇等

降更始卽封爲式侯曰明經數言事拜侍中從更始在長安益子

與茂留軍中屬右校卒吏劉俠卿

集解劉攽曰案吏當爲史說竝見上惠棟曰袁山松書作仲卿

同下主芻牧牛號曰牛吏及崇等欲立帝求軍中景王後者得七十餘

人唯盆子與茂及前西安侯劉孝最爲近屬崇等議曰聞古天子

將兵稱上將軍乃書札爲符曰上將軍又曰兩空札置笥中札簡也笥

篋也遂於鄭北設壇場祠城陽景王諸三老從事皆大會陛下王補

曰陛下即階下非誤也官本及鄭氏通志皆然列盆子等三人居中立曰年次探札盆子

最幼後探得符諸將乃皆稱臣拜盆子時年十五被髮徒跣敝衣

赭汗集解惠棟曰王幼學云赭汗面赤而流汗惶懼之意見眾拜恐畏欲啼茂謂曰善藏符

盆子即齧折弃之集解惠棟曰王幼學云齧折以口嚼齧以手屈折復還依俠卿俠卿爲

制絳單衣半頭赤幘幘巾所以覆髻也續漢書曰童子幘無屋示未成人也半頭幘即空頂幘也其上無屋故

以爲名董仲舒繁露曰曰赤統者幘尚赤盆子承漢統故用赤也東宮故事曰太子有空頂幘一枚即半頭幘之製也集解惠棟曰

東宮故事直綦履綦履文也蓋直刺其文曰爲飾也乘軒車大馬赤屏泥赤屏泥謂曰緹

油屏泥絳檐絡檐帷也車上施帷曰屏蔽者交絡之曰爲飾而猶

於軾前續漢志曰王公列侯安車加交絡帷裳也

從牧兒遨崇雖起勇力而爲眾所宗然不知書數徐宣故縣獄吏能通易經遂共推宣爲丞相崇御史大夫逢安左大司馬謝祿右

大司馬自楊音曰下皆爲列卿軍及高陵與更始叛將張卬等連

和遂攻東都門

三輔黃圖曰宣平門長安城東面北頭第一門也其外郭門名東都門

入長安城更

始來降盆子居長樂宮諸將日會論功爭言謹呼

謹誦也謹音火完反

拔劍

擊柱

集解惠棟曰袁山松書云赤眉諸將自言欲爲某王欲得某官爭言號呼拔劍擊柱

不能相一三輔郡

縣營長遣使貢獻兵士輒剽奪之

剽劫也

又數虜暴吏民百姓保壁

由是皆復固守至臘日崇等乃設樂大會盆子坐正殿中黃門持

兵在後公卿皆列坐殿上酒未行其中一人出刀筆書謁欲賀

古者

記事書於簡冊謬誤者以刀削而除之故曰刀筆

其餘不知書者起往請之

請其書己名也

各各

屯聚更相背向大司農楊音按劍罵曰諸卿皆老傭也今日設君

臣之禮反更殺亂

肴亦亂也集解先謙曰官本注肴作殺是

兒戲尙不如此皆可格殺

相拒而殺之曰格

更相辯鬪而兵眾遂各踰宮斬關入掠酒肉互相殺傷

衛尉諸葛穉聞之勒兵入格殺百餘人乃定盆子惶恐日夜啼泣

獨與中黃門共臥起唯得上觀閣而不聞外事時掖庭中宮女猶

有數百千人自更始敗後幽閉殿門掘庭中蘆菴根

爾雅曰蒹蘆菴音步北反

菴字或作菴

捕池魚而食之死者因相埋於宮中有故祠甘泉樂人尙

共擊鼓舞衣服鮮明

甘泉宮有祭祠之所樂人謂掌祭天之樂者也

見盆子叩頭言飢

盆子使中黃門稟之米人數斗

集解先謙曰御覽四百八十六引袁山松書米人數斗作粟數升

後盆子去皆餓死不出劉棻見赤眉眾亂知其必敗自恐兄弟俱

禍密教盆子歸璽綬習爲辭讓之言建武二年正月朔崇等大會

劉棻先曰諸君共立棻弟爲帝德誠深厚立且一年肴亂日甚誠

不足曰相成恐死而無所益願得退爲庶人更求賢知唯諸君省

察崇等謝曰此皆崇等罪也棻復固請或曰此寧式侯事耶

劉棻爲式

侯言眾立天子非恭所預

恭惶恐起去盆子乃下牀解璽綬叩頭曰今設置縣

官而爲賊如故吏人貢獻輒見剽劫流聞四方莫不怨恨不復信

向此皆立非其人所致願乞骸骨避賢聖必欲殺盆子以塞責者

無所離死

離避也

誠冀諸君肯哀憐之耳因涕泣噓唏

唏與歔同

崇等及

會者數百人莫不哀憐之乃皆避席頓首曰臣無狀負陛下請自

今已後不敢復放縱因共抱持盆子帶曰璽綬盆子號呼不得已

既罷出各閉營自守三輔翕然稱天子聰明百姓爭還長安市里

且滿得二十餘日

集解王補曰袁紀通鑑並作後二十餘日是

赤眉貪財物復出大掠

城中糧食盡遂收載珍寶因大縱火燒宮室引兵而西過祠南郊

車甲兵馬最爲猛盛眾號百萬盆子乘王車駕三馬

續漢志曰王車朱班輪青

蓋左右駢駕三馬

從數百騎乃自南山轉掠城邑與更始將軍嚴春戰於

郿破春殺之遂入安定北地至陽城番須中

集解先謙曰來歙傳伐山開道從番須回

中徑至洛陽東觀記作自安民縣之陽城從番須回中伐樹木開
山道至洛陽是陽城乃安民縣地與番須相近而檢覈地志與番
須近者無安民縣名疑有誤字番須在安定郡或
是安定郡之安定縣而譌爲安民耳存俟再考
逢大雪坑谷皆

滿士多凍死乃復還發掘諸陵取其寶貨遂汗辱呂后屍凡賊所

發有玉匣殮者率皆如生

漢儀注曰自腰以下以玉爲札長尺廣一寸半爲匣下至足綴以黃金縷謂之

爲玉匣也集解先謙曰官本注一寸作二寸

故赤眉得多行姪穢大司徒鄧禹時在長

安遣兵擊之於郁夷

郁夷縣屬右扶風也集解先謙曰今鳳翔府隴州西

反爲所敗禹乃出

之雲陽九月赤眉復入長安止桂宮

長安記曰桂宮在未央宮北亦曰北宮

時漢中

賊延岑出散關屯杜陵逢安將十餘萬人擊之鄧禹曰逢安精兵

在外唯盆子與羸弱居城中乃自往攻之會謝祿救至夜戰橐街

中三輔舊事曰長安城中橐街

禹兵敗走延岑及更始將軍李寶合兵數萬人

與逢安戰於杜陵岑等大敗死者萬餘人寶遂降安而延岑收散

卒走寶乃密使人謂岑曰子努力還戰吾當於內反之表裏合執

可大破也岑卽還挑戰安等空營擊之寶從後悉拔赤眉旌幟更立己幡旗安等戰疲還營見旗幟皆白大驚亂走自投川谷死者

十餘萬

集解先謙曰御覽三百四十一引袁山松書云蘇茂與寶同降拔幟之計茂亦預焉

逢安與數千人

脫歸長安時三輔大飢人相食

集解先謙曰東觀記云黃金一斤易豆五斗

城郭皆空

白骨蔽野遺人往往聚爲營保各堅守不下赤眉虜掠無所得十二月乃引而東歸眾尙二十餘萬隨道復散光武乃遣破姦將軍

侯進等屯新安建威大將軍耿弇等屯宜陽分爲二道以要其還

路敕諸將曰賊若東走可引宜陽兵會新安賊若南走可引新安

兵會宜陽明年正月鄧禹自河北度擊赤眉於湖

湖縣故城在今虢州湖城縣西

南集解先謙曰今陝州閿鄉縣東四十里

禹復敗走赤眉遂出關南向征西大將軍馮

異破之於峭底

卽峭坂也在今洛州永寧縣西北集解先謙曰注見光武紀

帝聞乃自將幸宜

陽盛兵已邀其走路

集解先謙曰東觀記光武作飛矢箭以攻赤眉

赤眉忽遇大軍驚震

不知所爲乃遣劉恭乞降

集解惠棟曰宜陽城東南北三面峭絕劉盆子降光武處歐陽忞云

曰盆

子將百萬眾降陛下何旨待之帝曰待汝旨不死耳樊崇乃將盆

子及丞相徐宣旨下三十餘人肉袒降上所得傳國璽綬更始七

尺寶劔及玉璧各一積兵甲宜陽城西與熊耳山齊

宜陽縣故城韓國城也在

今洛州福昌縣東酈元水經注曰洛水之北有熊耳山雙巒競舉狀同熊耳在宜陽西也集解王補曰劉氏史通盆子旣亡奔甲信多必與山比峻則未之有蓋言之甚也抑亦太誓血流漂杵之徒與補案劉說最當孟氏所謂吾於武成取二三策而已先謙曰宜陽注見

光武紀

帝令縣尉賜食眾積困餒十餘萬人皆得飽飫明旦大陳

兵馬臨洛水令盆子君臣列而觀之謂盆子曰自知當死不對曰

罪當應死猶幸上憐赦之耳帝笑曰兒大黠宗室無蚩者

釋名曰蚩癡也

又謂崇等曰得無悔降乎朕今遣卿歸營勒兵鳴鼓相攻決其勝

負不欲強相服也徐宣等叩頭曰臣等出長安東都門君臣計議

歸命聖德百姓可與樂成難與圖始故不告眾耳今日得降猶去

虎口歸慈母誠歡誠喜無所恨也帝曰卿所謂鐵中錚錚傭中佼

佼者也

說文曰錚錚金也鐵之錚錚言微有剛利也錚音初耕反佼音古巧反佼好貌也詩曰佼人僚兮今相傳云音胡巧

反言佼佼者見傭之人稍爲勝也集解惠棟曰水經注佼佼作皦皦先謙曰官本注見作凡是又曰諸卿大爲無

道所過皆夷滅老弱溺社稷汧井竈

濁音奴弔反集解先謙曰汧誤字官本作汚是

然猶

有三善攻破城邑

集解劉敞曰案文當云攻城破邑

周徧天下本故妻婦無所改

易是一善也立君能用宗室是二善也餘賊立君迫急皆持其首

降自己爲功諸卿獨完全已付朕是三善也乃令各與妻子居洛

陽賜宅人一區田二頃其夏樊崇逢安謀反誅死楊音在長安時

遇趙王良有恩賜爵關內侯與徐宣俱歸鄉里卒於家劉恭爲更

始報殺謝祿自繫獄赦不誅帝憐益子賞賜甚厚已爲趙王郎中

集解胡三省曰趙王良帝叔父也以益子爲其國郎中

後病失明賜滎陽均輸官地已爲列

肆均輸官名屬司農肆市列也桓寬鹽鐵論云郡國諸侯各以其方物貢輸往來物多苦惡不償其費故郡國置輸官以相紹運故

曰均

輸使食其稅終身

十一

錄

欽定四庫全書

贊曰聖公靡聞假我風雲

易曰雲從龍風從虎聖人作而萬物覩假借也言聖公初起無所聞知借我中

興風雲之便

始順歸厯終然崩分赤眉阻亂

阻恃也

盆子探符雖盜皇器

皇器猶神器謂天位也

乃食均輸

劉玄劉盆子列傳第十一

終

後漢書十一

後漢書集解卷十一 校補

劉玄傳及其支黨朱鮪張卬等北入南陽號新市兵

張熲曰王常傳卬與王常

成丹皆為下江兵與紀異

號聖公為更始將軍

案更始將軍王莽常以甄豐廉丹為之見前書莽傳此與立國將軍等號皆莽所新增聖

公初起用其職名及立為天子即為年號苟且無識仍是盜賊行耳宜其不終也

東海人公賓就注公賓姓也魯大夫公賓庚之後

見左氏哀公八年傳

五威中郎將李軼為舞陽王

錢大昭曰光武紀馮異耿純傳並作舞陰王今案官本此亦作舞陰袁紀

作武陰武蓋亦舞之誤

大司空陳牧為陰平王注陰平縣屬廣漢國

案前漢陰平國屬東海郡後漢改縣屬同

今兗州府嶧縣西南三十里是也又前漢陰平道屬廣漢郡後漢分屬廣漢屬國則今階州文縣西是矣注據陰平道言雖亦可言縣但屬前漢言不當言國屬後漢言當云屬國亦不當僅言國耳

漢言當云屬國亦不當僅言國耳

或有膳夫庖人

沈銘彝曰庖人前書東方朔傳作胞人今案前書百官表敘亦作胞人禮祭統云胞者肉吏之賤者

也則从肉當爲正字然前書顏注均云胞與庖通又莊子庚桑楚湯以胞人籠伊尹釋文本又作庖則此作庖人亦非誤

譬猶緣木求魚注孟子對梁惠王曰集解周壽昌曰注梁惠當作

齊宣

案官本梁惠作齊宣

與赤眉戰於蓊鄉注蓊音莫老反字林云毒草也因以爲地名續

漢志弘農有蓊鄉

錢大昭曰說文蓊卷耳也蓊毒艸也注引字林以爲毒草則其字當从艸从蓊若作蓊是

卷耳艸矣又今續志作有蓊鄉字並不从艸案據注音莫老反仍蓊音故後省爲蓊斷非蓊之誤乃字林誤解耳

巡卒子姚嗣集解王補曰

至

故鄙見亦以立傳爲未安

錢大昕曰南陽宗室

同時舉義非有素定之分伯升見戮光武勢不能安雖受更始官爵亦由漢高之於義帝耳更始前無所承後無所授始則因人以成事繼遂失道而破亡史家惡莽之篡黜地皇而紀更始之年固爲得之若欲列諸本紀則失地之君春秋所貶豈宜躋於中興令主之上哉范氏登之傳首篇中稱字而不名準以史法最爲得中劉氏以兄終弟及例之未免擬不於倫矣今案班氏前書律麻志首名更始爲帝袁氏後漢紀尤極論更始得成爲君張衡劉知幾雖所見略同實已各有所本但光武旣不廢更始年號班志自不得不帝之袁論之誣至謂長安猶存建武之號已立爲道未盡不思光武兄弟本自首義其先已非有藉

於更始宛城拔昆陽勝然後更始稍有憑藉反忌伯升而殺之
是更始名爲光武族兄而固不反兵之仇矣遣徇河北未嘗授
之以軍努力信都乃得因而再起則其後亦非有藉於更始其
間受更始爵命皆非得已王夫之嘗論之故旣破王郎卽不受
徵罷兵此東漢得失之幾也況更始之立由羣盜無異王郎益
子王郎雖滅赤眉已西攻長安公孫述復躍馬稱帝更始號令
且不能行於一城之內矣光武不自立無以新天下之耳目漢
豈能復興哉然使更始終不降赤眉雖失地被擒而死猶可說
也抑旣請降於盆子爲侯爲王尙何兄弟及之有昔高帝起
沛名爲應陳涉爲漢王則立由項羽馬遷入陳涉世家入項羽
本紀及班氏斷代爲史皆擯諸列傳早有前例光武紀之用更
始紀年亦猶高紀之用秦紀年取便隸事耳餘詳張衡傳集解

劉盆子傳殺人當死又何請乎集解先謙曰官本何作可義並通

謹案袁紀作何與此同

崇同郡人逢安注東觀記曰逢音龐集解劉攽曰案逢字從夆

至
先謙曰官本作逢不誤
謹案官本作逢乃校刻時所改若監本本從夆不誤則劉氏不必刊矣

屬右校卒吏劉俠卿集解劉攽曰案吏當爲史說並見上

案赤眉稱號最

尊者三老次從事次卒吏袁紀所述亦同劉氏上云當改爲卒
史說甚精確但謂三老從事卒史皆是漢小吏名則頗嫌無別

此右校卒吏通鑑已改爲卒史劉氏與修通鑑得用已說胡注謂漢注卒史百石九卿寺及諸郡及軍行部校皆有之則亦考之未詳夫赤眉以三老爲尊所云從事卒史必其同等必皆小吏固也秦時有郡三老見本書王景傳漢則自高帝以來唯縣鄉置三老鄉三老介在亭長嗇夫之間明見前續百官表志誠小吏矣從事則自司隸校尉都官從事以下卒史則自廷尉文學卒史以下前書載王尊由郡決曹史舉幽州刺史從事顏注引漢儀注刺史得擇所部二千石卒史從事必刺史始能擇其重可知兒寬由博士掌故選補廷尉文學卒史見謂不習事不署曹漢博士掌故皆六百石故蘇林於文學卒史注曰六百石舊郡皆有自非無本臣瓚乃引漢注謂卒史秩百石顏注是之不知卒史固有百石者而實不止於百石黃霸卽嘗爲二百石卒史矣儒林傳序載武帝時有左右內史大行卒史郡太守卒史史至元帝好儒始於郡國置五經百石卒史別之曰百石卒史則其他不皆百石也況武帝時所選補其原秩有比二百石曰上者亦必無反補百石卒史之理也又龔遂守勃海上遣使者徵遂議曹王生願從史記滑稽傳作文學卒史王先生者自請與太守俱可悟公府諸曹掾卽以卒史署兒寬之不得署由見謂不習事王生卽文學卒史之署議曹者耳前漢公府所辟掾史經上言者比古元士其秩率由比二百石至比四百石見漢舊注尤不應概以百石卒史當之蕭何尹翁歸張敞均嘗爲郡太守卒史可以類推就令如胡注軍行部校皆有卒史何至與三老皆爲小吏故劉說失在無別胡引臣瓚說斷卿寺諸郡卒史皆百石失在考之未詳也唯續志百官五劉注引漢官載河

南尹員吏於諸縣有秩諸屬吏外有百石卒史二百五十人蓋是鄉各一人故多至二百數十此則與三老同爲小吏者今各本注史仍譌吏然百石卒史置自元帝有儒林傳序可證斷不容作吏又王常傳注引東觀記上稱江夏卒史此史字各本皆不誤是劉說終精確不易矣

今日設君臣之禮反更殺亂注肴亦亂也集解先謙曰官本注作

殺是

謹案官本注作殺取與正文應也然觀下文肴亂日甚正文本作肴知此處正文作殺乃繙刻之誤注蓋本不誤也

幽閉殿門

官本門作內

四照類門抄內

錄異文本并每賦此與王文并增可辨味之類於益本不增也

今日延壽百之斷又更給論封會亦論出樂輒失輪曰官本於此

辭語不具矣
下篇最盛

容并更又王常例封厚東賜通土歸以買卒史也史岩各本皆

本台史也補史卷百不本史房曰天界本論本也其可論不
張磯谷一人姑冬至二百幾十批限與三法同徵小吏音今谷

王劉張李彭盧列傳第二

後漢書十二

宋

宣

城

太

守范

睦撰

唐

章

懷

太

子

賢注

王先謙集解

王昌一名郎趙國邯鄲人也素爲卜相工明星歷常昌爲河北有

天子氣時趙繆王子林

景帝七代孫也集解惠棟曰袁宏紀邯鄲劉胡子等假漢威勢惑亂吏民詐以卜者

王郎爲成帝子云云林蓋字胡子也先謙曰據下云林等愈動好疑惑則林不知子與是詐此詐者別一人然則胡子非林字也

奇數

術

任俠於趙魏間多通豪猾而郎與之親善初王莽篡位長

安中或自稱成帝子子與者莽殺之

王莽傳曰時男子武仲自稱劉子與郎緣是詐

稱眞子輿云母故成帝謳者嘗下殿卒僵須臾有黃氣從上下半

日乃解遂隻身就館趙后欲害之

趙飛

僞易它人子曰故得全

東觀

記曰宮婢生子正與同時卽易之也

輿年十二

集解劉敞曰案上下文皆言子與此少一子字

識命者郎中

李曼卿

識命謂知天命也。集解蘇輿曰：識命者謂郎與命者郎中李曼卿相識命者，即推星命人之稱，猶卜人稱日者相人

稱相者耳。王補曰：蘇說是舊注迂回蓋郎與俱至蜀十七到丹陽

素爲卜相工明星歷其所識亦從其類耳。丹陽楚所封也。在今歸州秭歸縣東也。集解先謙曰：官本也。作地是。

趙呂須天時

也。須待

林等愈動疑惑，乃與趙國大豪李育、張參等通

謀，規共立郎會人，間傳赤眉將度河。林等因此宣言赤眉當立，劉

子輿、呂觀眾心，百姓多信之。更始元年十二月，林等遂率車騎數

百晨入邯鄲城，止於王宮。

故趙王之宮也。

立郎爲天子，林爲丞相，李育爲

大司馬，張參爲大將軍，分遣將帥徇下幽冀，移檄州郡曰：制詔部

刺史郡太守曰：

集解劉攽曰：案文多下一曰字，凡有曰字皆史臣所加，詔不自言曰也。

朕孝成皇帝

子子輿者也。昔遭趙氏之禍，因呂王莽篡殺，賴知命者將護朕躬。

東觀記曰：知命者謂侍郎韓公等。集解萬承蒼曰：案上文已言識命者郎中李曼卿，此知命者即曼卿也。先謙曰：案東觀記不言曼卿所據。

解形河濱，削迹趙魏。

解形猶脫身也。

王莽竊位，獲罪於天。天命佑

各異也。

漢故使東郡太守翟義嚴鄉侯劉信擁兵征討出入胡漢普天率

士知朕隱在人間南嶽諸劉爲其先驅

聖公光武本自春陵北徙故春陵近衡山故曰南嶽

也諸劉

朕仰觀天文乃興於斯曰今月壬辰卽位趙宮休氣熏蒸應

時獲雨蓋聞爲國子之襲父古今不易劉聖公未知朕故且持帝

號諸興義兵咸曰助朕皆當裂土享祚子孫已詔聖公及翟太守

亟與功臣詣行在所

天子所在曰行在所

疑刺史二千石皆聖公所置未覩

朕之沈滯或不識去就強者負力

負恃也

弱者惶惑今元元創痍已

過半矣

痍傷也

朕甚悼焉故遣使者班下詔書郎曰百姓思漢旣多

言翟義不死故詐稱之曰從人望於是趙國曰北遼東曰西皆從

風而靡明年光武自薊得郎檄

集解蘇輿曰光武紀郎移檄購光武十萬戶

南走信都

走趣也音子豆反

發兵徇旁縣遂攻柏人不下議者曰爲守柏人不如定

鉅鹿光武乃引兵東北圍鉅鹿郎太守王饒據城數十日連攻不

剋耿純說曰久守王饒士眾疲敝不如及大兵精銳進攻邯鄲若

王郎已誅王饒不戰自服矣光武善其計乃畱將軍鄧滿

續漢書滿作蒲

守鉅鹿而進軍邯鄲屯其郭北門郎數出戰不利乃使其諫議大

夫杜威持節請降威雅稱郎實成帝遺體光武曰設使成帝復生

天下不可得況詐子與者乎

集解王補曰成方遂王之明皆以妖妄僞冒乘隙煽奸盈廷恇怯幾致大

亂雋不疑用經訓斷疑聲重漢室方遂比以誣罔不道要斬東市王之明之獄黃得功劉良佐力爲申訟後世猶有疑其枉者可歎也王郎假附成帝遺體僭竊尊號罪在不赦光武於杜威持節請降之頃斥之曰設使成帝復生天下不可得況詐子與者乎所謂折以大義則亂萌立絕也大哉王言當機立斷不假計較不須廷議天亶神武之聰爲萬世人紀立極後有際斯變者得其說而存之弭亂誅妖孰大於是威請求萬戶侯光武曰願得全身可矣

願猶念也集解王補曰注

見劉盆子傳袁紀作一戶不可願得全身耳

威曰邯鄲雖鄙并力固守尙曠日月終不

君臣相率但全身而已遂辭而去因急攻之二十餘日郎少傅李

立爲反間開門內漢兵遂拔邯鄲郎夜亡走道死追斬之

劉永者梁郡睢陽人梁孝王八世孫也傳國至父立元始中立與

平帝外家衛氏交通

衛氏平帝母家也中山衛子豪之女

爲王莽所誅更始卽位永

先詣洛陽紹封爲梁王都睢陽永聞更始政亂遂據國起兵呂弟

防爲輔國大將軍防弟少公御史大夫封魯王遂招諸郡豪傑

集解

先謙曰官本無郡字監本同

沛人周建等竝署爲將帥攻下濟陰山陽沛楚淮

陽汝南凡得二十八城又遣使拜西防賊帥山陽佼彊爲橫行將

軍

西防縣名故城在今宋州單父縣北佼音絞集解惠棟曰胡氏案姓譜云春秋絞國卽佼也後改從人漢有佼彊王幼學云絞

古巧反字或作狡案春秋隱十年取防杜注高平昌邑縣西南有西防城昌邑於後漢屬山陽章懷於蓋延傳注亦言春秋時宋之

西防城非無據也先謙曰漢有防東縣今濟甯州金鄉縣西南故城是也西防城在縣西其南卽單縣境本春秋時宋防邑地後謂

之西防城後漢置防東縣在西防之東故取名焉章懷以西防爲縣非也

是時東海人董憲

集解惠棟曰袁宏紀

憲字儵卿東海朐人父爲人所殺憲聚客報怨眾稍多遂攻屬縣

起兵據其郡而張步亦定齊地

永遣使拜憲翼漢大將軍步輔漢大將軍與其連兵遂專據東方

及更始敗永自稱天子建武二年夏光武遣虎牙大將軍蓋延等

伐永初陳畱人蘇茂爲更始討難將軍與朱鮪等守洛陽鮪既降

漢茂亦歸命光武因使茂與蓋延俱攻永軍中不相能茂遂反殺

淮陽太守掠得數縣據廣樂而臣於永永曰茂爲大司馬淮陽王

蓋延遂圍睢陽數月拔之永將家屬走虞虞縣名屬梁國故城在今宋州虞城縣集解先

謙曰今歸德府虞城縣西南三里虞人反殺其母及妻子永與麾下數十人奔譙

蘇茂佼彊周建合軍救永爲蓋延所敗集解惠棟曰袁宏紀茂建將三萬人攻延於蒲西延

逆擊大破之茂奔還廣樂彊建從永走保湖陵三年春永遣使立張步

爲齊王董憲爲海西王於是遣大司馬吳漢等圍蘇茂於廣樂周

建率眾救茂茂建戰敗棄城復還湖陵而睢陽人反城迎永反音

吳漢與蓋延等合軍圍之城中食盡永與茂建走鄼今亳州縣也鄼音在何反

集解先謙曰今歸德府永城縣西南鄼縣鄉諸將追急永將慶吾斬永首降封吾爲列

侯蘇茂周建奔垂惠

集解惠棟曰袁山松郡國志云山桑縣有垂惠聚

其立永子紆爲梁

王佼彊還保西防四年秋遣捕虜將軍馬武騎都尉王霸圍紆建

於垂惠

集解洪頤煊曰光武紀王梁傳俱作偏將軍王霸王霸傳光武卽位拜爲偏將軍並將臧宮傅俊兵而以宮俊爲騎

都尉四年秋使霸與捕虜將軍馬武東討周建於垂惠此騎都尉王霸蓋涉宮俊而訛

蘇茂將五校兵救之

紆建亦出兵與武等戰不剋而建兄子誦反閉城門拒之建茂紆

等皆走建於道死茂奔下邳與董憲合紆奔佼彊五年遣驃騎大

將軍杜茂攻佼彊於西防彊與劉紆奔董憲時平狄將軍龐萌反

叛遂襲破葢延

集解王補曰此與葢延傳皆言萌襲破延與東觀記異注見延傳

引兵與董憲連

和自號東平王屯桃鄉之北

桃鄉故城在今兗州龔丘縣西北也集解惠棟曰任城有桃聚萌所據也

前漢屬東平故萌自號東平王前志泰山有桃鄉縣非此

龐萌

集解先謙曰官本提行監本同案前標總目無龐萌汲古本是

山陽人初亡命在下江兵中更始立呂爲冀州牧將兵屬尙書令

謝躬其破王郎及躬敗萌乃歸降

集解惠棟曰袁宏紀萌與世祖謝躬俱平邯鄲萌謂躬曰劉公

不可信也躬以告世祖世祖喻而安之及上誅謝躬而萌率眾
降上奪其眾謂萌曰前在邯鄲知之何速耶萌曰知之久矣

武卽位曰爲侍中萌爲人遜順甚見信愛帝嘗稱曰可曰託六尺

之孤寄百里之命者解見明紀龐萌是也拜爲平狄將軍與蓋延共擊

董憲時詔書獨下延而不及萌萌曰爲延譖己集解惠棟曰袁宏紀萌與延爭權懼

延譖己遂勒兵反也自疑遂反帝聞之大怒乃自將討萌與諸將書曰吾嘗

曰龐萌社稷之臣將軍得無笑其言乎集解王補曰光武嘗以社稷臣許龐萌及萌反叛自

將討之其與諸將書首輒自任失人失言之咎不稍諱飾所謂恢
廓大度同符高祖帝王自有真也後世帝鑒無恆先後相違史並

載之徒見其自戾而已老賊當族其各厲兵馬會睢陽憲聞帝自討龐萌乃

與劉紆蘇茂佼彊去下邳還蘭陵集解先謙曰注見光武紀使茂彊助萌合兵

三萬急圍桃城集解惠棟曰桃城卽桃鄉也東郡燕縣有桃城非此帝時幸蒙集解先謙曰今歸德府商

邱縣東北聞之乃畱輜重自將輕騎三千步卒數萬晨夜馳赴師次任

城集解惠棟曰袁宏紀桃城告急上將輕騎二千步兵數萬晨夜至亢父百官疲倦請可且宿上不聽復行十里宿任城也去

桃鄉六十里旦日諸將請進賊亦勒兵挑戰帝不聽乃休士養銳

呂挫其鋒城中聞車駕至眾心益固時吳漢等在東郡馳使召之

萌等乃悉兵攻城二十餘日眾疲困而不能下及吳漢與諸將到

乃率眾軍進桃城而帝親自搏戰大破之萌茂彊夜奔輜重逃奔

董憲乃與劉紆悉其兵數萬人屯昌慮自將銳卒拒新陽

新陽縣屬東海

郡集解先謙曰地闕帝先遣吳漢擊破之憲走還昌慮漢進守之憲恐乃招

誘五校餘賊步騎數千人屯建陽去昌慮三十里

建陽縣屬東海郡故城在今沂

州承縣北承音時證反集解先謙曰官本承並作丞當作承建陽今兗州府嶧縣西帝至蕃

蕃音皮又音婆

去憲所

百餘里諸將請進帝不聽知五校乏食當退敕各堅壁呂待其敝

頃之五校糧盡果引去帝乃親臨四面攻憲三日復大破之眾皆

奔散遣吳漢追擊之佼彊將其眾降蘇茂奔張步憲及龐萌走入

縉山

縉縣名故城在今沂州承縣東北縉山即其縣之山也

數日

吏士聞憲尚在復往往相聚得數百騎迎憲入剡城

集解先謙曰剡誤官本作

郟是下同在今沂州府郟城縣西三十里故縣社

吳漢等復攻拔剡憲與龐萌走保胸

縣名

屬東海郡今海州胸山縣西有故胸城秦始皇立石以爲東關門卽此地也

劉紆不知所歸軍士高扈

斬其首降梁地悉平吳漢進圍胸明年城中穀盡憲萌潛出襲取

贛榆

贛榆縣名今海州東海縣也贛音貢

琅邪太守陳俊攻之憲萌走澤中會吳漢

下胸城進盡獲其妻子

集解劉敞曰案文多一進字

憲乃流涕謝其將士曰妻

子皆已得矣

爲吳漢所得也

嗟乎久苦諸卿乃將數十騎夜去欲從間道

歸降而吳漢校尉韓湛追斬憲於方與

方與音防預集解先謙曰在今沂州府魚臺縣北

方與人黔陵亦斬萌皆傳首洛陽封韓湛爲列侯黔陵爲關內侯

集解先謙曰官本無下爲字是

張步字文公琅邪不其人也漢兵之起步亦聚眾數千轉攻傍縣下數城自爲五威將軍遂據本郡更始遣魏郡王閔爲琅邪太守

步拒之不得進閔爲檄曉喻吏人降得贛榆等六縣收兵數千人與步戰不勝時梁王劉永自呂更始所立貪步兵彊承制拜步輔

漢大將軍忠節侯督青徐二州使征不從命者步貪其爵號遂受

之乃理兵於劇

劇縣名在今青州壽光縣南也

呂弟弘爲衛將軍弘弟藍玄武大

將軍藍弟壽高密太守遣將徇太山東萊城陽膠東北海濟南齊

諸郡皆下之步拓地浸廣

浸漸也

兵甲日盛王閔懼其眾散乃詣步

相見欲誘呂義方步大陳兵引閔怒曰步有何過君前見攻之甚

乎閔按劍曰太守奉朝命而文公擁兵相距閔攻賊耳何謂甚邪

步嘿然良久離席跪謝乃陳樂獻酒待呂上賓之禮令閔關掌郡

事也

關通

建武三年光武遣光祿大夫伏隆持節使齊拜步爲東萊

太守劉永聞隆至劇乃馳遣立步爲齊王步卽殺隆而受永命是

時帝方北憂漁陽南事梁楚故步得專集齊地據郡十二及劉永

死步等欲立永子紆爲天子自爲定漢公置百官王閔諫曰梁王

曰奉本朝之故是曰山東頗能歸之今尊立其子將疑眾心且齊

人多詐汲黯曰公孫弘之詞宜且詳之步乃止五年步聞帝將攻之曰其將

費邑爲濟南王屯厯下冬建威大將軍耿弇破斬費邑進拔臨淄

步曰弇兵少遠客可一舉而取乃悉將其眾攻弇於臨淄步兵大

敗還奔劇帝自幸劇步退保平壽今青州北海縣也集解先謙曰在今萊州府濰縣西南三十里

蘇茂將萬餘人來救之茂讓步曰曰南陽兵精延岑善戰而耿弇

走之大王奈何就攻其營既呼茂不能待邪集解惠棟曰王幼學云謂張步既已求救

於我也步曰負負無可言者負愧也再言之者愧之甚集解惠棟曰王幼學云負負猶言負罪負罪帝

乃遣使告步茂能相斬降者封爲列侯步遂斬茂使使奉其首降

步三弟各自繫所在獄皆赦之封步爲安丘侯後與家屬居洛陽

王閔亦詣劇降八年夏步將妻子逃奔臨淮與弟弘蘭集解先謙曰蘭誤宕

本作藍

欲招其故眾乘船入海琅邪太守陳俊追擊斬之王闔者王

莽叔父平阿侯譚之子也哀帝時爲中常侍時倖臣董賢爲大司

馬寵愛貴盛閔屢諫忤旨哀帝臨崩召璽綬付賢曰無妄召與人

時國無嗣主內外恇懼閔白元后請奪之卽帶劔至宣德後闔三輔

黃圖曰未央宮有宣德殿闔宮中門也

舉手叱賢曰宮車晏駕國嗣未立公受恩深

重當俯伏號泣何事久持璽綬召待禍至邪賢知閔必死不敢拒

之乃跪授璽綬閔馳上太后朝廷壯之及王莽篡位潛忌閔乃出

爲東郡太守

集解錢大昕曰莽傳有兗州牧壽良卒正王闔卽其人也壽良本東郡屬縣故史家依本名書之不用莽

所改名也然莽雖分壽良爲郡仍改東郡爲治亭未嘗卽以壽良爲東郡則史所書未核矣諸傳中如和成卒正道江卒正朔調連

率沂平太尹之類皆用莽所改名史何以變其例

閔懼誅常繫藥手內莽敗漢兵起閔獨

完全東郡三十餘萬戶歸降更始

李憲者潁川許昌人也

集解洪亮吉日案許縣獻帝徙都後始改許昌前漢安得有此名此史誤

王莽

時爲廬江屬令

王莽每郡置屬令職如都尉

莽末江賊王州公等起眾十餘萬

攻掠郡縣莽曰憲爲偏將軍廬江連率擊破州公莽敗憲據郡自

守更始元年自稱淮南王建武三年遂自立爲天子置公卿百官

擁九城眾十餘萬四年秋光武幸壽春遣揚武將軍馬成等擊憲

圍舒

廬江舒縣集解先謙曰注見光武紀

至六年正月拔之憲亡走其軍士帛意

帛姓

也宋帛產之後也見韓非子也

追斬憲而降憲妻子皆伏誅封帛意漁浦侯後憲

餘黨涪于臨等猶聚眾數千人屯瀾山攻殺安風令

瀾山安豐皆縣名屬廬江

郡瀾縣故城今壽州也集解劉敞曰案傳作安風注作安豐安風

安豐皆是縣名從傳是王會汾曰郡國志安風安豐皆屬廬江郡

安風爲侯國而安豐則縣也傳言殺令似當從注作安豐先謙曰

瀾山山名非縣也注誤寰宇記山在懷甯縣西北二十里高三千

七百丈周二百五十里有三峯天柱山潛山皖山也瀾縣在今揚

六安州霍山縣東北三十里安豐在今潁州府霍邱縣西南揚

州牧歐陽歆遣兵不能剋帝議欲討之廬江人陳眾爲從事白歆

請得喻降臨

曉喻其意而降之也集解惠棟曰謝承書云光武遣司空李通率師擊之州牧惶怖恐獲罪戾眾於疑自

請以恩信
曉諭降之

於是乘單車駕白馬往說而降之灑山人共生爲立祠
號白馬陳從事云

彭寵字伯通南陽宛人也父宏哀帝時爲漁陽太守偉容貌能飲

飯

飯音扶
遠反

有威於邊王莽居攝誅不附己者宏與何武鮑宣並遇

害

集解洪頤煊曰前書何武傳莽陰誅不附己者元始三年呂寬
等事起連引諸所欲誅上黨鮑宣南陽彭偉杜公子偉卽宏也

寵少爲郡吏地皇中爲大司空士

王莽時九卿分屬三公每一卿
置元士三人集解劉攽曰案王

莽傳一卿置大夫三人一大夫置士三人
此文不具少置大夫三人一大夫八字

從王邑東拒漢軍到洛

陽間同產弟在漢兵中懼誅卽與鄉人吳漢亡至漁陽抵父時吏

抵歸

更始立使謁者韓鴻持節徇北州

謂幽

承制得專拜二千石

已下鴻至薊曰寵漢竝鄉閭故人相見歡甚卽拜寵偏將軍行漁

陽太守事漢安樂令

安樂縣名屬漁陽郡故城在今幽州潞縣西
北也集解先謙曰今順天府順義縣西南

及光武鎮慰河北至薊曰書招寵寵具牛酒將上謁會王郎詐立

傳檄燕趙遣將徇漁陽上谷急發其兵北州眾多疑惑欲從之吳

漢說寵從光武語在漢傳會上谷太守耿況亦使功曹寇恂詣寵

結謀共歸光武寵乃發步騎三千人呂吳漢行長史及都尉嚴宣

護軍蓋延狐奴令王梁

狐奴縣名屬漁陽郡集解先謙曰今順天府順義縣東北

與上谷軍合

而南及光武於廣阿光武承制封寵建忠侯賜號大將軍遂圍邯

鄲寵轉糧食前後不絕及王郎死光武追銅馬北至薊寵上謁自

負其功意望甚高

負恃也

光武接之不能滿

其不能滿其意故心不

平也光武知之呂問幽州牧朱浮浮對曰前吳漢北發兵時大王遺

寵呂所服劔又倚呂爲北道主人寵謂至當迎閭握手交歡竝坐

今旣不然所呂失望浮因曰王莽爲宰衡時甄豐旦夕入謀議時

人語曰夜半客甄長伯

長伯豐字也豐平帝時爲少府王莽篡位時爲更始將軍

及莽篡位後

豐意不平卒呂誅死光武大笑呂爲不至於此及卽位吳漢王梁

寵之所遣並爲三公而寵獨無所加愈怏怏不得志歎自我功當

爲王但爾者陛下忘我邪

集解胡三省曰爾猶言如此也袁宏紀載寵語曰今但若是陛下忘我耶

時北州破散而漁陽差完有舊鹽鐵官寵轉昌質穀質易積珍寶

益富彊朱浮與寵不相能浮數諧構之建武二年春詔徵寵寵意

浮賣已上疏願與浮俱徵又與吳漢蓋延等書盛言浮枉狀

枉諧已之

也狀固求同徵帝不許益自疑而其妻素剛不堪抑屈固勸無受

召寵又與常所親信吏計議皆懷怨於浮莫有勸行者

集解惠棟曰東觀記

浮密奏寵上徵之寵既自疑其妻勸寵無應徵今漁陽大郡兵馬

眾多奈何爲人所奏而棄此去寵與所親信吏計議吏皆怨浮勸寵止不應徵帝遣寵從弟子后蘭卿喻之寵因畱子后蘭卿遂發兵反

拜署將帥自將二萬餘人攻朱浮於薊分兵徇廣陽上谷右北平

又自引與耿況俱有重功而恩賞並薄數遣使要誘況況不受輒

斬其使秋帝使游擊將軍鄧隆救薊隆軍路南浮軍雍奴

集解先謙曰潞

今順天府通州
雍奴今武清縣

遣吏奏狀帝讀檄怒謂使吏曰

集解胡三省曰遣
吏來使故曰使吏

營相去百里其執豈可得相及比若還

若汝也

北軍必敗矣寵果盛

兵臨河已拒隆

集解惠棟曰河潞河也在城西三十里鄜元云今遺壁故壘存焉

又別發輕騎三

千襲其後大破隆軍浮遠遂不能救引而去明年春寵遂拔右北

平上谷數縣遣使召美女縉綵賂遺匈奴要結和親單于使左南

將軍七八千騎往來爲游兵召助寵又南結張步及富平獲索諸

豪桀皆與交質連衡

交質謂交相爲質也左傳曰交質往來道路無壅前書音義曰以利合曰從以威力相脅

日遂攻拔薊城自立爲燕王其妻數惡夢又多見怪變

東觀記曰夢羸袒冠

橫橫日遂攻拔薊城髡徒推之又寵堂上聞蝦蟇聲在火鑪下鑿地求之不得也

卜筮及望氣者皆言兵當從中

起寵疑子后蘭卿質漢歸

集解惠棟曰王幼學云質如字正誤云質當音致

故不信之使

將兵居外無親於中五年春寵齋獨在便室

便坐之室非正室也

蒼頭子密

等三人

集解惠棟曰秦呼民黔首謂奴爲蒼頭者以別於良人也

因寵臥寐共縛著牀告外吏

云大王齋禁皆使吏休僞稱寵命敎收縛奴婢各置一處

集解劉

文多一命字敎卽勅下之書下文自有命字

又呂寵命呼其妻妻入大驚

東觀記曰妻入驚曰奴反

奴乃捽其妻頭擊其頰

寵急呼曰趣爲諸將軍辦裝

呼奴爲將軍欲其赦己也

於是兩奴

將妻入取寶物畱一奴守寵寵謂守奴曰若小兒我素所愛也今

爲子密所迫劫耳解我縛當曰女珠妻汝家中財物皆與若小奴

意欲解之視戶外見子密聽其語遂不敢解於是收金玉衣物至

寵所裝之被馬六匹

集解胡三省曰加馬以鞍勒曰被馬

使妻縫兩縑囊昏夜後解

寵手令作記告城門將軍云今遣子密等至子后蘭卿所速開門

出勿稽畱之

稽停也

書成卽斬寵及妻頭置囊中便持記馳出城因

曰詣闕封爲不義侯

集解王補曰權德輿云伯通之叛命子密之戕君同歸於亂罪不相蔽宜各致於法昭示

王度反乃爵於五等又以不義爲名且舉以不義莫可侯也此而可侯漢爵爲不足勸矣春秋書齊豹盜三叛人名之義無乃異於是乎先謙曰東觀記云詔討寵者封侯朝廷以明旦閣門不開官

奴殺主不義復不可不封乃封子密爲不義侯

明旦閣門不開官

屬踰牆而入見寵尸驚怖其尙書韓立等共立寵子午爲王呂子
后蘭卿爲將軍國師韓利斬午首詣征虜將軍祭遵降夷其宗族

盧芳字君期安定三水人也居左谷中

續漢志曰三水縣有左右谷故城在今涇州安定縣

南集解先謙曰漢三水縣在今平涼府固原州北

王莽時天下咸思漢德芳由是詐自稱

武帝曾孫劉文伯曾祖母匈奴谷蠡渾邪王之姊爲武帝皇后生

三子遭江充之亂太子誅皇后坐死中子次卿亡之長陵小子回

卿逃於左谷霍將軍立次卿迎回卿回卿不出因居左谷生子孫

卿孫卿生文伯常呂是言誑惑安定間王莽末乃與三水屬國羌

胡起兵更始至長安徵芳爲騎都尉使鎮撫安定呂西更始敗三

水豪桀共計議呂芳劉氏子孫宜承宗廟乃共立芳爲上將軍西

平王

欲平定西方故以爲號

使使與西羌匈奴結和親單于曰

集解惠棟曰是時匈奴單

于乃呼韓邪單于之子呼都而尸道單于也名輿

匈奴本與漢約爲兄弟

高祖時與冒頓單于約爲兄弟

後匈奴中衰呼韓邪單于歸漢漢爲發兵擁護世世稱臣

呼韓邪單于降

漢入朝宣帝擁護國內遂定

今漢亦中絕劉氏來歸我亦當立之令尊事我乃

使句林王將數千騎迎芳

句音古侯反集解惠棟曰東觀記屬國胡數千騎在參蠻芳從之自稱西平王

會匈奴句林王將兵來降參蠻胡芳因隨入匈奴也

芳與兄禽弟程俱入匈奴單于遂立芳

爲漢帝已程爲中郎將將胡騎還入安定初五原人李興隨昱

集解

胡三省曰姓譜隨侯之後又杜伯之玄孫爲晉大夫食采於隨曰隨會

朔方人田颯代郡人石鮪閔

堪各起兵自稱將軍建武四年單于遣無樓且渠王入五原塞

塞屬

五原郡因以爲名

與李興等和親告興欲令芳還漢地爲帝五年李興閔

堪引兵至單于庭迎芳與俱入塞都九原縣

九原縣名故城在勝州銀山縣也集解先

謙曰漢五原郡治九原縣在今大同府大同縣西北大河南今馬喇特旗東南境

掠有五原朔方雲中定

襄鴈門五郡並置守令與胡通兵侵苦北邊六年芳將軍賈覽將

胡騎擊殺代郡太守劉興

集解惠棟曰東觀記興將數百騎攻覽上狀檄至光武知其必敗報書曰欲復

進兵恐失其頭首也詔書到興已爲覽所殺長史得檄以爲國家
坐知千里也王補曰按馮異傳異擊盧芳將賈覽匈奴奠韃日逐
王破之芳後曰事誅其五原太守李興兄弟而其朔方太守田颯雲

中太守橋扈恐懼叛芳舉郡降光武令領職如故後大司馬吳漢

驃騎大將軍杜茂數擊芳並不剋十二年芳與賈覽共攻雲中久

不下其將隨昱畱守九原欲脅芳降芳知羽翼外附心膂內離遂

奔輜重與十餘騎亡入匈奴其眾盡歸隨昱昱乃隨使者程恂詣

闕拜昱爲五原太守封鐫胡侯鐫謂琢鑿之故以爲名昱弟憲武

進侯十六年芳復入居高柳高柳縣名故城在今雲州定襄縣西北

與閔堪兄林使使請降集解王補曰匈奴聞漢求盧芳貪得財帛

不稱匈奴所遣單于復恥言其計故賞遂不乃立芳爲代王堪爲

代相林爲代太傅賜繒二萬匹因使和集匈奴芳上疏謝曰臣芳

過託先帝遺體奔在邊陲社稷遭王莽廢絕曰是子孫之憂所宜

其誅故遂西連羌戎北懷匈奴單于不忘舊德權立救助是時兵

革並起往往而在臣非敢有所貪覬也覬望也期於奉成宗廟興立社

稷是曰久僭號位十有餘年罪宜萬死陛下聖德高明躬率眾賢

海內賓服惠及殊俗曰肺附之故也肺附若肝肺相附著猶言親戚也集解惠棟曰司馬貞云肺附

音柿府柿木札也附木皮也以喻人主疏未之親如木札出於木樹皮附於樹詩云如塗塗附注云附木皮也赦臣芳罪

加曰仁恩封爲代王使備北藩無曰報塞重責冀必欲和輯匈奴

輯音才入反郭景純云古集字不敢遺餘力負恩貸負猶背也謹奉天子玉璽思望闕

庭詔報芳朝明年正月其冬芳入朝南及昌平昌平縣名故城在今幽州昌平縣東

南集解先謙曰今順天府昌平州東南有詔止令更朝明歲芳自道還憂恐乃復背

叛遂反與閔堪閔林相攻連月匈奴遣數百騎迎芳及妻子出塞

芳畱匈奴中十餘年病死初安定屬國胡與芳爲寇集解錢大昭曰郡國志不

載安定屬國然光武紀建武二十一年安定屬國胡叛桓帝紀永壽元年南匈奴叛安定屬國都尉張奐討之又隸釋劉寬碑陰有

安定屬國都尉孟扶可證
東京有安定屬國都尉也
及芳敗胡人還鄉里積苦縣官徭役其

中有駁馬少伯者素剛壯二十一年遂率種人反叛與匈奴連和

屯聚青山
青山在今慶州有青山水集解先謙曰慶陽府環縣西有青山卽此續志注北地參繚縣有青山
乃遣

將兵長史陳訢
呂忱云訢古欣字
率三千騎擊之少伯乃降徙於冀縣
冀縣屬天水郡今秦州伏羌縣

論曰傳稱盛德必百世祀
左傳晉侯問於史趙曰陳其遂亡乎對曰未也臣聞盛德必百代祀虞之代數

也孔子曰寬則得眾夫能得眾心則百世不忘矣觀更始之際劉

氏之遺恩餘烈英雄豈能抗之哉然則知高祖孝文之寬仁結於

人心深矣周人之思邵公愛其甘棠
詩序曰甘棠美邵伯也邵伯聽訟於甘棠之下周人思之

不伐其樹又況其子孫哉劉氏之再受命蓋曰此乎若數子者豈有國

之遠圖哉
集解劉攽曰案文國上少一字不成文理蓋有經字也周壽昌曰案明言此數子之所爲非有國之遠圖何嘗

不成文理劉氏因時擾攘苟恣縱而已耳然猶曰附假宗室能掘

添經字無謂

強歲月之間

掘強謂強梁也前書伍被謂淮南王安曰掘強江

其智略固無足曰憚漢祖發其英靈者也

言此數子非漢祖之敵不足奮發英靈而憚畏

也

贊曰天地閉革

革改也易曰天地閉賢人隱又曰天地革而四時成湯武革命順乎天而應乎人

野戰羣

龍

喻英雄並起也易曰龍戰于野其血玄黃又曰羣龍无首吉也

昌芳僭詐梁齊連鋒

梁王劉永齊王張步

寵負強地

據漁陽也

憲縈深江

起廬江也

實惟非律代委神邦

易曰師出以律律法也言

反叛非用師之法故更代破滅委棄其神皋之國伏於光武也

王劉張李彭盧列傳第十二

終

後漢書十二

後漢書集解卷十二技補

王昌傳時趙繆王子林注景帝七代孫也

案注與光武紀注同然平干繆王元乃景帝曾

孫七字皆誤

集解惠棟曰袁宏紀邯鄲劉胡子等

至然則胡子非林

字也

案胡子為趙王庶兄已具光武紀集解故不贅及據聚珍本東觀記帝至邯鄲趙王庶兄胡子進狗牒馬醢故趙繆

王子臨說帝決水灌赤眉胡子立邯鄲卜者王郎為天子前書景十三王傳趙敬肅王彭祖再傳至孫懷王尊中絕宣帝以尊弟哀王高紹封高傳子共王充充傳子王隱莽篡位貶為公胡子當即隱之庶兄武帝時以親親故別立敬肅王小子偃為平干王傳子繆王元薨以前罪子不得立國除平干即廣平臨即林也以林為即元子不曰故平干王子而曰故趙王子未知何說然林與胡子之為兩人則甚明

識命者郎中李曼卿注識命謂知天命也集解蘇輿曰識命者謂

郎與命者郎中李曼卿相識

至

其所識亦各從其類耳

案昌詐言趙后

欲害之不得意以為殆有天命故章懷說識命為知天命即下文賴知命者將護朕躬亦當作如此說方合詐言之體雖此所謂郎中李曼卿與東觀記所謂侍郎韓公等者未知是一是二然郎中侍郎皆官也命者業也世必無儼然士夫而專以業名

者微論乖立言之體史亦當無此書法矧古之星命家或名星者或名術者未聞有命者之稱周壽昌謂識命卽今所謂算命人固誤矣然猶與下文知命者同說也蘇氏乃就周意別自爲說以識爲相識之識王氏又從而和之卻皆忘此爲昌自詭告人之辭非史家紀實之語語出於史則謂方以類聚昌所識亦不過命者未嘗不可而年甫十二未必卽已爲卜相工仍可疑也今辭出於昌如謂人識己而將護之斯於辭不害若在己甫識一命者卽隨之浪游此不可告人之事何足惑人反不如並此識字去之

林等因此宣言赤眉當立劉子輿曰觀眾心

案袁紀當下有至字

南嶽諸劉爲其先驅注聖公光武

至

故曰南嶽諸劉也

錢大昭曰莽始建國

元年分四方爲四嶽故有南嶽之稱猶云南方耳隗囂傳云威命四布宣風中岳與此同意諸劉謂嚴鄉侯信安眾侯崇徐鄉侯快陵鄉侯曾扶恩侯貴等亦不專指光武疑注誤

遂攻柏人不下

至

光武乃引兵東北圍鉅鹿

張熲曰柏人卽今順德府唐山縣鉅鹿在

其東南傳云東北誤

劉永傳又遣使拜西防賊帥山陽佼彊爲橫行將軍注西防縣名

故城在今宋州單父縣北集解惠棟曰至章懷以西防爲縣非

也

謹案惠氏引左傳杜注昌邑縣西南有西防城說本續志山陽郡昌邑劉注實則劉氏亦非能實驗所有也前志山陽郡

有西陽侯國吳卓信謂今金鄉縣西有西防城本春秋宋防邑

隱十年敗宋取防杜注高平昌邑縣西南有西防城是也後書

劉永傳注西防縣名二漢志無西防縣疑陽爲防之誤已見補

注攷西陽爲東平思王子頃侯竝封國明見前書王子侯表固

不得指爲西防之誤而前志以西陽繫山陽郡之末東漢無其

國續志卽以防東繫山陽郡之末西漢亦無其縣準以地望則

西陽當卽防東抑卽西防矣晉縣無防東蓋已併入高平國之

昌邑故杜注云然劉氏卽以漢昌邑當之未合也唐縣並無昌

邑蓋又併入宋州之單父故章懷注云然杜茂傳云時西防復

反迎佼彊茂率捕虜將軍馬武進攻西防數月拔之準以史家

得城邑曰拔之例指爲縣名亦似別有所本或莽廢漢諸侯國

之時嘗改西陽國爲西防縣以別於江夏郡縣之西陽後又轉

改爲防東兩志皆未及詳著耳

殺淮陽太守

案太守爲潘蹇見光武紀

時平狄將軍龐萌反

錢大昭曰平狄蓋延傳作平敵

屯建陽去昌慮三十里注建陽縣屬東海郡故城在今沂州承縣

北集解先謙曰官本承並

丞當作丞

謹案建陽前漢東海郡侯國非縣後漢省丞亦

漢東海郡故縣然兩漢志均作承

襲取贛榆注贛榆縣名今海州東海縣也

案贛榆本前漢琅邪郡屬縣後漢改屬東海郡

在今海州贛榆縣東北

張步傳建武三年光武遣光祿大夫伏隆持節使齊

錢大昭曰伏隆使齊傳在

二年冬此云三年疑誤今案光武紀劉永立步爲齊王與步殺隆均在三年二月蓋隆本以二年冬往使以三年春被害此傳文蒙下步卽殺隆而受永命言之取與紀合非誤也

王閔亦詣劇降

侯康曰御覽三百六十八引王閔本事曰閔爲琅邪太守張步欲誅之閔出東武城門馬奔墮車折

齒閔心惡之移病歸府遂得免

閔屢諫忤旨

侯康曰閔忤旨事見前書董賢傳又有諫尊寵董賢疏並見漢紀

彭寵傳地皇中爲大司空士

土原諺事據錢校改官本不誤

盧芳傳居左谷中注續漢志曰三水縣有左右谷

張煇曰今續志三水下但有劉

注云有左谷盧芳所居亦無右字

乃與三水屬國羌胡起兵

錢大昭曰時安定屬國都尉治三水縣故言三水屬國侯康曰都尉治三水縣

西南去安定郡三百四十里見水經河水注

期於奉成宗廟

官本成作承

初安定屬國胡與芳為寇

安定原誤為安國據錢按改官本不誤錢大昭曰安國疑當作安定是錢所據本亦誤也

集解桓帝紀永壽元年南匈奴叛安定屬國都尉張奐討之

永案

壽元年奐由議郎遷安定屬國都尉亦見本傳

又隸釋劉寬碑陰有安定屬國都尉孟

扶侯康曰蓋勳傳注引續漢書曰父字思齊官至安定屬國都尉亦一證也

徙於冀縣注今秦州伏羌縣

伏原譌奉據唐志正官本不誤錢大昭曰奉羌閩本作伏羌是錢所據本亦譌伏為

奉官本依監本又與閩本合也

周人之思邵公

邵官本文注均作召案古字通作

野戰羣龍注又曰羣龍无首也

官本无作無

(B)
622.201
1020
1923
v.5